

1 OTISU ie'i msInukIn iaianke' pmatse'cuk iukwan Cibus Knayst we'kwismukot Te'pItun, ipi Te'pIt we'kwismukon E'pIne'amun; **2** E'pIne'e'm okiwosmukon AysIkIn, ipi AysIk kiwosmukon Ce'kapIn, ipi Ce'kap kiwosmukon CotusIn, ipi niw wikane'iIn; **3** IcI Cotus kiwosmukon Pe'nIsIn, ipi Se'ne', Te'me' cI kao kie'iwat, ipi Pe'nIs kiwosmukon E'snumIn, ipi E'snum kiwosmukon E'numIn, **4** Ipi E'num kiwosmukon E'mInite'pIn, ipi E'mInite'p kiwosmukon Ne'e'sunIn, ipi Ne'e'sun kiwosmukon SanmunIn, **5** Ipi Sanmun kiwosmukon Poe'sIn, niw cI kaokie'icIn Ne'ke'pIn, ipi Poe's kiwosmukon, OpItIn, kaokie'icIn NwtIn ipi OpIt kiwosmukon Ce'siIn; **6** Ipi Ce'si kiwosmukon Te'pItIn kaokumawIt, ipi Te'pIt kaokumawIt kiwosmukon Sanumun; kaokie'icIn kaowiwpninIn Ionaie's; **7** Ipi Sanumun kiwosmukon NopoumIn, ipi Nopoum, kiwosmukon E'pie'In, ipi E'pie' kiwosmukon E'se'In; **8** Ipi E'se' kiwosmukon Cose'pe'tIn, ipi CosIpe't kiwosmukon Cone'mIn, ipi Cone'm kiwosmukon Osaye'sIn; **9** Ipi Osaye's kiwosmukon Cote'mIn ipi Cote'm kiwosmukon E'ke'sIn ipi E'ke's kiwosmukon IsikayusIn; **10** Ipi Isikayus kiwosmukon Me'ne'se'sIn, ipi Me'ne'se's kiwosmukon E'munIn, ipi E'mun kiwosmukon CosayusIn; **11** Ipi Cosayus kiwosmukon Ce'koniasIn, ipi wikane'iIn, iw cI ipic e'kimacintwa Pe'pinun; **12** IcI kapie'ntwa, ipI Pe'pinun Ce'konias kiwosmukon Se'ne'tie'nIn, ipi Se'ne'tie'n kiwosmukon Sono'pe'pe'nIn; **13** Ipi Sono'pe'pe'n kiwosmukon E'pie'tIn, ipi E'pie't kiwosmukon E'naye'kumIn, ipi E'naye'kum kiwosmukon E'sunIn; **14** Ipi E'sun kiwosmukon Se'takIn, ipi Se'tak kiwosmukon E'kImIn, ipi E'kIm kiwosmukon InayiatIn; **15** Ipi Inayiat kiwosmukon Inie'se'nIn, ipi Inie'se' kiwosmukon Me'te'nIn, ipi Me'te'n kiwosmukon Ce'kapIn; **16** Ipi Ce'kap kiwosmukon CosipIn, onape'mIn o Me'ni kanikukocIn Cibus oie'o kashInkanIt Knayst. **17** OtIcI ie'i cak iaianke' pmatsowunIn kaocukwat E'pIne'-e'm nash Te'pIt, Ke'iapI mtatso shItInie'w iaianke' pmatsowunIn, ipi Te'pIt nash kamacintwa Pe'pe'nunuk ke'iapI mtatso shItInie'w iaianke' pmatsowunIn icI pic kamacintwa Pe'pe'nunuk nash Knayst, ke'iapI mtatso shItInie'w iaianke'

pmatsowunIn. **18** OtlcI KanikIt Cibus Knayst otl kanomkuk, ni okie'iIn Me'niIn kakishknontwat ni CosipIn e'pwamshI witike'twat okikukIshkwan pInoce'iIn e'ki ne'nmukot Kshe'mIne'ton. **19** IcI CosipIn onape'mun kimmoshuwe'psin cowi kine'ntusi, e'wipwakuke'ncukasIt, ntafac kimoc e'wipke'at kine'ntum. **20** Me'kwacI otl e'ie'shite'at, PInI Kshe'mIne'to omIshIne'we'mIn nkipie' otusuk kinapitum, Otl okikon, Cosip we'kwIsmukwiIn Te'pIt ke'ko kwtukIn e'wiwicIt Me'ni kiwish, iwsI otl e'ncukot kane'nmukot Kshe'mIne'to OcipamIn. **21** KuokwIsI, Cibus cI kIshInkana, wino kuke'skonan otInIshInape'mIn, i e'patasnIt. **22** Caye'k otl kanomkuk e'wi te'pwe'mkuk Kshe'mIne'to ni iacimot otl kikIt: **23** PInI! she'shksi kIncuko ku'okwIsIcI otl okishInkanawan Ime'niun; i ie'i KshIne'to kuwice'okonan e'kItok. **24** Pic cI Cosip kaonIshkat me'kwa e'npapIt oki te'pwe'twan Kshe'mIne'ton omIshIne'we'mIn kakot, icI e'kiw otapInImatsot ni wiwun. **25** CocI okikuke'nmasin nash ni onutmoshanIn okwIsIn; kanikIt Cibus cI okishInkanan.

2

1 UPIC cI Cibus kanikIt, iukwanuk Pe'tne'um Otanuk Cwtie'uk, me'kwa E'nut e'ie' okimawut; PInI e'pianIt ne'pwakancIn nInwun we'cmokuk Cinwse'ne'muk; e'pie'shiawat; **2** OtlcI kikItwuk, TInipicI okanikIt otokumamwan Cwiuk? NkiwaptumwamIn otInukomIn we'cmokuk; ie'i we'cpie'shiaiak e'winume'kItokIt. **3** Pic E'nut okuma kanotuk, notI kikicum mkoshkate'ntum, ipi caye'k Cinose'ne'muk kaie'cuk. **4** IcI pic kakishmaosomat caye'k kcI-me'matmokcIn, ipi otonpie'ke'mwan ki nIshInape'k, kakishmaoce'tiwat win okinatawan, TInipi Knayst ke'cInikIt? **5** IcI otl okinawan iukwanuksI Pe'tnium Cwtie'uk e'kiwuk; iw kashupie'ike't iacimot: **6** Ipi kin Pe'tnium e'kiwuk Cwtie'uk, cosu kin, otapine' kitupite'ntakwsusi we'kmaocuk Cwtie'uk; kin su kaotIna okuma ke'tupakwnat ntInIshInape'muk Isne'iIn. **7** IcI E'nut pic kimoc e'kintomat ni ne'pwakancIn nInwun, e'kin natowat me'me'cIk; TInicI pic nuk kanakwsIt? **8** IcI e'kinokanat Pe'tniumuk, otl okinan, Wishiak, ipi pmawike'ntone'ok we'shknikIt opInoce', icI kimkawe'k, pie'witumoshike'k, ninke' e'wishiaian

e'wiwInume'kituwuk. **9** IcI pInI, pic cI kanotwawat ni okuman kinmumacik, icI niw onukon kawapmawapIt we'cmokuk, kinmInikanin, pama kinkase' shikacIIt we'shknikIt pInoce' kacIIt. **10** Pic cI kawapmawat ni nukon kicImnwe'ntumwuk, ipi kinmawan koswuk. **11** IcI pic kapiawat wikwamuk okiwapmawan, niw kaoshkIniknIt pInoce'iIn, ipi Me'ni okie'iIn, icI e'kipmukocnowat, ipi e'nume'kitowawat; icI pic kapaknumwat iukwanIn we'onIt nukIn, e'kimawan mikwe'wunIn osaw shonia, ipi mnomiakowun. **12** IcI e'kiwitumakwat, Kshe'mIne'ton e'kiapwawat ke'kowi minI shiake'k E'nut e'ilt, icI e'kishiat e'tnukie'wat ototanwak, pkan kinImIshie'k. **13** IcI pic kamaciwat PInI Cosip kiwapman Kshe'mune'to omIshInIwe'mIn e'napituk otI otukon, Psukwin ipi otapIn we'shknikIt pInoce', ipi niw okie'iIn, ipI cI Iciptuk oshumok; icI shi iuk; pama pie'toian kikitowun, iukwanwi E'nut okupantone'wan we'shknikIt pInoce'iIn e'winsat. **14** PicI win kapsukwit kiwtapInan niw we'shkniknIt, pInoce'iIn, ipi niw okie'iIn, nipatipuk e'kishumaciwat iukwanuk Iciptuk. **15** IcI shi pIne' e'ikiIt, pama kanponIt E'nutIn, iwsI ie'i ote'pwe'wun kakItot, Kshe'munIt otacimonInwun, kItwak, iw ie'i kaocIntomuk O nkwiS iukwanuk Iciptuk. **16** IcI E'nut e'kikike'ntuk e'ki papnInmukot ni ne'pwakancIn nInwun, kicInshkatsI e'kinokashwe't, icI kaye'k e'kinsIckasnIt pInoce'iIn e'inIcIn shi Pe'tniumuk; ipi caye'k pe'shoc e'inIcIn nashponkInIcIn, ipi iwpic e'kiwi ke'nata'wat niw ne'pwakancIn nInwun. **17** Iw ie'i, te'pwe'wun kakItot, iukwan Ce'nimaye', iacimot otI kakItot; **18** Iukwanuk Ne'me'uk okinotanawa notakwsuwun wishkwe'we'ksuwun, ipi moik, ipi kcIshke'ntumwun; Ne'ce'n otumwuman onicanse'iIn, cowi kshkumnowankosi; osam co wuie'iwin. **19** Pic cI E'nut kanpot PInI Kshe'mIne'to omIshIne'we'mIn okiwtuskon Cosip kinaptum shi Iciptuk, **20** OtI okikon, Psukwin, ipi otapIn we'shknikIt pInoce', ipi niw okie'iIn, icIshiak e'kiwuk Isne'iIn, kinpokwshIki kapmIntone'kuk, niw we'shkniknIncIn pInoce'iIn opumatsiwnInIn. **21** IcI win e'kipsukwit, e'kiwtapnat, niw we'shkniknIncIn pInoce'iIn, ipi niw okie'iIn, icI e'kishiat e'kiwuk Isne'iIn. **22** Pic cI kanotuk Akine'us kaokumawnIt Cwtie'uk, e'kinapshkumwat ni osIn E'nutIn win kikwtacI ipI e'wishiat; kaian wuwitmakot Kshe'mIne'ton e'kinaptuk, icI kipke'wak e'kishiat Ke'niniuk.

23 IcI kapiat e'kiwutat kcI otanuk Ne'sune't kishInkate', iw ie'i te'pwe'wun kakItot iacimocuk Win kshInkaso Ne'sIni nInI.

3

1 ICI niw e'kishkiwuk kipie'wak Can, Ke'ctapie'nwe't, e'pmukie'kwe't no'wmtukwakukik Cwtie'uk. **2** OtIcI kItwak, Kisate'ntmok; osam otokumauwun shpumuk pe'shoc pie'te'mkIt. **3** Otl ie'o kaiacImukocIn iacimoncIn Ise'iusIn, kItwak, OwlIu otInwe'wun nkot pe'motnakwsIt na'mtukwakukikumuk, Nikan oshInwitak, Te'pe'n mukwie'kon wshItwuk tupasI mie'we'sIn. **4** OpshIe'o Can, kamItIkIn kcowe'si wisiumIn, ipi mishakIn kcipsonIn, pe'mkripsocIn, ipi kaotumicimowut, iukwan e'tsawe'ncIn, ipi amo sispakwut, **5** Iwci e'kipie'naskakot Cinose'ne'm, ipi caye'k Cwtie', ipi caye'k kiwtayiukwan e'pmukiwuk Cantanuk. **6** IcI e'ki kcitapie'nat shi Cantanuk, e'kiwitumake'wat omIcshuwe'psiwnawan. **7** Pic kawapmat e'mane'nIt Pe'nIsiIn, ipi Se'cwsiln, e'pianIt e'tshI kcItapie'nwe't, otIcI okinan, O! pe'matsie'k pwatacke'ie'k mIntoie'k! we'nicI kakoie'k e'wioshImotme'k, iw nshkatsowun wapiamkuk. **8** Pie'toke', i we'wnunuk pmatsowun e'wiwapitI wuie'k, kisate'ntumwun. **9** Ke'kowi, ke'ko, ne'ntuke'k kiiwawa, E'pIne'-e'mntoosmamIn, ktInum cI nin, Kshe'mIne'to otakshkItton, notI sInIIn, e'wipsukwipnat pInoce'iIn iukwanIn E'pIne'- e'mIn. **10** Ipi iw iukwan pkumsakIn okitonawa e'wce'pkiwuk, iukwanIn ni mtukon, ipi cI niw mtukon pwapie'tomkIt nuk we'onIt nuk micum kukishkukaso, ipi cI, shkote'k kupukcikaso. **11** Nin we'we'nI, kitakcItapie'num shi npik, e'kisate'ntume'k, win cie'ko ke'pie'pukwnIshkowut nin, win wusimI pite'ntakwsI icI nin, coil nin ntupit e'ntakwsIsi, icli e'wipmaotawuk omuksInIn, win ie'k kukcitapie'nkowa shi Kshe'mIne'to ocipamIn ipi iukwan shkote'k. **12** WinsI kie'nuk nonouwun one'cik, icI we'we'nI okupinakwan opIskakomIn, ipi okumawtoston opukwe'shkInum; okItton mukukok, iclie'k okIdakswan oshlikwe'mnIn, shi kakuk shkote'k. **13** IcI e'pie'ocupiat Cibus iukwanuk Ke'nIniuk, e'shiat Catanuk e'iInIt CanIn e'wikcItapie'nkot. **14** CancI okikna'moan, otI okinan, NinsI ie'k ktakcItapie'n; TacI e'pie'naska'wiln, nin. **15** Cibus cI

okinkwe'twan otl okinan, NocImasI i kInomkIt nkom, Iw ke'shuwe'pse'ikon e'wite'pwe'k, caye'k mInoshuwe'psiwun. Iwcl e'kite'pwe'twat. **16** IcI Cibus kakishkcltapie'nkot, iwcl papuk kashIpie'kwashuk, icl pInI e'kinsakwsanuk, Kishuk, ipi kiwapman Kshe'mIne'to OcipamIn, e'pie'nisashkanIt, ke'cwa mIne'to mimi; e'pie'pkIshnInIt wiiwuk. **17** IcI pInI, notakwsowun shpumuk, otl kIkItomkIt, Otl ie'o te'panuk NkwIs, nin ke'cmInonwe'It.

4

1 IWCI Cibus e'kimacinkot KcI CipamIn now'mtukwakik, e'wikwcltupe'nmukot ni mclmIne'ton. **2** IcI pic, KapwawisnIt nie'waptuk tso kishuk, ipi nie'waptuk tso tpuk; iwcl e'pkIte't. **3** IcI pic kakocItpe'nmukocIn kapiant e'clilt otl okikon; KishpIn kin We'kwIsmukwiIn Kshe'mIne'to, klton notI sInIn e'wiwshIckate'k e'wikwe'shkInwuk. **4** Okinkwe'twancI ipi otl okinan otl e'shonupie'kate'k; NInI cowitapmatsIsi, pe'pshuk pkwe'shkIn mtIno; mtIno ie'ki cak kikitowun we'cpie'sakumom kuk otonik Kshe'mIne'to. **5** Iucl mclmIne'ton okisho'wnukon iukwuanuk kcI otanuk, e'kiw cipitupukot shi kwItupuk nume'okumkok. **6** Otlcl otukon, KishpIn kin, okwIsmukwiIn Kshe'mIne'to, pie'ocIniswe'pnItson; otukwshI e'shonIpie'kate'k, Win okuwitmowan omIshInIwe'mIn, e'wikuwapmukwiIn ipi onIciwak kupumukwitInukok wikake' e'wipwapaksite'shnIn sInik. **7** Cibus cl otl okinan, otukwshI e'shwunIpie'ka te'k minI, Ke'kowi kwcltupe'nmakIn Te'pe'nmukwiIn Kshe'mIne'to. **8** MinI cl, mclmIne'to okishonan e'cl kcI pkotnianuk e'kiwaptuat, caye'k okumauwun shotI kik, e'pic wuntInuk. **9** Ipi otl okinan, caye'k notI, kuminIn, KishpIn pmukocIn, ipi nume'kItoIn. **10** Otlcl Cibus okinan, Nkoci, shian, MclmIne'to, otukwshI e'shwunupie'kate'k, Nume'kito'w Te'pe'nmukwuiIn, Kshe'mIne'to wintIno kie'pmltwut. **11** Iwclni, mclmIne'ton kashInkInkot, ipi pInI mIshInwe'n e'pianIt, icl e'pie'pmitakot. **12** IcI pic Cibus kanotuk, ni CanIn e'kikpakwukasnIt, kishImaci shi Ke'niniuk; **13** IcI e'nkItuk Ne'se'nIt; e'kishiat e'wliIt cikcukum Ke'panium e'te'nuk, ipi e'pie'kokumukianuk Se'pwnIn, ipi Ne'ptInum. **14**

Niiw ie'ni te'pwe'onIn kakitot Ise'us iacimot otI kItwak, **15** Iw e'kiwuk Se'pwnIn, ipi e'kiwuk Ne'ptInum shiw cikcukum wus ipI Catan: o Ke'nIni mawak Me'ikIscIk; **16** Kiw nIshInape'k kacipitupcuk, e'kiskupkonianuk okiwaptanawa e'kikcI wase'anuk, kiw cI kacipitupIcuk, e'tnukie'wat, ipi e'cipantomkuk npowIn; wase'iak kipie'mokse'mkIt. **17** Iwcl pic Cibus e'pmowe'pkie'kwe't, otI kikIto; Kisate'ntumok; iukwankwshI okumauwun e'te'k shpumuk kishkot pe'shoc pie'iumkIt. **18** IcI Cibus e'pmose't cikcukum Ke'nIniuK, okiwapman nish we'wikane'itIncIn; Sayiman e'shnukasot Pitu, ipi E'nto, ni wikane'iIn, e'tshI pukInanIt supIn kiukumik; kikikoske'onInwuk. **19** IcI otI okinan, Naktone'o'shuk; kaoshe'num e'wikikoskawe'p nInwuk. **20** IcI papuk e'kinkaawat otI supimwan, icI e'kinaktone'wawat. **21** IcI e'nmaocImacit shiw, okiwapman minI, anIt nish we'wikane'itIncIn, Ce'ms, We'kwIsmukot Se'pitiIn, ipi Can wikane'iIn pic napkwanuk, Se'pitiIn, oswan e'na'towat, otusupimwan; icI e'kintomat. **22** IcI papuk e'kinkItmowat onapkwana ipi oswan; e'kinaktone'wawat. **23** IcI Cibus e'kipashiat Ke'nIniuK e'pmuknomake't; iukwanuk otInume'okumkomwak, ipi e'pmukie'kwe't mnoacImowun, iukwan okumauwun, ipi e'pmlne'se'we't cak, e'shnakwuk iakwnoke'wun, ipi cak e'shnakwuk kwatuke'ntumwun ki nIshInape'k. **24** IcIi, otI win wiacmukwslwun e'kipashiamke'tnuk kiswe'shkie'nI shi caye'k Sinie'uk; okipie'twawancI niw caye'k iakwnokancIn ni nIshInape'n, ipi ni na'we'napinIncIn, ipi kwe'tukitoncIn, ipi niw packakwancIn mlcImIne'ton, ipi ni ne'kaptIncIn, ipi niw ne'nie'psIncIn, icI win e'kine'se'at. **25** IcI okipme'nashkakon ke'cmaoce'tincIn nIshInape'n, pie'ocupie'n Ke'nIniuK, ipi kiwcupie'n Tike'ponIsuk, ipi kiwcupie'n Cinose'ne'muk, ipi kiwcupie'n Cwtie'uk, ipi kiwcupie'n wus ipI Catanuk.

5

1 ICI kawapmat niw maocetincIn, e'okwIcowe't, e'shpItnianuk, icI kacipitupIt ni e'knomowacIn okipie'nashkakon. **2** IcI e'ki pakinuk ioton; icI e'ki knomowat, otI kikIto. **3** Shuwe'ntakwsik, ki ke'tmake'nkuk, ocipamwan ki ie'ki, te'pe'ntukuk okumauwuni shpumuk kishkok. **4**

Shuwe'ntakwsik ki kasate'ntukuk; ki ie'ki ke'mnwe'ntukuk. **5**

Shuwe'ntakwsik ki pwakcIne'ntukuk wio'wawa; ki ie'ki ke'tpe'ntumwat kI.

6 Shuwe'ntakwsik ki, pe'kIte'we'ntukuk, ipi e'kakaskite'e'skuk, iukwan mnoshuwe'psowun; ki ie'ki ke'moshkIne'sanuk **7** Shuwe'ntakwsik ki

she'we'ncIke'cIk; ki ie'ki ke'kshkItocuk, she'we'ncuke'wun. **8**

Shuwe'ntakwsik ki, kiw pante'acIk; kiie'ki ke'wapmacIk Kshe'mIne'ton. **9**

Shuwe'ntakwsik ki, tpantowun we'shtocuk; ki ie'ki, ke'shInkascIk

Kshe'mIne'to onicansIn. **10** Shuwe'ntakwsik ki mnoshuwe'psuwun,

we'ckwtukitowat ki ie'ki te'pe'ntukuk okumauwun shpumuk kishkok. **11**

Kshuwe'ntakwsim pic nInwuk, nshonasmukwie'k, ipi miashtotakwuie'k,

ipi cake'ko kItwat kukInwush kacimukwie'k, nin ocItotakoie'k. **12**

Mnwankosuk, ipi kcImnwe'ntumok; waminkoie'k kIcIne'ntakwut shpumuk

kishkok; iwkwshI kashukwtukawat, iacimoncIn kaie'cuk e'pwam shIle'k.

13 KinwakwshI kitowsiw taknawum shotI kik; kishpIncl

ponsiwtakunukpkok; we'kwnicI ke'ocI siwtakunupok' CosI ke'shI

owunsInon mtIno e'wisakuwe'pInlkate'k, icI e'wipInkatumowat, nInwuk.

14 Kinwasi, ktowawase'shkanawa kI. KcI otan, kwutakik e'te'k, co

takukIckate'snon. **15** Cowike' nInwuk, otaskI'sinawa waskone'ncukIn, icI

e'witowat namiukwan tupu'ke'nuk; mtIno ie'k waskone'ncukunatkok; icI

waskone'ntakwnawa, caye'k pituk e'icuk wikwamuk, **16** Nocma

wawase'shkmok e'nasmupwat nInwuk e'wiwaptumwat kmInototmonawan,

ipie'wi winwane'k Koswa e'iIt; shpumuk kishkok. **17** Ke'kowi ne'ntuke'kon;

otI we'cpiaian e'wipnactoian tpakwnuke'wun, tanake' iacimocuk; cowi

intoc piasi e'wipnactoian; mtIno e'wikishtoian. **18** We'we'nI KtInum,

pamasI shpumuk kishkok, ipI kI, ke'ntoshke'mkIt, cotIna pke'ci

pwawe'pnukate'k tpakwnuke'wun, pama caye'k kicaktpIshkosak. **19**

We'kwe'ntuk ke'pnactokwIn notI nkot e'li e'kacinoiakIn kilkwe'we'nIn, ipi

ke'knomowacIn nInwun; kshInkaso oie'o otapine' kupite'ntakwsI shiw

okumauwunuk shpumuk kishkok; We'kwe'ntukcI ke'totuk ipi ke'knomowat

ike' win kshInkana oie'oke'cIpite'ntakwsIt shi okumauwunuk shpumuk

kishkok. **20** OtI KIItInum; KishpIn cI kmnoshuwe'psiwnInawa wusimI

pwashumnoshuwe'psie'k kotI we'npie'ke'cIk ipi Pe'nIsiuk;

cokitakshkItosim e'wipitike'ie'k okumauwunuk shpumuk kishkok. **21**

Kinotake'msI anwI pnowi kakItwapIt; Ke'kowi nshowe'ke'k icI we'kwe'ntuk ke'nshowe'kwe'n kInie'sansI pictpakwnIt. **22** Otl KtInum, We'kwe'ntuk kipinshInshkacitw at wikane'iln kInie'sansI pic tpakwnIt, ipi we'kwe'ntuk ke'nat wikane'iln; Ne'ke', kInie'sansI e'tshI kikitokiwuk; ke'iapI we'kwe'ntuk ke'nat; Kukie'patIs, kInie'sansI namkumuk shkote'k. **23** KishpIn cI iw pie'ton kmikwe'wun e'tc sku'umatuk, icI shiw mikwe'ntIn kikane', ke'ko, e'ne'nmukwiIn. **24** NkItIn shi ikmikwe'wun e'tshI sku'umatuk, icI nmamacin; ne'tum pone'ntuk kikane', icI, pianmikwe'n iw kmikwe'wun. **25** Wikantuk kie'nup ne'shknmukwiIn, me'kwa e'il pmowice'otlie'k; kta nupkIttuk ne'shke'nmukwiIn tpakwnukie'wunuk, icI o tpakwnukie' onInI kupkIttuk kii'aw ni okumasIn icI ke'cIpukinukon shi kpakwotiwkumkok. **26** We'we'nI ktInIn; Cowi ktapie'sakIsi, pama kiwike'tpu'umIn me'skwapakIsiIt. **27** Kinotake'msI, kakItwapIt pnowi; Ke'ko win waonIshkaiwuke'k. **28** Nincl, otI KtInum, We'kwe'nshe'tuk ke'wapmat ni kwe'n naw' ne'nmat; kowaonIshkaiwu kisha' shiwo te'ik. **29** KishpIn cI, iw kite'p shkishIk ocI mIcIshuwe'psin kicIpItton, icI nkocipukiton; wusimI ktate'pIs kishpIn shkishuk pnacak, icI caye'k kii'awe'wipukci kate'k shi namkumuk shkote'k. **30** KishpIn kte'pniw nak ocI mIcIshuwe'psin, Kishkshun, icI nkoci pukuton; wusimIcI kte'pIs nkote'il knIce'n pnacak; cocI wii caye'k kii'aw e'wipukicikate'k namkumuk shkote'k. **31** OtlIsI kikitom, We'kwe'ntuk ke'we'pnakwe'n wiwun, nocIma win, okuminan we'npie'kate'nuk e'we'pnItwat. **32** Otl cI KtInum, We'kwe'ntuk ke'we'pnakwe'n wiwun; pwawaonIshkaiwuto kwe', WinsI o nInI okItotwan, e'wi waonIshkaiwunIt; ipi we'kwe'ntuk ke'wiwkwe'n, niw kawe'pnukasnIncIn waonIshkaiwI. **33** MinI ki notake'm; kakItwapIt pnowi, Ke'kowinIshkItkIn; Ke'ko kItIn, Kitotum kashuwawitmowut Kshe'mIne'to e'wi totImIn. **34** Nincl otI, KtInum Ke'ko wipapIsh kie'tnamta kwsukIn shi; ke'ko wike' shpumuk kishkok iwi e'i Kshe'mIne'to ocipitupwun. **35** Ke'kowike' shotI kik, iw ie'i otupsIte'pwun; ke'kowike', Cinwse'ne'muk, iw ie'i kcIotan o KcIokuma. **36** Ke'kowike' kie'tnamwe'kIn; shi ktupik; cosI wi ktakshkItosin, e'wiwshItton nkot kinsIs e'wiwapshkiak, tanake' e'wi mkIte'wak. **37** NocImasI niw kitukinontiwnowan kitasIstonawa; e', e', co, co; we'kwe'ntuk wusimI icI notI, kupie'ocipie'mkIt me'anuk. **38** KinotamsI

e'kitok; kukItwapIt shkishuk ashkot shkishuk, ipi wipIt ashkot wipIt. **39** Nin cI otI ktInum, ke'kowi nakwnuke'k iw me'anuk; we'kwe'ntuk cI ke'we'potakwiIn kte'pnoiak kwe'knoito 'w minI ashwayiukwan. **40** KishpIn cI owlil nInI witpakwnukwiIn, li tpakwnuke'wunuk, icI otapnImakwiIn kpiskumwakIn ke'iapI mish kIc-piskumwakIn. **41** Ipi we'kwe'ntuk, ke'wishte'pmukwiIn, nkot e'wiwice'wIt tpukIn, showice'o nish. **41** And whosoever shall compel thee to go a mile, go with him twain. **42** Mish o ke'ko ne'tumakwiIn, ipi cI o ke'pie'waukon ke'ko win koci ne'nashkawakIn. **43** Kinotake'msI kakItok, Tpush pe'shoc e'tacuk, ipi shike'num me'iashtotakwiIn. **44** Nin cI otI KtInum, Tpanuk kiw me'iashtotakwie'k showe'num kin me'cI knonkoie'k mnotota 'w kiw shake'nmne'konIk ipi nume'kita 'w kiw ne'shkacito nikonIk, ipi kiw kwe'tukine'kok. **45** Iwcl i e'winicansunkoie'k Koswa shpumuk e'ilt kishkok; win otashan otukisomIn e'wipie'moksanIt ni me'ashowe'psIncIn, ipi niw me'noshuwe'psIncIn, ipi onitaan e'kmaonInuk ni me'nototmIncIn, ipi niw me'ashtotmIncIn. **46** KishpIn Tpane'k, kiw te'pankoie'k we'kwnicI me'se'ntume'k? ConukwnukI maocIcke' onInwuk shIcke'sik? **47** KishpIn cI numkotwa kikane'iwak, mtIno we'kwnicI iw wusimI e'shcI ke'ie'k ki anIt? Conukwinuke', kiw maocIcke'onInwuk totsik? **48** Nocma kwiuk showe'psuk, ke'cwa o Koswa kwiuk e'shwe'psIt shpumuk e'ilt, kishkok.

6

1 IKWAMSUK e'wipwamnototwe'k e'nasmupwat nInwuk e'wiwapmne'k ie'i ke'pwaocI mnototone'k Koswa shpumuk e'ilt kishkok. **2** Iwcl ie'i pic mnototake'n ke'kowi nikan notakwtoke'n pe'pkwe'iak e'shcuke'wat, e'nume'kascuk e'totkuk nume'okumkok; ipi niw otan mie'we'n e'wimnowacimukwat nInwun.--We'we'nI Kuwitmonum ote'ionawa otIp 'okse'onowa. **3** Pic cI mnototake'n, Ke'kowi knumciwun okuke'ntusin kte'pniwun e'shcuke'mkuk. **4** Iw cI niw kmnototake'wun e'witotmIn kimoc, ipi oie'o Kos wapItanIn pwawapcikate'nuk winie'k kuminuk ke'wapcIkate'nuk. **5** Pic cI numan ke'kowi shIcke'kIn ke'cwa kiw e'nume'kascIk; ome'nwe'ntanawa e'numawat e'nipwawat, otI num-e'o

kumkomwak, ipi otanuk mie'wuk e'pmlwawikwe'anuk e'wiwapmukwat nlniwun. We'we'nl KtInum ote'ionawa otIp'okse'onowa ne'twe'ntumwat. **6** Pic cI kin wi numan pitike'n e'cI pitokInikate'k icI ke'cI kupakwa'mIn shkwate'm, nume'kito'w Kos kimoc e'ilt; ipi o Kos wiapmuk kimoc kutupamak, e'wiwapmukon. **7** Pic cI numan ke'kowi pIne' nasap, kItke'kon ke'cwa Me'ikIscIk e'totmoat, winwashIte'-e'k ninan nkupsItakomIn, mce'she'kItiak. **8** Ke'kowi kinwa shIcke'ke'k e'shcike'wat winwa, okuke'ntankwshI Koswa ne'twe'ntme'k e'pwanshIn ntotmowe'k. **9** OtIsI ktashI matumawa; Nosnan e'in shpumuk kishkok, ke'cne'ntakwuk ktIshnukaswun, **10** Kto kumau'wun kupie'mkIt. Nocma kte'ne'ntumwun knomkIt shotI kik, ke'cwa shpumuk kishkok. **11** MishInak otI nkom e'kishkiwuk e'tso kishkuk, e'shwisIniak. **12** Ipi pone'ntumwIshnak mIsnukInanIn ninanke' e'shpone'nmukIt me'citotmoiImIt, mIsumoiiumke'shiIk. **13** Ipi ke'ko shonIshikak ke'tshI kweItipe'nmukoiak, otapInIshnak caye'k me'anuk; kin ktupe'ntan okumauwun, ipi kshke' e'wsuwun, ipi iw kcIne'ntakwsuwIn kakuk. E'me'n. **14** KishpIn pone'ntumwe'k ninwuk, omuiiashtotmonawa, ke'iapukI Koswa shpumuk kishkok kupone'ntmakwa. **15** KishpIn cI pwapone'ntumwe'k nInwuk omuashuwe'psiwnawa; CowikI Koswa kupone'ntumakwsiwa kmIashuwe'psiwnawan. **16** Pic cI pwawisnie'k ke'ko wishuwe'psuke'k, ke'cwa e'nume'kascuk e'kisasnakwsawat oshkishkowak e'miashtowat e'wine'nmukwat nInwun ie'i we'cpwawisnawat. We'we'nl otI KtInum, ote'ionawasI i otIp'okso-onowa. **17** Pic cI kin, pwawIsnin numukwin ktupik ipi ksikwan. **18** Ke'ocI pwamnone'nmukwiIn nInwuk e'pwawisnin mtInoie'k Kos e'ie't kimotsawunuk; ipi Kos waptuk, kimotsawun kuminIk ne'twe'ntumIn ke'cI we'pcIkate'nuk. **19** Ke'kowi twakInukatsoke'k ke'cpite'ntakwuk shotI kik, mIne'tosiuk ipi e'wikwakwnuk, e'wipnack, ipi ki ke'mote'iuk e'wipikptowat e'wi kmotwat. **20** MtIno twakInukatsok ktupnIo we'osiwnawan shi shpumuk e'cI pwaiawat, mIne'to se'iuk, cowike' ke'ocI kwakwnuk, e'cI pwapnacak, ipi ki ke'mote'iuk e'ci pwapikptaswat e'wi kmotwat. **21** Shi ie'shi ke'cIte'k ktupnowe'wsiwnawa ke'iapukI shi kte'iwa ke'cIte'k. **22** Wase'aswun otI kia'w i ie'i kshkishuk; kishpIncl nkotuk kshkishuk caye'k kia'w kawase'ia. **23** KishpIn cI iw kshkishuk

mianuk caye'k kia'w kukiskupkonia. KishpIn cI iw wase'iak e'te'm kuk ki i wuk; kishpIn kiskupkoniak; knkicI pite'ntakwut iw e'kiskupkoniak. **24** Cowi wliI nInI otakshkItosin e'wite'pwe'twat nish te'pe'nmukwocIn; nkot e'il otashikInman, icI niw nkot otatpanan ke'iapI niw nkot otamackonan, iwcl niw nkot otamiane'nman. Cowin ktakshkItosin e'wi ie'i pmitwat Kshe'mIne'ton, ipi Me'mun. **25** NinsI otI KtInum, Ke'kowi pame'ntuke'kon kpumatsiwnuwam, we'kwe'ntIk ke'micwe'kwe'n, we'kwe'ntukie' ke'mnukwe'okwe'n, ipi iukwan kiwiwuwan; we'kwe'ntuke' ke'piskumwe'kwe'n, ConukwnI pmatsowun wusimI pite'ntakwse'non icI i micum, ipi cI iw wia'w wusimI pite'ntakwut icI iw wapiskumuk. **26** PInI kiw pne'shiuk pe'pamsakuk cowi otukikie'sik, cowike' okishksusinawa cowike' omaoton sinawan e'witowat micImaokumkok; ke'iapI shpumuk kItIshI Koswa otushman. ConI kinwa ktupite'ntakwsusim, wusimI icI winwa? **27** We'nicI kinwa e'wi mikwe'ntume'k akshkItot nkot otoskwun wusimI e'wikosIt. **28** We'kwnicI we'cmikwe'ntume'k paskume'konIn. Naktuwe'ntumok, ni wawaskone'toiun ktukanuk e'mikwukuk, cowimikice'wimke'snon, cowikI pimnukwe'mkIsnon. **29** Ke'iapI cI, nin KtInum, Win Sane'mun kaye'k okIcne'ntakwsuwun, co kinapme'nakwsIsi ke'cwa notI nkot. **30** KishpIn Kshe'mIne'to nukwinie'tot mishkoiun ktukanuk, nkom e'kishkiwuk, icI wapuk ke'ci pukicukate'k kpoce'skInuk, conukwunI nowuc win ktanukwnie'kosim, O pike'ci te'pwe'ie'ntume'k. **31** Ke'kowi pame'ntuke'k otI e'wikItie'k; We'kwnicI ke'micilkon? Ke'iapukI we'kwoni ke'mnukwe'ikon? Ke'iapukI wusimI we'kwoni ke'kwe'iak? **32** OtI ie'i tpe'nwe'osuwun Me'ikIscIk kapme'nton e'mowat, iukwan suwi Koswa shpumuk, okuke'ntan waioie'k cak ke'ko. **33** Ne'tumsIe'k ntowaptmok otokumauwun Kshe'mIne'to, ipi ome'noshuwe'pse'wun, ipi cI cake'ko ke'anke'stakom. **34** Ke'kocI pame'ntuke'k iw wapuk; iw wapuk ke'win kumikwe'nte'somkIt. Me'anuk e'kmukishuk ke'ilIn.

7

1 KE'KO tpakwnuke'ke'kon ke'ocI pwapakwnukoie'k. **2** Iw ie'i tpakwnuke'wun ke'ocI tpakwnukoie'k, ipi we'kwe'ntuk tpukIn, ke'tpukie'n,

minl ke'tpukate' ne'iap, **3** We'kwnicI we'cwaptumwut pe'sIne'kot kikane' shkishkok; cocu kin kowaptusin iw mtuk ke'pakshkakwie'n tpInowe' kshkishkok. **4** TInicI ke'nIt kikanI, NkukcIpiton pe'snukwiIn kshkishkok, ipi pInI, cocu kin kowaptusin, iw mtuk ke'pakshkakwuiIn tpInowe' kshkishkok. **5** Kin e'nume'kasiIn, ne'tum sakicowe'pnun mtuko ke'pakshkakwiIn tpInowe' kshkishkok, icI ke'cI mnowapiIn, iwcl e'wikcuptowut pe'snukot kikanI oshkishkok. **6** Ke'kominake'k iw panakwuk, ke'ko kiw wunumoshuk, ke'koke' pukitowake'k ke'cwunuk e'nasmukapwowat kokoshuk, otanapIn katanawan namiukwuan osItiwak, icI kupie'kwe'kse'k, minl knanisik mukwak. **7** Ntotumake'kcI, icI ke'cI minkoie'k ntone'mokcI icI kumkanawa, papakakwuke'k cI icI ke'nsakwnumakom cI. **8** E'tshowat kiw ne'totmake'cuk okIionawa, ipi o ke'ntone'uk okumkan, icI win oke'papakakwuke't kInsakwnumwa. **9** We'nicI onInI kinwa kishpIn, natakot okwIsun pkwe'shkIn? okuminan nI sIn? **10** KishpIn ke'ntotmakot kikosIn okuminanI mIne'ton? **11** KishpInI kinuwa, e'miashuwe'psie'k kuke'ntume'k washI mikwe'ie'k we'wunuk ki knicansawak, TInicitso wusimI Koswa shpumuk e'ilt kishkok, ke'shIminat we'onutnuk ni ke'ntotmakwcIn. **12** Cake'ko e'shIntuwe'nme'k nInwuk watotakwie'k ike' kinwa ke'totwe'k; otI ie'i tpakwnuke'wun, ie'i iacimocuk. **13** Pitike'k i e'kacIshkwate'mwuk, ipi mukIte'ia i shkwate'm, ipi mkIte'ia mie' o, e'suk nshonatsinak, ipi patike'cuk mane'k shiw. **14** Osam kacIshkwate'm, ipi kacImie'w e'suk pmatsiwnuk, ipi pke'ci shIiwik kiw me'kumocuk. **15** Nakutowe'nmuk iacimokascuk pie'naskakwie'k mantanshuk pie'nukwnie'k piciukwancI pe'panshawe'cuk moe'k. **16** Kukike'n mawaksI e'shomicumowat.--IukwanuknI nInwuk omikitanawan, Siwnwe'n kcIkunukaoshisuk tanake' kcIshomnun otamikitanawan msanuk? **17** Caye'ksI kiw me'nomtukwucuk, mnomicImowuk me'cI mtukwItcI mcImicmowuk. **18** We'wunuk mtukcI cotamcI omicmosi cowi kI mcImtuk tamnoomicma' o si. **19** Caye'k mtukok pwamnoomicmawut; kukwu'kaswuk; icI shi pukInak shkote'k. **20** Ke'iapI e'shmicumowat, ke'ocI kuke'nme'k. **21** Cowi caye'k ke'ke'cuk, Te'pe'nmin, Te'pe'nmin, kupitike'sik okumauwunuk shpumuk kishkok, winsI ie'ko mtIno ke'shIcke't e'shte'anIt Nos shpumuk kishkok. **22** Mane'kcI otI nkukok, iw kishkuk

Te'pe'nmin, Te'pe'nmin, conl nki iacimotusimIn ktInoswunuk, conlke' ktnoswunuk, nki sakcuwe'pnasimun mcImIne'tok? conlke' ktnoswunuk mane'kIn, nkiwshItosim mamkate'ntumwunIn shIcke'wunIn? **23** Otl cI nkInak, Cowi ka kikuke'nmlsnonIm nkInshIn; macin kinwa makItme'k miashowe'psuwun. **24** We'kwe'ntuk nwatmokwe'n notI ntukitonIn, ipi ke'pamtuk nkine'nma win, ni pwakanInI kawshItot e'tat kwIcsInik. **25** IcI e'kmowuk kipie'mkIt, ipi e'moshkuk kipie'mkIt, ipi kinotIn, ipi kipukitasIn kwIc wikwam; cocI kipmukote'snon osam kiwishkIckate' kwIc sInik. **26** Caye'k kiw noatkuk notI ntukitonIn; iwclI pwatotuk nkIne'nma ke'kie'patsIt nInI kaoshItot e'tat, shi pash kitaokokik. **27** IcI e'kmowuk kipie'mkIt, ipi e'moshkuk kipie'mkIt, ipi kinotIn, ipi ki pukitasIn kwIc wikwam, icI e'kipmukote'k kicInomkIt e'kipmukote'k. **28** IcI otI kashuwe'puk pic Cibus kaokishkItot notI kItwunIn, nIshInape'k okimamkate'ntumakon ni okukie'kwe'wun. **29** Nkot ke'cne'ntakwsIt okishI knomowan cowike' ke'cwa we'npie'ke'cuk.

8

1 IcI kapie'niscowie't e'pkotniak mce'sh maoce'tincIn oki pmlnashkakon **2** IcI PInI e'pianIt we'mkincIn e'pie'nume'kitakot kItwak, Te'pe'nmin kishpIn sI ne'nmin ktakshkIton e'wipinakwin. **3** IcI Cibus e'ki shipnIce'not e'kitakInat kItwak, Nta'wac; kupinakwIs. IcI papuk e'cI omukit e'kipinianuk. **4** IcI Cibus otI e'kinat; ke'ko wIil witmowakIn nInI macincI washian owawapte'kiow ki me'matmot, nInI icI mikwe'n mikwe'wun Mosus kanukwiIn iwclI ke'ocI kuke'ntumwat. **5** Pic cI Cibus e'kipiat shi Ke'paniamuk, kipie' e'cIilt, iukwan Kapte'n, okipie'matmukon. **6** IcI kItwak, Te'pe'nmin mpumitakium shkIshIn e'taian iakwnoke'wak nie'psawak kcIkwtuke'ntumwak. **7** CibusI otI okinan, ipI nkupia nkawe'ne'se'a. **8** Iukwan Kapte'n e'kinkwe'twat ipi okinan, Te'pe'nmin, contupite'ntakwsIsi e'wi pitke'n e'taian, te'pnak kikiton, icI mpumitakaium ke'cine'se't. **9** Nin e'nIniwian, ntupe'nmak shmakne'shuk; otI mtIna nInI shian, ie'shiat, ipi minI nkot pian, ie'piat, ipi mpumitakaium, otI totIn i e'totuk. **10** IcI Cibus kanotwat kimamkate'ntum ipi okinan, ni kapie'

mnashkakocIn, We'we'nI KtInum, Con nkimkIsin kcIt'e'pwe'tatwun, co ke'iapI, Isne'iuk. **11** Ipi otl ktInum, kumane'k ke'ocI piacuk we'cmokuk, ipi we'cplshmok, ipi okupie' witpumawan ni E'pIne'e'mIn, ipi AysIkIn, ipi Ce'kapIn, shi okumauwunuk shpumuk kishkok. **12** NIshcI kote' we'nicansumkocuk i okumauwun ksakcowe'pnukaswuk e'tshI kiskupkonianuk, e'tnIt'e'mok, ipi e'tnwe'iapte'shnuK. **13** IcI CIsus e'kinat, ni Kapte'nIn; Wimacin, i e'shte'pwe'tmIn ike'nomkIt. IcI ni opumitakaimIn, pic e'kine'se'nIt. **14** IcI CIsus kapiat pituk Pitu e'tat, okiwapman osukwsIsIn e'shkIshnInIt, ipi e'iakwnokanIt e'psIsnIt. **15** IcI e'kitaknat onIcIk, icI i psIsWun; e'kimacimkItInuk; icI e'kipsukwit ipi e'kipie' pmitakwat. **16** IcI e'nmupkonianuk okipie'nawan e'ciInIt packakocIk mclmIne'ton, icI e'kisakicowe'pnat ni mclmIne'ton okion okikitowun; ipi okine'se'an caye'k iakwnokancIn. **17** Iw ie'i te'pwe'wun, kakItot Ise'us Iacimot kItot; Win okiw tapInumakwnan kshe'shwusiwnunanIn, ipi okipmooton kiakwnokie'wunInanIn. **18** IcI CIsus kawapmat ke'cmaoce'tinIt e'clIt, Okinan, e'wimacinIt ashwe'iukwan. **19** IcI knot we'npie'ke't nInI kipie', ipi okinan, E'kinomakIn, kupme'nashkon, ke'pashishian. **20** IcI CIsus okinan, Wakwshe'iuk otawankomwuk, ipi pne'shiuk pe'pamsacuk ototsanmik, nIshcI We'kwIsmukot NIWun co otutosin wapuk kwIshmot. **21** IcI minI nkot e'knomowacIn otl okikon; Te'pe'nmin, pkIt'e'nmlshIn ne'tum, e'wishiaian, Nos e'winko-ok. **22** IcI CIsus otl e'kinat, PmlnashkoshIn, icI ne'pot okInkowan ne'poncIn. **23** IcI kaposIt napkwanuk ke'knomowacIn okipmnashkakon. **24** IcI e'ki kcInotuk, kcIkumik; icI e'kisisikIt'e'pie'uk i napkwan e'makashkak; wincl e'ie'npat. **25** IcI ke'knomowacIn e'kipianIt; ipi okipie'toknukon kItwuk; Te'pe'nmiak ke'skonshInak, nwipnatsImIn. **26** IcI otl e'kinat Taki we'ckwtacie'k O! puke'ci te'pwe'tume'k? IcI e'kipsukwit; ipi e'kiknotuk i e'notnununuk ipi i kcukum; icI e'kitokmupie'suk. **27** IcI ki nInwuk, kimamkate'ntumwuk kItwuk; We'ni nIncl otl; ke'iapI e'notuk, ipi kcukum, ote'pwe'takonIn. **28** IcI ipI kapiat ashwe'iukwan otukimwak Kukisi nInwuk; okinkwe'shkakon, nish packakowacIn mclmIne'ton; e'pie'sakumnIt e'cl nkokaswat, kcIn shiw onakwsInIt; co shi wIil nInI tanI pmlshie'si. **29** IcI pInI e'kinotakwsawat kItwuk; We'kwnicI watotonak, CIsus We'kwIsmukwiIn Kshe'mIne'to, inI shil e'pian e'wikwtuke'ak

e'pwamshI piamakuk e'picak. **30** IcI pnoc pme'in, mce'sh kokoshIn e'wisnInIt. **31** IcI ni mCImIne'ton okintotumakon otI kItwuk; KishpIn sakicowe'pne'ak, ne'nmIshnak e'wi pic kaokIt pe'mso'ticIk mane'cIk kokoshuk. **32** IcI otI e'kinat, Shiak, icI kapie'sakumwat kishie'k shi pe'msotincIn kokoshIn, icI pInI ni caye'k pe'msotincIn kokoshIn, e'kinispItont e'kishkitakiwnInuk, pic kcukumik, ipi e'kipnatsawat, shi npik. **33** IcI ki kakawapmacIk e'kiw shumwat; ipi e'kishiatwat kcI otanuk, ipi okiactanawa cake'ko, i kashowe'pse'nIt kapickakwcuk ni mCImIne'ton. **34** IcI pInI caye'k kcI otanuk e'kiw cupianut e'kipie'nkwe'shkwawat ni CisuusIn icI kawapmawat, okimatmawan, e'wi nkoci shi anIt shi e'ci iuwat.

9

1 ICI e'kiposIt napkwanuk e'kitkumot, icI e'kishiat oto kIc otanuk. **2** IcI pInI e'kipie'nawat nInI iakwnokancIn, ne'nie'psIncIn, e'shkIshnInIt npakInuk; icI Cisuus e'waptumwat, te'pwe'ne'ntumwun; otI okinan, ni iakwnokancIn ne'nie'psIncIn; NkwIs mInIwankosIn; kimiashowe'psuwunIn kpone'ntumon. **3** IcI pInI, anIt we'npie'ke'cIk nInwuk otI KikItwuk; otI nInI; pcIkikito. **4** IcI Cisuus e'kuke'ntumwat otIshte'wana'wan otI kItto TInicI we'cImcIshIte'aie'k kte'iwak. **5** WnsimI nI we'npInIt e'wikItok, kimiashuwe'psiwunIn kupone'ntumwun; tanake' psukwin, ipi pInose'n. **6** I ie'i ke'ocI kuke'ntume'k We'kwIsmukot NInwun ote'ion kshkIe'osuwun shotI kik; pone'ntumake't, miashuwe'psiwunIn icI otI e'kinat, ni iakwnokancIn ne'nie'psIncIn; Psukwin, otapInIn knupakIn, ipi e'tanshian. **7** IcI e'kipsukwit, e'kishiat e'cI otu'wikwamIt. **8** IcI ki maoce'ticIk kawaptumwat, kimamkate'ntumwuk, ipi okiuwinwanawan Kshe'mIne'ton, e'mnat kshkIe'osuwun ni nInwun. **9** IcI Cisuus kanmamacit okiwapman nInI, Me'to oshInkaswun, e'cipitupInIt e'cI maocIstowat shonia; icI otI e'kinat; PmnashkaoIshIn. IcI e'kipsukwit e'kipmInashkawat. **10** OtI cI kanomkuk Cisuus e'ie'wisnIt wikwamuk, pInI, kipatie'n win maocIcke' nInwuk; ipi me'cIshowe'pse'cuk, e'pie'witpumkot, ipi ke'knomowacIn. **11** IcI ki Pe'nIsiuk kawaptumwat otI okinawan, ni ke'knomowacIn, tacl we'cwitopmat ke'knomakwie'k ni maocIcke' onInwun, ipi

me'iashowe'psIncIn. **12** Pic cI Cibus kanotuk, otl okinan,
Kime'nopmatsacIk conatwaasik; mtIno ki iakwnokacuk. **13** Wu
kuke'ntumok otl e'kitomkuk nkishwe'ncukI; coin nkupitakwe'si; Coin piasi
e'wintomkwa me'noshuwe'psucIk; mtIno me'iashowe'pse'cIk; e'wi
kisate'ntuswat. **14** IcI e'kipianIt Can ke'knomowacIn; kItwun; TacI ninan,
ipi ki Pe'nIsiuk we'cpwawisniak mee'shuk; kicI ke'knomocIk
cophonwisIsik. **15** IcI Cibus otl okinan; Tashke'ntumwakinI wakime'cIk shi
e'cI wikmltwak, e'pic iInIt ni we'shkowiwunIt shi e'picilnIt pama
wikupie'mkIt e'kishkiwuk, ke'co-otapnumwutwa we'shkwiwut, iwcl ke'cI
ponwisnawat, **16** Cowi wIil nInI otItosin oshkupukwoian shi
ke'te'kwune'iakwnuk iwcl i katok kapuu'kwuasok, icI i we'tapnmukpnI shi
ke'te'kwune'iaknuk, icI wusimI manisikshkak. **17** CowikI nInwuk
otItosinawa oshkI shomnapo ke'te'motiuk iw ke'ocI piwkshkak nimotie'n,
icI i shomnapo e'siksak; ipi nimotie'n e'pnacak; kishpIn cI towat
oshkIshomnapo shi oshkamotiuk nune'ish mnosnon. **18** Me'kwa cI otl
e'ie'tshe'tuk, pInI kipie'wak nkot okuma okiw wucikwnutakon, otl okikon;
NtanIs kishInpo, pie'takIn, iwcl kie'cIpmatsIt. **19** IcI Cibus e'kipsukwit
okiwice'wan, ipi nike'knomowacIn. **20** IcI pInI, kwe' e'piat mcInapine'wun
apIcikanuk mskwI mtatso shItInish tsopon, shkwe'iak kipie'tnIsi, icI
e'kitaknumwat e'shkwe'ie'knonInuk e'kwut. **21** Otl cI kine'ntuso, KishpIn
te'pnak taknumwuk e'kwut nkumnopmatIs. **22** IcI Cibus e'kwe'knowit,
okiwapman, otl cI okinan; NtanIs, Mnone'ntIn, kite'pwe'tatwun
kimmopmatsikon. IcI o kwe' e'kimmopimatsut kie'nup. **23** IcI Cibus kapiat
kanmupitike't, okuma e'tat; e'kiwapmat nwata kwclke'ncIn ipi ni
nlshInape'n, e'nanotaksInIt. **24** IcI otl okinan, Me'nwushkmok coinposi
kikiak; npe'waksI. Iwcl e'ki papshI waoshInwawat. **25** Pic cI ki
nlshInape'k kasakite'ntwa kipitike'wak, icI e'kiw otapInat e'kiskIncInat, icI
e'kipsukwit kikiak. **26** KikicI winwackate'nI kashIcke't, caye'k otukimwak.
27 Pic cI Cibus kanmamacit, nish ke'kie'pikwancIn nInwun
okipmnashkakon kipie'nanotakwsin, otl cI okikon; We'kwIsmukwiIn
Te'pIt, shuwe'numIshInak. **28** Pic cI kapiat kapitike't wikwamuk;
kipinaskakon ni ke'kie'pikwancIn nInwun, Cibus cI otl okinan,
Kite'pwe'tanawanI e'wikshkItoian otl? IcI otl e'nawat, E' Te'pe'nmiak. **29**

IcI e'kitakinumwat oshkishkonuk, otl cI kIto, E'shte'pwe'tume'k ikInomkIt.
30 Oshkishkowan cI kinsakshkInI, icI Cibus cI okiakwaman otl cI kanat,
Ke'ko ikwamsuk wIiI nInI e'wipwakuke'ntuk. **31** IcI winwa kamaciwat
okiacimawan kashIcke'unut caye'k otukimwak. **32** Kan msakumwat cI pInI
kipie'twawan ke'kie'ptonIt nInI packakwnIt mIcImIne'ton. **33** IcI kasaktInat
ni mIcImIne'ton ke'ie'pitok kin ukikito kimamkate'ntumwuk cI
'kimaoce'ticuk otl cI kikItwuk; Cowika wapicukate'snon otl Isniuk. **34**
OtlcI Pe'nisiuk kikItwuk, Osakicowe'pinan mIcImIne'ton, opic okuman
mIcImIne'ton. **35** IcI Cibus e'kishiat caye'k kcI otanIn, ipi otane'sIn
e'pmukinomake't nume'okumkok ipi iactuk mnoacumowun, shiw
okumauwunuk, ipi e'ne'se'at iakwnokancIn, ipi cak e'napine'ncIn ni
nIshInape'n. **36** Pic cI kawapmat maoce'tincIn, okishuwe'nman osam
e'pike'ie'kwsInIt, ipi e'swe'shkanIt ke'cwa mantanshIn, owIiI
e'pwakawapmukwat. **37** Otl cI okinan ni ke'knomowacIn; MicIm mane',
nIshcI makice'wicuk pike'ci she'iwik. **38** Mumatmuk o Te'pe'ntuk i micum
e'winokanat wusimI makice'wincIn; shi otlshI nmaotInkanuk.

10

1 ICI kakishntomat ni mtatso shItInish ke'knomowacIn okiminan
kshkI'e'wsuwun e'wisak cowe'pnanIt, wanakwsIncIn mIne'ton, ipi
e'wine'se'anIt, cak e'shnakwuk iakwnoke'wun, ipi cak e'shnakwuk
napIne'wun. **2** Otl cI e'shnukaswat kimtatso shItInish ke'knomowacuk;
Ne'tum Sayimun e'shnukasit Pitu, ipi E'ntoiun wikane'iIn, Ce'ms
kaokwIsmukot Se'pitiIn; ipi CanIn wikane'iIn. **3** PInip, ipi Patanumio,
Tamus, ipi Me'to maocIcke't; Ce'ms kaokwIsmukot E'mpiusIn, ipi Ne'pius,
iukwan ke' i otInawan Se'tius; **4** Sayiman Ke'ne' nInI, ipi Cotus, Iske'niat
nie'ni kapkItnat ni CibusIn. **5** Kie'ki mtatso shItInish Cibus kakatonacIn; otl
cI kanat; ke'ko shiake'k, e'ciuwat Me'ikIscIk, ipi ke'ko pitike'ke'k
ototanwak Se'me'ne' onInwuk. **6** WusimI shiak e'cInkIckaswat mantanshuk
shi Isniuk otuwikwamuk. **7** IcI pmlshiaie'k mukie'kwe'k otukItok: Pe'shoc
pie'mkIt okumauwunuk shpumuk kishkok. **8** Ne'se'uk iakwnokacuk,
pinakwuk we'mkicuk, psukwitnuk ne'pcuk, sakicowe'pnuk mIcImIne'tok;

we'npIsh kitotapnanawa, we'npIsh mikwe'k. **9** Ke'ko maocIstoke'k, osaw shonia; tanake' we'ctI shonia; tanake' osawapuk shi kpic numkwanwak; **10** Ke'kokI nwupke'kon, coke' nish-piskumwakin, coke' mkIsnIn, coke' iaptuwunIn; pite'ntakwsI makice'wit nInI e'wiwisnIt. **11** Pic pitike'ie'k kcl otanuk, tanake' otane'suk natake'k we'ni cI shi e'pite'ntakwsut; shiw iuk, pama shi ocumaci ie'k. **12** Pic cI pitike'ie'k shi wikwamuk; numkawuk. **13** KishpIn cI i wikwam pite'ntakwuk nocma kushowe'ncuke'onawa kupie'mkIt, shi kishpIn cI pwapite'ntakwuk nocma kushowe'ncuke'onawa ne'iap kotIskonawa. **14** We'kwe'ntuk cI ke'pwa pitike'nkoie'k, ipi ke'pwapsItakwie'k, pic shiw ocI sakume'k shi wikwamuk, tanake' kcl otanuk papiwshkumok ne'kwuke', shi ksItiwak. **15** We'we'nI kwiuk ktInum; Nowuc kawe'npe'nsik e'pmukiwuk shi Satum, ipi Komana; pic tpakwnuke'kishkuk, icI i ke'showe'puk kcl otan. **16** PInI kukukatonum, ke'cwa mantanshuk me'kwe'nawe'nI; mwoe'k; nIshcI shumpwakak ke'cwa mInitok, ipi shumnoshuwe'psuk ke'cwa mIne'to mimik. **17** NIshcI kawapmIk nInwuk kupkItInIkwak e'tshI kikitowat, ipi kupsItie'kowak shiw otI nume'okumkomwak. **18** IcI ipI ke'aonukom e'nasmupwat okumak, ipi kcl okumak nin ke'ocItotakoie'k, iwcl ke'ocI kuke'ntumwat win wa, ipi Me'ikIscIk. **19** Pic cI pie'nkoie'k, ke'ko nakituwe'ntuke'k wakItie'k; kuminkomsl pic, wakItie'k, **20** Cowi kinwa kukikitosim, OcipamIn Koswa kukikitotmakowa. **21** Wie'wikane'ilt okupkItnan wikane'In, e'winsIckasnIt, ipi we'osmIt onicansun, ipi we'nicansumcIk okupatamawan omIsotanwan iwcl ke'ocI nsIckasnIt. **22** KIshi ke'nmukowak caknInwuk, ninke'ocI ne'nmukoie'k; wincl ke'mnoshIcke't pIne' kuke'skona. **23** Pic cI kwtukukoie'k otI kcl otanuk, pe'kanuk nInshumok, We'we'nI KitInum, Coki cak shkIsinawan otanIn e'te'k Isniuk e'pwamshupiat We'kwIsmukot NInwun. **24** Ke'knomowIt cowi pite'ntakwsIsi, wusimI ni te'pe'nmukwocIn, cowoke' pmitake', wusimI pite'ntakwsIsi, icI ni te'pe'nmukwocIn. **25** TamnoiumkIt ke'knomowut, icI e'wi ie'i pic showe'psIt ni ke'knomakwcIn, ipi ke'win, pmitaka, ke'cwa ni te'pe'nmukwocIn; KishpIn cI shInkanawat te'pe'ntumntIt iw wikwam, Pie'nsipup, tInicI wusimI ke'shInkanawat we'tu wikwamnIncIn. **26** Ke'ko kwsake'kon; cowi ke'ko matkokate'snon ke'pwawapcukate'k, coke' kukIckate'snon ke'pwakuke'ncukate'k. **27**

Watumonkon e'kiskupkoniak, iai ke'kItie'k shi e'wase'iak; ipi nwatume'k
 kto'kak i ie'ike'mnwactume'k wikwamuk kwItupuk. **28** Ke'kowi kwsake'k,
 ke'n-towat kiiIwawa ianwutocuk e'winsawat kcipamwan; wusimI
 ktaksawa ke'shkitot e'wipnacat cipamwan, ipi kiiwawan mclShote'k. **29**
 ConI nish shashawunupie'iuk pite'ntakwsik nkot shomanke'? coIn nkot
 pukshInsi shi ne'kwukik pwane'nmat Koswa. **30** Ca'kinsIsiwan ktupiwak
 e'tsuk kIckate'ton. **31** Ke'kowi kwtacke'kon, wusimI ktupite'ntakwsIm iwcl
 mane'cuk shashawunupie'iuk. **32** We'kwe'ntuk cl ke'mnoacimIt
 e'nasmupwat, nInwuk, winke' nkumnoacima e'nasmupnIt NosIn shpumuk
 e'ilt kishkok. **33** We'kwe'ntuk cl ke'ia kwne'twukwe'n e'nasmupnIt nInwun,
 winke' nkiiakwne'twa e'nasmupnIt NosIn shpumuk e'ilt kishkok. **34**
 Ke'kokwi ne'nmlshi ke'kon, we'cpia ian opie'ton mnone'nta'wun shi kik,
 cosowin ntoc piasi e'wipkItnuman mnone'ntawun; kishko'wun ie'k mtIno.
35 Nin we'cpiaian pie'pkIt numwa nInI ke'ocI shike'nmat OsIn, ipi ke'win
 we'tansumIt okie'iIn, ipi ke'win nakInukwe' osukwsusIn. **36** Ipi nInI shake'n
 mukwocIn te'pe'nwI wine'tat e'inIncIn. **37** WusimI cl te'panat OsIn, tanake'
 okie'iIn wusimI Nin copite'ntakwsIsi, icI Nin kishpIn kI tpanat okwIsIn,
 tanake' otansIn wusimI Nin copite'ntakwsIsi icI Nin, e'wishwe'nmuk. **38** IcI
 win ke'pwa otapnat otashte'iatlkomIn, ipi mnashkowut copite'ntakwsIsi
 Nin e'wishwe'nmuk. **39** Win me'kuk opumatsawun okInkIton; win ke' Nin
 ke'ocI nkItot opumatsiwun okumkan. **40** Win patke'nkoie'k mpitke'nuk;
 winke' patike'nut opitike'nan nwakashIt. **41** Win patike'nat iacimoncIn shi
 e'shnukasnIt iacimot okuminkon nakanacimoncIn omikwe'wIn; win
 patike'nat me'noshuwe'psIt nInI, otInoswunuk me'noshuwe'psIt nInI,
 okuminkon me'noshuwe'psIt nInI omikwe'wIn. **42** We'kwe'ntuk ke'minat
 e'wimmukwe'nIt nkot notI e'kacinIncIn, mnukwackIn, te'kapokuk mpish
 mtIno shi otInoswunuk oke'knomomIt; we'we'nI KtInum; cookInkItosin iw
 omikwe'wun.

11

1 OTI kishuwe'put Cibus kapon kie'kmat ni mtatso shItnish
 ke'knomowacIn, kiwcl maci e'kipaknomake't, ipi e'ki kie'kwe't kcl

ototanwak. **2** IcI Can kanotake't katshlIkpakot omikice'wiwun ni KnaystIn; okikatonan nish ni ke'knomowacIn. **3** OtI cI okinan, Kin nI wapian tanake', knItwapmamIn pe'kansIt. **4** CIsus cI Okinkwe'twan, otI okinan Kiwe'k, ipi wukInomak Can minI notI nwatme'k, ipi waptume'k. **5** Ke'kie'pikwacIk ntawapwuk, ipi ne'nie'pse'cIk pmose'k, ipi we'mkicIk pinakwsik ipi ke'kie'pshacIk notake'k, ne'pcIk pusukwitnukaswuk, ipi ke'tmakse'cIk MnoacimowIn kie'kmak. **6** Shuwe'ntakwsI win we'kwe'ntuk ke'pwanshke'nmlt Nin. **7** IcI pic e'nImacinIt CIsus okiwe'p witmowan ni maoce'tincIn e'kitshumat CanIn We'kwonicI kaocishiaie'k no'wmtukwakik e'wiwaptume'k? NasaknIshk e'nanimasuk? **8** We'kwonicI kaocIshiaie'k e'wiwapme'k? NInI nI e'piskonie't we'wunIt nuk paskukate'kIn? PInI Kiwcl we'onIt nuk paskukuk kiie'ki e'icIk okumak wikwamuk. **9** We'kwonicI kaocI shian e'wiwapme'k? Nakanacimot nI? E', iwcl KtInum, wusimI pite'ntakwsI iwcl nakanacimot. **10** IwsI o nakanacimot we'npie'kate'k, PInI ninokana nmlshnowe'm nikan e'nasmupIn okInowshIt on, wanmlshian nikan. **11** We'we'nI KtInum, e'tshowat nakukwcukwe'n cowi wliI pie'si wusimI pite'ntakwsI, e'pite'ntakwsIt icI o, Can Ke'ctapie'nwe't, win suo mamokacilt shi otukumauwunuk shpumuk, wusimI pite'ntakwsI icI win. **12** E'wshkawe'pkie'kwe't Can, Ke'ctapie'nwe't nash cI nkom, okumauwun, shpumuk kwtuke'ntumwuk; ipi cIki kwe'tuke'ntum owe'cIk kwtwe' ototapnan. **13** Caye'k sI nakanacimocuk, ipi tpakwnuke'wun ki nikanacIkate' nash Can. **14** IcI kishpIn wiotapne'me'k iukwansuwi otI Inaye's wapiapIt. **15** We'kwe'ntuk we'to'kakwe'n e'winotuk, nocma oke'notan. **16** TInicI ke'ne'nmukwa kotI iaianke' pmatse'cIk? Ke'cwasIshIna pInoce'iuk e'cipitupwat shi e'tshItatuk, e'ntomawat wikanwan. **17** OtI cI e'nawat, anwu ninan nkipukwe'mIn, cocI kinimItisim; anwukI ninan kimwuminIn cocukI kikitamaktakwsI sim. **18** Can kapiat co kiwisnIsi, ipi cokimnukwe'si, icI otI kikItwuk; Opic kakon mlclmIne'ton. **19** We'kwIsmukot NInwun kipie'wisnI, ipi kimnukwe', otI cI e'nawat, PInI, nInI ne'patsIt, ipi shomnapo ne'tamnukwe't, ipi we'wikanmacIn maocIckI onInwun, ipi ke'kie'patsIncIn. KicI we'nicansun kowacIk, i npwakawIn, we'we'nI shIcke'k otIne'nmawan. **20** IcI e'we'p kcIcshItuk ni kcI otanIn katshI mataw nukmuksIt kanInkie't osam e'pwakisate'ntusnIt. **21**

Kokwansukumuk kin KanasIn, Kokwansukumuk, kin Pe'tse'te', kishpIn ke'cne'ntakwuk mikce'wiwunIn kaoshIckate'k kinwa oshIckate'kpIn, iukwanuk, Taie'n, ipi Saitan, pnowi winwa takikisate'ntumwuk, pic, mcIshkumtaknuk ipi pkwikik. **22** Otl cI KtInum wusimI kuwunIt, shi Taie'n, ipi Saitan, pic tupakwnuke' kishkuk, icI i kinwa ke'showe'psie'k. **23** Ipi KinsI Ke'paniam, kakukwitnukasIn shpumuk, minI kupie'niswunko namkumuk; kishpIn ke'cne'ntakwuk mikce'wiwun kaoshIc kate'k, kin shiw oshIckate'kpIn shi Satamuk ke'iapI takite'mkIt nkom otl e'kishkiwuk. **24** OtlIsI KtInum, wusimI kuwunIt otukim-Satam, pic tupakwnuke'okishkuk, icI kin. **25** Iwcl pic Cibus e'kinkwe'take't, otl kikito, We'we'nI ktInIn O Nose'; Te'pe'ntumIn shpumuk ipi kI, osam notI, e'kItton, ktIshelke'onIn kotI ne'pwakawe'ntukuk, ipi me'nototkuk, icI e'kiknomotwa pInoce'iuk. **26** Iwsl Nose', kikishmnwaptansI, e'shwunuk. **27** CaksI ke'ko npukitInmak Nos, cocI wIil, nInI okuke'nmasin, We'kwIsmumcIn mtIno, We'osIt, cowike' wIil, nInI kuke'nmasin, ni We'osmImcIn mtIno We'kwIsmIt icI mtIno otl we'kwe'nshutuk We'kwIsmIt ke'waptuakwe'n. **28** Pie'naskawshuk caye'k kinwa naskate'ntume'k ipi pwawune'ie'k kuminumcI nwashmowIn. **29** OtapInImok napkumwakun kinwa e'wike'nmie'k e'pic, pwakce'ne'ntuman niia'w ipi e'shkacwe'ntusian nte'ik, kumkanawacI wacI nwashmoat kcipamwak. **30** NapkumwakIn sl we'npe'nIt, ipi nwiwshawun pukiaiIn.

12

1 IW cI pic, Cibus e'kinmamacit e'nume'kishkItInuk, e'nmItkumshkuk, pukwe'shkIn, icI ni ke'knomowacIn pmupkIt'e'n iwcl e'pml we'pcishpItowat, pukwe'shkIn, ipi e'micwat. **2** Pic, cI Pe'nIsiuk, kawaptumat, otl otlInawan, plnI, e'knomocuk, consItum totsik e'shIcke'wat, e'nume'kishkuk, **3** Otl cI okinan, ConI kiwaptusinawa, shiw msInukinuk, Te'pIt katotuk, e'kipkIt'e't, ipi ni kapmIwice'okocIn. **4** KashInmupitike't, Kshe'mIne'to O Wikwamuk, e'kimicIt, wapicukate'k pukwe'shkIn, cowi kiw wunsInI win, e'wimicIt ke'iapI ni kapmIwice'okocIn, mtIno winwaki me'matmocuk. **5** ConI kiwaptIsinawa shi tpakwnuke'wunuk shiwsI, e'nume'kishkuk, kiw me'matmocuk onInwuk iukwanuk nume'okumkok,

e'kipnactowat e'nume'kishkIt nuk, ipi cocI kimiane'ntakwsusik? **6** OtI cI KtInum, wusimI shotI nkot, kcIpite'ntakwsI icI i, Nume'okumuk. **7** KishpIn sI, otI kike'ntume'kopIn, otI we'ckitomkuk; Nin, nke'ion shuwe'ntu'wun; cowi i e'wisku'omoat; cowike' tapatamasiwak, pwamiashuwe'psucIk. **8** We'kwIsmukot NInwun ke'iapI, Te'pe'ntuk i e'nume'kishkuk, **9** IcI pic kanmamacit e'kinmupitke't otI nume' okumkomwak, **10** IcI pInI nInI e'ionIt, e'nponcanIt, icI e'kinatawat, otI kItwuk, conItawunsInon e'wi e'wine'se'e't, e'nume'kishkuk? E'wipatamawat. **11** IcI otI e'kinat; We'nicI nInI shotI e'tshie'k ke'pme'ilt, e'iwat, nkot mantanshIn: kishpIn, pmukoc nInIt e'wankate'nuk e'nume'kishkIt nuk, conI otamackonasin, ipi otakwitnasin. **12** TInicItso wusimI onInI e'pite'ntakwsIt, icI o mantanIsh? TInicI me'noshuwe'pIt sI, otI e'shIcke'k e'nume'kishkuk. **13** IcI otI e'kinat, ni nInI, ShipinIce'non, icI e'kishipnIce'not, icI kashIne'se't, ke'cwa inkot, e'shna kwitunuk. **14** Iw cI Pe'nisiuk e'kisakumwat, e'ki wutshumawat; washIpnacawat. **15** Pic cI Cisuus kake'ntuk, shiw kipie'ocImaci, icI maoc'e'tincIn okipmInashkakon, icI e'kine'se'at, caye'k. **16** IcI okiiakwaman e'wipwa wIil iacmukot. **17** OtI ie'i tate'pwe'wunuwuk, iukwan kakItot Ise'us nakanacimot otI kItwak; **18** PInI, mpumitakam nin kwae'napmuk, te'panuk shi o Ncipam ke'cmnwe'ntuk; nkupikItnumwa ncipamIn, iwcl okuknomowan npwakawIn ni Me'taosIncIn. **19** Cowike' kauwawikwsoke'si coke' kawishkwe'we'ksIsi, cowike' wIil nInIwun oke'notakwsin i onotakwsIwun shi otanmie'we'n. **20** Shashak shkanuk nasaknIshk co okupokptosin, ipi pe'kwe'ne'nuk sukopian cooke'iate' sin, pama npwakawun nshiw tomkuk. **21** IcI otIshInukaswun ke'pe'nmowat Mataose'cIk. **22** Kipie'twa nkot iukwanIn packakwnIt MIcIme'ton, ke'kie'pikwat, ipi ke'kie'pitok, icI e'kine'se'at, icI ke'kie'pikwat; ipi ke'kie'pitok, ne'ish ki-kikito, ipi kintawapI. **23** IcI caye'k nishInape'k kimamkate'ntumwuk, otI cI kikItwut; ConI wiotI we'kwIsmukot iukwanIn Te'pItun? **24** Pic cI otI Pe'nisiuk kanotmoat, otI kItwuk, Cosuwi otI nInI otasakuwe'pnasin mIcImIne'ton, nutmakot se'ie'k Pie'nsipapun okuma mIcImIne'ton. **25** IcI Cisuus kike'ntumwan e'shte'anIt, icI, otI okinan; Cak okumawIn, kwe'knowitatsomkuk okipie'tonawa e'wipnacak, ipi cak kcI-otan tanake' wikwam kwe'knowitatsomkuk coin knipwimkIsnon. **26**

KishpIncl mlcImIne'ton sakcuwe'pnat mlcImIne'ton kwe'knowitatso tInicI ke'shuwishkukapwimkIt nuk i otokmauwun. **27** KishpIn cI Nin Pie'nsipup natmowIt sakicuwe'pInukwa mlcImIne'tok we'nicI natmakwat knicansowak, e'wisakcuwe'pnawat, KiiwsIie'ki ke'tpakwnukwie'k. **28** KishpIn su Nin Ke'shmIne'to ocipamIn sakicuwe'pnukwa mlcImIne'tok; iwsI e'wtIskoie'k Kshe'mIne'to otokumauwun. **29** TInicI ashukshkItot wIil e'wipitike't washkIsIt nInI, otI wikwamuk e'winactot otI nkackIn; ne'tumse'ie'k tkopnat, ni washkIsnIncIn nInI? icI mcupshuk taclpnactawat iukwan i wikwamnInIn. **30** Winsu o pwapmawice'wut nme'iane'nmuk; pwawitokwutkI e'maotIn ke'ian otuswe'we'pnan. **31** OtI sI ktInum, Cak e'shnakwuk miashuwe'psiwun, ipi miashkikitowun kupone'ntumwak nInwuk; OtI ie'k mlcIkikitowun ke'shumawat Kshe'mIne'to ocipamIn i ie'k co kupone'ntumwasik nInwuk. **32** We'kwe'ntuk ke'mcIcshImat We'kwIsmukot NInwun kupone'ntumwa win; we'kwe'ntuk mlcIkikitowun ke'nat Ke'shmIne'to ocipamIn cokupone'ntumwasi win coi shotI kik, ipi kishkwakiwuk. **33** Tanake' ktaoshaawa mtuk e'wiwunsIt, ipi e'wiwuntInuk omicImowun, tanake' ktaosha'awa e'wi micum tukowIt, ipi e'wi micImicmawIt, i mtuk we'ckake'ncukate'k omicmowun. **34** O! me'ntoie'k iaiankie' pmatsIie'k tInicI ke'shI kshkItoie'k e'miashowe'psie'k e'wimnotshItme'k ke'ko? E'shmoshkIne'suk ote'ima iw otonima e'shkikitomkuk. **35** Ne'pwakat nInI we'onItuk shIte'e' pie'mkIt nukI ke'ko, we'onIt nuk, WincIke' me'cshowe'psIt nInI, winke' mlcIshIte' e'wun pie'mkIt nI mciukwanI ke'ko. **36** OtI cI ktInum cak mlcIkikitowIn nInwuk, ke'kItwat okInkwe'tanawa upic tpakwnuke'okishkuk. **37** Iw sI ni kikitonIn ke'ocI mnone'ntakwsin icI ke'niw kikitonIn iw ie'ike'ocI ianwe'ntakwsin. **38** Kiwcl anIt we'npie'ke'cuk, ipi Pe'nisiuk okinkwe'twawan kItwuk, Ke'knomoiak ninan kwshukI nwiwaptamIn kmataoshuwe'psiwun kin. **39** Okinkwe'twan, ipi otI kanat, miashowe'psIt, ipi waonIshkaiwIt iaianke' pmatse'cuk pe'pantone'ukuk e'wiwaptumwat mataoshuwe'psowun; cowikiI mataoshuwe'psowun wiminasik, mtIno omataoshuwe'psowun iukwan nakanacimot Cone's. **40** IukwansI Cone's kiiuwak nsokishuk, ipi nsotpuk, keIkikos w'shukinuk winsI ke'o We'kwIsmukot NInwun ke'ilwak nsokishuk ipi nsotpuk e'ote'imkIt nuk shi kik. **41** Kiw e'icIk NInIpiuk

okuwic psukwimawan notI ianiankie' pmatsIncIn pic tpakwnItwa oke'ianwe'nmawan-cl osam e'kikisate'ntuswat e'kikie'kwe'nIt Cone'sIn, ipi pInI wusimI nkot, ke'cne'ntakwsIncIn, icI Cone's shotI iuwak. **42** Okumakwe' we'c shawunu'uk winkI okawicpsukwiman, pic notI iaianke' pmatsIncIn, pic tpakwnItwa oke'ianwe'nmawan cl, keIpInoc win kiwcl pie'awak shotI kik, e'winotuk onlpwakawIn Sanamun: icI, pInI wusimI nkot e'pite'ntakwsInIt icI Sanamun shotI iuwak. **43** Pic su win wansIt mIne'to, kanmIsakuk wiwunuk nInI, icI e'pamse't kaskiw onInuk, opumtone'an wacI nwashmot cocu omuksin. **44** IcI e'kitot; Umpe'se' nkukiwe' e'taian kapie'ocusaku'man icI kapiat omukancI e'nshuke'ote'nuk e'ciktukate'nuk, ipi e'mnoscukate'nuk. **45** Iw cl Kanmamacit, e'notapnat nouk tso pe'kansIncIn mIne'ton wusimI ke'kie'patsIncIn, icI win, icI e'nmupitike'wat shi cl e'iuwat; icI shkwe'iak kashuwe'psIt onInI wusimI shInshonatsI; icI ne'tum. Iw sI nasap ke'shwe'psuwat, kotI ke'kie'patse'cIk iaianke' pmatse'cIk. **46** Me'kwacI e'ie'knone't ni nIshInape'n, PInI okie'iln, ni ipi ni wikane'iIn sakiciiukwan nipwin e'ntuwe'nmawat e'wiknonawat. **47** NkotchI owitmakon; PInI kiI ipi kikane'iuk nipwik sakIc knItwe'nmukok, e'wiknonte'ie'k. **48** IcI okinkwe'twan, otI okinan, kapie' witmakot; We'nicI nkil, ipi we'ninukcl nikane'iuk? **49** IcI e'kishipnuke'not ocliukwan e'ciiInIt ke'knomowacIn, icI otI kItto, PInI nkil ipi nikane'iuk. **50** We'kwe'nshutuk sI kie'totmokwe'n otIne'ntumwun, Nos shpumuk e'it kishkok, oie' o nikane', ipi nmlsi, ipi nkil.

13

1 IWPSHI i e'kishkiwuk Cisuus kisakum wikwuamuk kiwIcipitupI cikcukum. **2** KikcImane'k, maoce'ticuk, shi e'ciInIt, icI e'kiposIt napkwanuk e'kicipitupIt, icI caye'k ki maoce'ticuk ki nipwik cikcukumik. **3** IcI e'kinat cake'ko iacimonIn otI kItwak; PInI pe'mswe'we'pne'ke't e'nmamacit e'wuswe'we'pne'ke't. **4** IcI win kaswe'we'pnuk, anIt, minkanIn kipkIsnInI cik mie'wuk, icI pIne'shiuk e'kipie'micwat. **5** AnIt kipkIsnInI sInkukik, kwe'ckacI pwamane'k ne'kwukI ke'iapIcI, kie'nup kipie'sakwe'ton osam cokwIc kimane'snon ne'kwukI. **6** IcI kisIs kapie'mokuk

e'ki-kishakite'k osam co kiw oke'pkiwse'non, icI kaocInpikwe'te'k. **7** AnIt kI kipukse'non cI cukInIkaoshukik, icI kiw cukInIkaoshisuk e'pie'sakwe'wat ikikpopie'mkIshkanawa cI. **8** Niiwclie'k, anIt kipukse'non, e'cIwunuk kI kipie'tomkIt micum, anIt nkotwak tso wusimI, ipi anIt nkotwatsomtInI wusimI, ipi anIt nswapituk wusimI. **9** We'kwe'ntuk we'ta'okakwe'n e'wiuotnk nocma win okInotan. **10** IcI ni ke'knomowacIn kipie'n, ipi okipie'kon, TacishIna we'ciactumwItwa ni iacmonIn? **11** IcI okinkwe'twan, ipi otI okinan, Anwucuke' kiminkom, kinwa e'wike'ntume'k pwake'ntakwuk shiw okumauwun shpumuk kishkok, winwacIwico minasik. **12** We'kwe'nshutuksI e'ikwe'n kuminawak wusimI mce'sh cI oke'iIn; we'kwe'nshutuk pwailt win kaotapnumwa ke'iapI ie'iIt. **13** IwsI ie'i we'cwitmokwa notI iacimonIn osam e'ntawapwat cowapsik, ipi e'notmowat notake'sik; coke'pshI e'wi nsItake'wat. **14** IwsI i we'cte' pwe'mkuk wiacimowun Ise'us, otI kIkIt, We'cnotmuk ktaocinotanawa, ipi cowike', ktansItake'sim, ipi ntowapuk, ktawapke'm, coke' ktansItwunake'sim. **15** KotIsI nishInape'k ote'iwan mukwitmomkItne' e'pic miantenuk; ipi oto'wkawan iapie'tsimkItInI e'winotake'wat, ipi kie'pikwe'nwuk e'kwtumwat e'wiwapke'wat, w' shkishkowan ipi anInotake'k shiw tokawak, ipi ansItake'k, shiw ote'iwak iwclI taocI kwe'kapowawat, icI tacI ne'se'ukwa. **16** Kinwa cI shuwe'ntakwton, kshkishkowan e'ntowapimkuk, ipi kta'okawan e'notake'mkuk; **17** We'we'nI ktInum, Mane'k, iacimocuk ipi me'noshuwe'psIcuk, okintuwe'ntanawa e'wiwaptumwat notI, kawaptume'k, ipi cocu okiwaptusinawan, ipi e'winotmoat nwatme'konIn, cocu okinotsinawan. **18** Notmok, cI iacimowIn, o e'swe'we'pnike't. **19** Pic wliI noatkIn o kikitowun okumauwn, ipi pwansItuk, icI e'piat me'iashuwe'psIt icI e'mshInuk iw kaswe'we'pnukate'nuk shi ite' inuk, osIe'o kaotapnuk kwe'minkanIn ci kimie'wuk. **20** OtIsI ie'o kailt kwe'minkan sInkukik ke'cwashIna nwatuk i kikitowun, ipi e'nup e'nciwe'nmot, e'wtapnuk. **21** Cowike' oce'pkiwsi win nomukcie'k ikwamsI, kishpIncie'k kwtuke'ntumwun tanake', miashtotatwIn ocIpsukwimkuk osam o kikitowun, pama shkIc, comnwe'ntusi. **22** Winsuke' kailt kwe'minkan me'kwe' kcIkinIkaoshukik, winsIo pe'stuk kikitowun e'wtme'ntuk, shotI kik, ipi wie'shta'wun tpe'nwe'osuwun, ipi

okikpopie'mkIshkanawa i kikitowun, cocI kiwcl micmaosi. **23** WinsI o kailt kwe'minkan e'clowuntunuk ne'kowukik oie'o nwatuk i kitowun, ipi ne'stotuk ke'iapI macmowIt, anIt nkotwat tso wusimI ipi anIt nkotwatsomtInI wusimI, ipi anIt nswaptuk wusimI. **24** MinI nkot iacimowIn, okipkItnumwan, otI kItwak okumauwun shpumuk e'ne'ntakwuk ke'cwa nInI kapmlswe'we'pnuk we'onIt nuk kwe'minkan okItkanuk. **25** NIshcl me'kwa nInwun, e'ie'npanIt me'iane'nmukwocIn, kipie'n, icI e'kiswe'we'pnuk mIcimishkwIn e'clte'nuk pkwe'shkInshkik, icI e'kimacit. **26** Pic cl kapie'sakwe'k, icI kipie' micImowun ie'ipic, kipie'nakwton niw mIcimishkwIn. **27** IcI ni opmitakaimIn shiw wikwamuk kipie'n, okipie'kon, Te'pe'nmiak, ConukwnI, kiswe'pnIsin we'onuk minkan shi kItkanuk, TInipinukwe' we'cpiamkuk mIcimishkwIn? **28** OtI cl okinan me'iane'nmItsl otI, kitotum OpumitakaimIn cl, otI okikon; ConI kitonwacisi e'wishiaiak, ipi e'wimaotInmak? **29** OtI cl okinon, Coin me'ic e'ie' maotInme'k ni mIcimishkwIn kitapkocwe'pitanawan, ke'i pkwe'shkIn. **30** Nocma ne'ish kumace'kinon, pama cl pic, wima'otonkate'k, otI nkInak, maotonke'cuk, wimaotonmok, iw ne'tum ni mIcimishkwIn, icI ke'clsusuptoie'k e'wicaksume'k; icI ie'k kmaotInanawa mpukwe'shkInum, kupitkIttonawa micIma o kumkok. **31** MinI nkot iacimowIn okiwitmoan, otI cl kItto shpumuk okumauwun ke'cwa nish e'opukomnanwuk iukwan waskuk minkan; nInI kaotapInuk e'kiswe'we'pInuk okItkanuk. **32** Iw sl ie'i mamwe' kacinoiak caye'k e'tsuk kwe'minkanIn, pic cInIsh kakishkuk mamwe' mshamkuk caye'k mishkwIn ipi ke'pie'mtukowI icI ki pne"shuk pe'pamsacuk pie'pkIshnok shiw e'otukwnowuk e'winpawat. **33** MinI nkot iacimowIn, oki witmowan okumauwun shpumuk kishkok; e'shnakwuk ke'cwa okwe' opce'skIn kaotapnuk, icI e'kikitot nsotupukInuk napani nashcl caye'k e'ope'ce'shkanuk. **34** Caye'ksI notI Cibus kiwitmowan, maocetincIn ni iacimowInIn, icI ke' iacimowIn pwaiactuk cokiknonasin. **35** Iwcl i te'pwe'ie'ntumwun kakitot nakanacimot otI kItwak; NkInsakwnan nton, niwIacmowunIn nincl nkukIt niw katIpackate'k kItwunIn, pic e'oshkukiwuk. **36** IcI Cibus kimace'nashkawan, maocetincIn e'kipitike't wikwamuk, ipi ke'knomowacIn kipie'naskakon, otI kItwun, WitmoshInak, iacimowIn iacIkate'k ni mIcimishkwIn shi ktukanuk. **37** IcI okinkwe'twan,

ipi okinan, WinsI o e'se'we'pnuk we'onIt nuk kwe'minkan winsI o We'kwIsmukot NInwun. **38** Iw ktukan i ie'i kI; ipi we'onuk minkan kiw ie'ki we'nicansumcuk shiw Okumauwunuk ni ce'ie'k mIcimishkwIn kiw ie'ki we'nicansum kowacIn ni me'ashuwe'psIncIn. **39** IcI me'iane'nke't kapie'swe'pnuk oie'o mIcImIne'to; pic cI maotonmuk iw ie'i wishkwakiwuk; ipi cI ki kamaotInke'cIk ki ie'ki mshInwe'k. **40** E'shmaoton kate'k, niw mIcimishkwe'n, ipi e'cakse'kate'k shkote'k iw sI ke'showe'puk wishkwakiwuk. **41** We'kwIsmukot NInwun okupie'nokanan omIshInIwe'mIn, icI ke'cI maotInmowat shiw otokumauwunuk cake'ko nIshka'we'mkukIn, ipi niw me'iashtotmoncIn. **42** IcI ke'cI pukinawat shkote'k kposke'nuk iwcI shi e'tnIte'mok ipi e'tnwe'iapte'shnuk. **43** KiwcI mInoshuwe'pse'cIk, kawasok ke'cwa kisIs, shi Oswan otokumauwunuk. We'kwe'ntuk we'ta'okakwe'n e'wi notake't, nocima knotake'. **44** MinI okumauwun shpumuk, ke'cwa ne'n--kwIt kcltupInwe'osawun e'kIckate'k ktukanuk; pic o nInI kamkuk okukiton e'pic nciwe'nmot maciwak, icI e'wutawe't cake'tot; icI e'kishpIne'tot i ktukan. **45** MinI shpumuk okumauwun ke'cwa ne'ntakwIt tawe'wunInI pe'pantowaptuk we'anIt nuk MikIs SInIn. **46** I pic cI kamkuk nkot MikIs sIn ke'cmIskIte'nuk, e'shiat icI e'wutawe't caye'k, e'tot icI e'kishpIne'tot. **47** MinI shpumuk okumauwun ke'cwa ne'ntakwIt sup, kapukicikate'k shi kiukumik e'kimaotonat cak e'shnakwsIncIn. **48** Pic cI kamoshkIne'nIt e'kiw tapInawat cik pie'k; icI e'cipitupwat e'kiwe'napmawat we'wnIsnIncIn e'kisawat mkukok; me'iansIncIn clie'k okiwe'pnawan. **49** Iw sI ke'showe'puk wishkwakiwuk mshInwe'k kupie'k, okupkie'pnawan ke'kie'patsIncIn e'ciInIt ni me'noshuwe'psIncIn. **50** IcI ke'cI pukinawat shkote'k, kuposke'nuk shiw cI e'tnIte'mok, ipi e'tnwe'iapte'shnuk. **51** Cisuus cI otI okinan, KinIstotanawanI notI cake'ko? OtI cI okinawan; E', Te'pe'nmiak. **52** OtI ci okinan e'tshowat, we'npie'ke't e'knomocIk shpumuk okumauwunuk iwsI e'ne'ntakwsIt nInI te'pe'ntuk wikwam okipie'sakcotonIn otIpnIwe'oso'nIn, we'shkiamkuk, ipi ke'te'ianuk. **53** IcI otI kashuwe'puk, pic Cisuus, kakishwawituk notI iacimonIn, icI e'kinmamacit. **54** IcI win kapiat e'citnukie't okiknomowan shiw otInume'okumkomwak, okimamkate'nmawan, ipi kikItwuk; TInipicI otI nInI we'tnuk npwakawun, ipi notI kcltotmonIn. **55** ConIwi otI

oshuke'wunInI okwIsun? conIwi okie'iIn shInkasin Me'ni? ipi wikane'iIn
Ce'ms, ipi Cosus ipi Sayman, ipi Cote's? **56** Ipi omIse'iIn conI caye'k
kwitkie'mkosinanuk? TIinpicI we'tnuk otl nInI cake'ko? **57**
Okinshke'nmawancI Cibus cI otl okinan; nakanacimot coi pwawinwanasi
mtInoie'k e'tnukie't ipi owikwamuk. **58** Cowike' win kimataototsi shiw
osam co okite'pwe'takwsin.

14

1 IWPICI E'nut okuma, kanotuk e'winwananIt CibusIn, **2** IcI otl okinan, ni
opmitakaimIn, iukwan sI otl Can Ke'ctapie'nwe't; kiwnIshke'tuk e'kinpopIt,
icI i we'tshowe'puk notI mata'wmikce'wiwunIn e'waptuwe't shi wiia'w. **3**
E'nut okimshInapIninIn CanIn, okitkopInat, icI e'kipitike'nat,
kupakotiwkumkok, E'notius owie'o shiw kaocupukcukasot; wikane'iIn
PinIp wiwun. **4** Can kinakpIn Coswi wunse'non kin e'wiwiwiun. **5**
OtakinsancI nIshte'wi okikwsan ni maoce'tincIn, osam okine'nmawan
nakanacimocIn. **6** Pic cI E'nut e'kinikIt kishuk e'kiuu'mowIt E'notie's
otansIn kinime'tin e'nasmupwat; E'nut, cI kimnwe'ntum. **7** Iwcl ie'i kaocl
wawitmowat e'wiminat we'kwe'ntuk wantotmakokwe'n. **8** IcI okwe'
ne'tum, e'kikiIkumkot niw kie'iIn, kikito mi!In iw iukwan, Can
ke'ctapie'nwe't otup, shi onakunuk. **9** O kumacI, kikisate'ntum, e'ki anwu
kcIwishkItakwsIt, ipi niw kawitpumkocIn e'wisnawat, win okinan
e'wiminanIt niw kwe'n. **10** IcI e'kinokashwe't e'wiwukishkwe'kasnIt ni
CanIn, shi kpakwuke'otiwkumkok. **11** IcI i otup kipie'ckate'ne' shiw
onakunuk, icI e'kiminIt we'shkukIt kwe', icI e'kimacitwat okie'iIn. **12** IcI
niw Ke'knomowacIn kipie'n otapne'kon iw wia'w e'kiwunkowawat, icI
e'kimaciwat e'kiwawitmowawat CibusIn. **13** Pic Cibus kanotuk e'kiposIt
napkwanuk e'kimacit wIil e'cupwaie'nIt, icI pic nIshInape'k kanotmowat
okipmnashkawawan kipmose'k e'kipie'ocI sakumwat, otl okIc-
otanmowak. **14** IcI Cibus kanamacit, okiwapman ke'cmaoce'tincIn, icI
okiktumake'nman, ipi ke' okine'se'an kapme'iakwnokancIn. **15** IcI
kanmupkonianuk ni ke'knomowacIn kipie'naskakon otl kItwuk, OsamsInI
otl wIil e'cI pwaotukit, shiI mupkonia, mace'nashka'w ki maoce'ticuk,

tanak shiawat otane'suk e'wikishpIne'tatsowat wamicwat. **16** Cibus otl okinan, Coin kumacisik; minuk iw wamicwat. **17** OtlcI, okikon, mtIno nte'iomIn nianIn pkwe'shkInIn, ipi nish kikosuk. **18** Otl cI kikIto, Pie'twushuk. **19** IcI niw e'kinat ni maoce'tincIn e'wicipitupnIt shi skupkIshktokik, icI e'kiw tapnuk niw nianIn pkwe'shkInIn, ipi ni nish kikosIn, icI e'kinapIt shpumuk, e'ki numat, ipi e'kipikupitot, e'kminat, pkwe'shkInIn, e'knomowacIn, icI niw ke'knomowacIn, e'kminawat maoce'tincIn. **20** IcI caye'k e'kiwisnawat, ipi kite'psInie'k; icI kiw tapnanawan kaiashuwe'sanuk mtatso shItnish kokpInaknIn, kimoshkIne'tonawan. **21** KicI kawisne'cuk; Nianuk tsuk mtatswak kitshik nInwuk; e'pwatkokcIkaswat kwe'k, ipi pInoce'iuk. **22** Okiwe'witpamanCI, Cibus e'winImacinIt ni ke'knomowacIn e'wiposnIt napkwanuk e'winmInikaninIt e'wishiawat ashwe'iukwan me'kwa, e'wi mace'nashkawat, ni maoce'tincIn. **23** Pic cI kakishmacInashkawat, ni maoce'tincIn kishie'wak shi e'pkotnianuk winshuke' e'winumat iwCI e'nmupkonianuk winshi nshuke' kiil. **24** IwCI i napkwan nmItInIsimkuk, naokamkcukImik e'makashkak, osam e'miananmuk. **25** E'pwamshuwapuk, cI e'ie'pkonianuk, Cibus kishie'wak e'cliInIt, kinmupmose' kwItIpie'k, shi kcukumik. **26** IcI ni ke'knomowacIn e'wapmukot e'pie'pmose'nIt kwItIpie'k kcukImik, kise'ksik otlcI kikItwuk iukwansI o cipe'i; iwCI e'kiwishkwe'we'ksawat, e'pic kwsawat. **27** Kie'nupcI Cibus e'kinat, kItwak, Mnowankosuk, Nin kwshe' ke'ko se'ksuke'k. **28** IcI pitu e'kinkwe'twat, ipi okiknonan, Te'pe'nme'ak, kishpInsu kin ntomshIn, e'winaskonan, kwItIpie'k. **29** OtlcI kItwak Wipian. IcI pic PiIu kapie'nisasit, shi napkwanuk, kipmose' kwItIpie'k e'shiat, e'cliInIt ni CibusIn. **30** Pic cI, kawaptuk e'kcInotnununuk kise'ksuwak, pic cI wanmukwsapie't, icI kinotakwse' kItwak, Te'pe'nmin ke'skonshIn. **31** IcI papuk, Cibus, e'kishipnuke'not e'kimshInat, otl cI okinan, O kin pke'ci te'pwe'tmIn! taclshIna kaocI ianwe'ntumIn? **32** IcI pic kanmuposwat shi napkwanuk, kipun notIn. **33** KicI kaie'cuk shi napkwanut okipie'wucikwnItwawan, otl cI kikItwuk, Kinsu we'we'nI, Kshe'mIne'to KtokwIsmuk. **34** IcI kanmukupawat ashowe'iukwan, kipie'k Ce'ne'se'nIt ukik. **35** Pic cI ki nInwuk shiw e'icuk kake'nmawat, kimace'acimok caye'k caknkoci, ipi kipie'twawan caye'k iakwnokancIn. **36** IcI e'kimatmawat

mtIno te'pnak e'witaknumwawat e'tupkwate'nuk, i e'kwut, icI kiw caye'k katakne'cuk kwe'ie'k kine'se'k.

15

1 IWCI e'kipie'naskawawat CisuusIn, We'npie'ke'cuk, ipi Pe'nisiuk kiwcupie'k Cinosne'muk katacuk, otIcI kikItwuk; **2** TacIshIna ke'knomotwa we'cpikupitowat. kapie'shIcke'nIt ke'ctaosIncIn? Coke' ksince'sik pic wawisnawacIn. **3** Otl cI okishInkwe'twan, ipi okinan, TacIke'kinwa we'cpikupitoie'k, i Kshe'mIne'to okukie'kwe'wun, e'te'pwe'tme'k kapie'shIcke'wat ke'ctaosIcIk. **4** Kshe'mIne'to kikie'kwe', otI kItwak, Kcupite'num Kos, ipi ke'. WinclIke' o ke'miashtotwat, osIn tanake' okie'iIn, nocma we'we'nI win kInpowak. **5** KinwacI ktukitom; We'kwe'nshItuk ke'nakwe'n osIn tanake' okie'iIn, I ie'i mikwe'wIn, kishpIn ke'ko nishokmonan co otI okIc-pite'nmasin ni osIn, tanake', okie'iIn. **6** Iw ie'i we'cpnactoie'k ni Kshe'mIne'to okukie'kwe'wIn ni ktIshcIke'onawan. **7** E'numIe'kasie'k; we'we'nI Ise'us, ki nikanacimukwa, otI kItwak; **8** KotI nIshInape'k pe'shoc e'ciian pie'ik, ipi npie'kcImnotshumkok otoniwak nicu'wi ote'iwana pnocte'nI. **9** Coin nkot, nomkIsnon e'nume'kita'wat me'kwa e'shkukinomake'wat, okukie'kwe'onawan ki nInwuk, icI ni nkukie'kwe'onIn. **10** IcI e'kintomat maoce'tincIn e'kinat; PsItImok, ipi nsItomok. **11** Cowi patike'mkuk otonik winukwsin nInI iwsIe'k pie'sakumomkIt nuk shiw otonik nInI, i ie'k wanakwu'ukot. **12** IcI kipie'n ke'knomowacIn, icI e'kikot; KikInmaknI ki Pe'nisiuk e'kipwamnwe'ntumwat kakishnotmowat, otI kakItiIn. **13** IcI okinkwe'twan, ipi kikIto, Caye'k sakwe'k Nos shpumuk e'it, kapwaktIkatuk, kupkocwe'pcIkate'. **14** Ponikaki kiw; winwa kie'pikwe'k pumskapie'nawan ke'kie'pikwancIn kishpIncI ke'kie'pikwat pme'skapie'nat, ni ke'kie'pikwancIn ne'ne'ish kupitse'k e'cIwankate'nuk. **15** IcI kinkwe'take't Pitu, ipi otI e'kinat; WitmoshInak ninan, iw iacimown. **16** IcI Cisuus okinan, Kinwanuke', me'kwa comshe', kinIstotake'sim? **17** ConukwnI, ke' kinwa mshIknIstotsinawa we'kwe'ntuk patke'mkuk ktoniwakshie'mkIt shi, kshukiwak, iwci sakcIwe'pinukate'k nkoci? **18** Iwci ie'k

pie'ocIsakumomkuk otonik pie'osukie'nI ote'ik, ie'i wanakwukot nInI. **19** Pie'osukamkuk ote'ima sakumomkIt mIcIshIte'e'wunIn nsItwunIn waonIshkaiwunIn kie'patsuwunIn kmotwunIn kno'skacmowInIn mIcIkikitowInIn. **20** Niw notI wanakwukot nInI, otI cI, e'wisnIt e'pwamshIksincat coin winakwuksin nInI. **21** IcI CIsus kanmamacit kishie'wak e'pie'kokmukianuk Taine' ipi Saitan. **22** IcI pInI e'wclpianIt e'pie'kokmukianuk, Ke'nIni kwe', otI cI, okikon, Shuwe'nmIshIn O Te'pe'nmin, We'kwIsmukwiIn Te'pIt; ntanIs okIckwtukukon MIcImIne'ton. **23** CocI okinkwe'twasin. IcI ke'knomowawIncl kipie'shie'n otIcI, okinan; mace'nashk'o osam kwako-omkonan. **24** Okinkwe'twancI, otI cI, okinan; Coin nokankosi, mtIno ne'kcIkascuk mantanshuk shi wikwamuk IsniIn. **25** IcI e'kipiat okwe', ipi okiowucikwne'takot kItwak;Te'pe'nmin natmoshIn. **26** OkiknonancI otI okinan, Cosuwi wunse'non e'witapnumwutwa, pInoce'iuk maewat, icI e'wipukitotwa wunumoshuk. **27** OtIcI, Otukon, Kte'pwe', Te'pe'nmin nIshcI kiw wunumokuk omicnawa papiwe'shkanuk, pe'mkote'nuk te'pe'nmukwat otopwunuk. **28** IcI CIsus cI, Okinkwe'twan OtI okinan; O kwe' ce'pite'ntakwut kte'pwe'ie'ntumwun, knomkIt e'shntuwe'ntumIn. IcI ni pic otansIn e'kine'se'nIt. **29** IcI, CIsuscI, kiwcl maci kishie'wak cikcukumik Ke'nIniuik, icI shi e'pkotnianuk e'ki wuciptupIt shi. **30** IcI ke'cmaoce'tinIt kipie' otIIskot, okipie'nawancI me'iakatancIn, ke'kie'pikwancIn, ipi ke'kie'ptoncIn, ipi kipie'nawan, pe'kansIncIn icI e'kipukinawat CIsus osItik. icI e'kine'se'at. **31** KicI mamkate'ntumwukcl kimaoce'ticuk pic, e'wapmawat nike'kie'pioncIn e'kikikitonIt, ipi kashkunukancIn e'kine'se'nIt, ipi me'akatanancIn e'pmose'nIt; ipi ke'kie'pikwancIn e'ntuwapnIt, icI e'kiwinwanawat, O KIshe'mIne'tomwan Isne'iIn. **32** IcI CIsus e'kintomat ni ke'knomowacIn e'ciIt, otI cI okinan, Nshuwe'nmak kotI maoce'ticuk osam shiInsokwnuktInI e'koiuwat shotI cocumshI ke'ko omitsinawa; ipi co nkumaci nashkawasik e'pkIte'wat tane'ie'k nkoci, ianwutok. **33** IcI ke'knomowacIn otI okikon, TInipicI ke'otInmukon mce'sh pkwe'shkIn shotI no'wmtukwakik e'wite'psInie'wat kotI ke'cmaoce'ticIk. **34** CIsus cI otI okinan; TInicItso pkwe'shkInIn e'ie'k? IcI otI kikItwuk, Nouksu ipi onatso kikose'suk. **35** IcI e'kinat ni maoce'tincIn, e'wicipitupnIt, mcliukwan. **36** IcI e'kiwtapInuk ni nouk

pkwe'shkInIn, ipi ni kikosIn, icI e'kiwawiwe't icI okipikupitonIn, icI e'kiminat ni ke'knomowacIn, icI ni ke'knomowacIn e'kiminanIt, ni maoce'tincIn. **37** IcI caye'kcI kiwisnik ipi kite'psInie'k icI e'kiw tapInumwat pakIshkanuk i micIm kashkotmoat, nouk kokpInaknIn moshkIn. **38** KicI kawisne'cuk kitshik, nie'wuk tsuk mtatswak nInwuk, e'pwatkokcIkaswat kwe'k, ipi pInoce'iuk. **39** IcI e'kimace'nashkawat ni maoce'tincIn napkwanuk cI kiposI e'kishiat e'pmukokumukiak Me'kte'ne'.

16

1 KIWCI Pe'nisiuk ipi Se'cwsuik okipie'naskawawan e'wi kwcItupe'nmawat e'natowawat e'wiwaptukowat mataonInkie'wun shpumuk shi. **2** Wincl okinkwe'twan, ipi otI Okinan, E'nmupkoniak, otI kitukitom kumnokishkIt, osam mskwankot. **3** IcI kukishie'p, kumiashkishkIt e'kishkiwuk osam, e'mskwankok, ipi wunsiwun. O e'nmue'kasie'k, knIstonanawa e'nankok kishuk; conukwnI ktansItwunsinawa mataonInkie'wun, notI e'kishkiwuk. **4** KotI me'iashuwe'psucIk, ipi waonIshkaiuk iaianke' pmatsIt onItwaptanawa e'wiwaptumwat mataototmowIn; cocI mataototmowIn kuminasik, mtIno omataototmowIn o nakanacimot Cone's; icI e'kinkInat e'kinmamacit. **5** IcI pic ni ke'knomowacIn e'kipianIt ashwiIukwan okiwne'ntanawa pkwe'shkIn e'witapnumwat. **6** Cibus cI otI okinan; ikwamsuk kawaptumwuk otopce'skInmawa, ki Pe'nisiuk ipi Se'cwsuik. **7** WinwacI kiknontik otI cI, kikItwuk; iwsI ie'i e'kipwamacitoikon pkwe'shIn. **8** Pic Cibus kakuke'ntuk, otI okinan, O pke'ci te'pwe'ie'ntume'k, We'kwonicI we'cknonte'ie'k kinwa osam e'kipwapie'toie'k pkwe'shkIn. **9** ConI knIstotsinawa, conukI kmikwe'ntusinawa, ni nianIn pkwe'shkInIn e'kite'psak ki nianIn tsuk mtatswak; ipi tso kokpInaknIn, kaotapne'me'k? **10** Conuke' ni nouk pkwe'shkInIn kate'ponkwa nie'wuk tsuk mtataswak ipi tso kokpInaknIn, kaotapne'me'k? **11** TInicI e'shpwansItme'k, i e'kikItian cowi i pkwe'shkIn nkiwcukItsi e'wikawaptme'k iw otopce'skInmawa ki Pe'nisiuk ipi Se'cwsuik. **12** IcI e'kinsItawawat e'kikowat e'wip wakawaptumwat we'pce'tnuk pkwe'shkIn icie'k otIshkie'kwe'onawa ki Pe'nisiuk; ipi

Se'cwsuik, **13** Pic cI Cibus kapiat, e'pie'kokumukianuk Sise'ne', Pinipiuk, okinatawan ni ke'knomowacIm otl cI, okinan, We'nicI Nin e'kitowat nInwuk We'kwIsmukot NInwun. **14** Otl cI okinawan; anIt ktukok Can su o ke'ctapie'nwe't; anIt Inaie's ipi anIt CInimlie's tanake' nkot e'il nakanacimocuk. **15** Otl cI okinan, We'nicI kinwa e'shnukanie'k? **16** IcI Sayman Pitu okinkwe'twon otl cI okinan, Kinsu Knayst, We'kwIsmukwiIn kake' pmatsIt Kshe'mIne'to. **17** IcI Cibus okinkwe'twan otl cI okinan, Shuwe'ntakwsI Sayman we'kwIsmuk Cone's: cosI i wias, ipi imskwI kiwaptu'kosim, mtIno Nos shpumuk, e'ilt kishkok. **18** Otl ke' ke'iapI ktInIn; Kinsu Pitu wiIn ipi otl kwucInik nkaoshIton Te'pwe'ie'tukuk, icI i e'shkate'mkate'k namkumuk cotakwushkakwsinawa. **19** KuminIneI ni kitapkukinIn shi okumauwunuk, shkwumuk kishkok, We'kwe'ntukcI ke'tkoptonIn shotI kik, ipukI kItkoptI shpumuk, ipi we'kwe'ntuk ke'ke'apskonmInIn, shotI kik ke'iapskonkatI, ipI shpumuk. **20** IcI oki iakwamancI ni ke'knomowacIn e'wipwawitmowanIt, nInwun, win e'nIt Cibus Knayst. **21** IcI pic Cibus e'we'pknomowat, ni ke'knomowacIn e'wishiat Cinose'ne'muk; ipi washu, mce'shke'ko kwtukukot, ni ke'ctaosIncIn ipi kcI me'matmocuk, ipi we'npie'ke'ncIn, ipi e'winsIckasot, icI minI e'wipsukwit nsokishkItuk. **22** IcI Pitu, kiw tapnan, icI e'we'piaiaishumat otl cI, otInan, Ke'kone'ntukIn Te'pe'nmin; cowi otl kitotakosi. **23** IcI kikwe'knoi, otl cI okinan ni PituiIn, Shian npukwnak me'ctotwin kinkInshkI'; cosu kupupame'ntusinIn te'pe'ntukIn Kshe'mIno, mtIno ni te'pe'ntumwat, nInwuk. **24** IcI Cibus e'kinat, ke'knomowacIn kishpIn wIiI nInI wipie' pmnashkawut nocma win ke'iakwne'tatso ipi okaotapnan wIiashte'iatkomIn, ipi nkupme'nashkak. **25** We'kwe'ntuk ke'ke'skwe'ntuk opmatsiwun okInkIton; we'kwe'ntuk ke' nin ke'ocI nkItot opumat suwun okumkan. **26** We'kwnicI ke'napcItopI nInI kishpIn tpe'ntuk caye'k ukI; icI nukuat ocikwamIn? Tanake', We'pe'ntuk ke'mikwe'pI nInI e'wiashtonat ocipamIn? **27** We'kwIsmukot NInwun kupie'wak, okIcne'ntakwsowounuk ni OsIn, ipi okupie'wice'owan, ni omIshInwe'mIn; icI pic win ke'cIminat, e'tshe'nIt nInwun, kashI mikce'winIt. **28** We'we'nI ktInum shotI anIt knipwik ke'pwawapitumwat npowIn, pama wapmawat WakwIsmukot NInwun pie'iInIt otokuma uwunuk.

1 ICI kankotwatsokwnukte'nuk, Cibus okimacinan Pitu, Ce'ms, ipi Can, Wikane'iIn, okisha'wnan e'cI pkotnianuk. **2** IcI shi e'kikwe'knao-ot e'nasmukapowunIt, kisokcI kishuwase'ikwe', ipi paskukIn e'wase'ak kishuwapshkianI. **3** PInI, kashu mataowapmawan, ni MosusIn, ipi InaisIn e'knonanIt. **4** Otl okishInkwe'twan Pitu; ipi okinan, ni CibusIn Te'pe'nmae'k owunIt shotI e'iliak, kishpIn onwacin nkowiwhItomIn shotI, nswI wikwamIn, nkot kin, e'wi-in Mosuske' nkot, ipi Inaie's nkot. **5** Me'kwacI e'iltnankitok, pInI, e'wase'iak ankot okiakwate'shkumakwnawa pInI, okinotanawacI e'notakwsInIt shi ankotuk; otl kikitwun; Otl ie'o te'panuk nkwi's me'nonwe'It; psItak. **6** Pic cI e'knomowacIn kanot mowat kip, mukocInok shkishkowak e'pic kwtaawat. **7** Cibus cI okipie'taknan otl cI, okinan, Psukwik, ipi ke'ko kwtaacke'k. **8** Iw cI kantawapwat cove'il' kiwapmasiwan, nInI, mtIno CibusIn. **9** IcI kapie'niscowe'wat shi e'pkotnianuk Cibus okiakwaman, otl cI okinan, ke'ko we'il witmoake'k nInI kanaptme'k, pama, o We'kwIsmukot NInwun kiwnIshkat minI' e'nponIt. **10** E'knomowacIn okinatakan, otl kikitwuk, TacI i we'ckItwat kiwe'npie'ke'cuk Inaius ne'tum kupie'? **11** Cibus cI okinkwe'twan otl okinan Inaius we'we'nwI, ne'tum kupie', cacicI ke'ko okaocston. **12** Otl cI ktInum, InaiusI shiI kipie' cocI okike'nmasiwan okitotwawancI e'shwunwaciwat, winke' o nasap We'kwIsmukot NInwun okukwtuke'ntumokon. **13** IcI ni ke'knomowacIn e'kinsItakot e'kitshImanIt ni CanIn ke'ctapie'we'ncIm. **14** Pic cI kapiawat e'cIInIt ni maoce'tincIn, okipie'naskakon nkot nInI kipie' wucikwnItakon, otl cI okikon; **15** Te'pe'nmin shuwe'numsl npls, nkInkapitum, ipi wiwtawe'ntum, nanakIc mukocIn shkote'k, ipi nane'kIc, shi npik; **16** IcI e'kipiatwukwa ke'knomocuk cocu okikshkaasiwan e'wine'se'awat. **17** Cibus cI okinkwe'twan; otl cI okinan, O! pwate'pwe'take'ie'k, ipi pwakwliuk showe'pse'ie'k pe'matse'e'k tInicI pic ke'kowice'onukon? tInicI pic, ke'kowikwce'ne'kon? pie'tuwushuk shotI. **18** Cibus cI, okishuke'nonan ni mIcImIne'ton, icI e'kisakuk, icI o pInoce' e'kine'se't pic. **19** IcI e'kipie'naskakot ni e'knomowacIn ni CibusIn nshukI, otl cI okikon, TInicI ninan kaocI ianwakIt e'wisakitInkIt? **20** Cibus cI otl

okinan, Osam sI e'pwate'pwe'ie'nte'me'k, We'we'nI, ktInum, KishkwIn otl shIt'e' te'kwe'ie'ntume'k ke'cwa e'opukomnanwuk i mastat, minkan, otl kitatanawa e'pkotniak, owushi, shian, iwke'nomkuk, coike'ko ktaianwutosinawa. **21** OtlIsI e'shnakwuk, copie'sakumomkIsnon, pama ie'k e'numak, ipi e'pwawisnuk. **22** Me'kwa cI e'ie'iuwat shi Ke'nIniuK, CIsus otl okinan, We'kwIsmukot NInwun kupkIt nukaso shiw onIcinuk nInwun. **23** OkInsawancI, icI nso kishkIt nuk minI kaonIshke'. IcI kicI kisatantumwuk. **24** IcI kapiawat Ke'paniumuk; kiwe'tapnukuk maocIckate'k shonia, kipie' naskawawan ni Pitulin, otl okinawan, ConI ke'knomakwie'k otupIsin i maocIcke'wun? **25** Otl cI okinan E' IcI kapiat kanmupitike't, CIsus ne'tum kiknonan, otl okinan; TInicI e'shte'an Sayiman? We'ninIn shotI kik kiw okumak we'tapnumwawat maocIcke'wun? nine', tupe'nwe' nicasawan, tanake', me'mataosIncIn? **26** Pitu cI otl okinan, me'mataosincInsI; CIsus cI otl okinan, Cocu pe'noce'iuk pame'ntakwsusik. **27** NocmasI, e'pwamshu nshku'we'ikon shian kcukimik, ipi kupukiton kwtImockIn, ipi kaotapina kikos ne'tum kie'kwtumonIt; icI ke'cI pakitone'nIt kumkancI nkot wapuk shonia; kaotapinan, ipi kaocIminak nin ipi kin.

18

1 ICI pic kipie'naskakon ke'knomocIk, ni CIsusIn, otl cI, okinawan, We'nicI wusimI e'pite'ntakwsIt shi okumauwunuk shpumuk kishkok **2** IcI CIsus e'kintomat e'kacinIncIn pInoce'iIn e'cIilt, icI nawiuKwan e'kicipitupat. **3** Otl cI kikito, We'we'nI ktInum KishpIn pwawe'we'nI ne'ntume'k, ipi e'shwe'psuwat pe'piwsicIk pInoce'iuk, co kupitike'sim; shi okumauwunuk shpumuk kishkok. **4** We'kwe'ntukI ke'shI kacwe'ntumkwe'n wia'w ke'cwa e'kcilt pInoce' oie'o ke'kcI pite'ntakwsIt okumauwunuk shpumuk kishkok. **5** We'kwe'ntuke' ke'otapnakwe'n nkot e'kacilt pInoce' ntl'noswunuk ntotapnuk Nin. **6** We'kwe'ntuke', ke'nkshaat nkot notI e'kacinIncIn, te'pwe'ie'nmlt, wusimI taowunIt win, potakIn sIn e'wi napkuk, ipi wupukinIt e'cIk mitmianuk kcukImik. **7** Kwo kwansukumuk shotI kik, osam ni nshke'ntuwunIn iw sI ke'nomkuk e'wipiamkuk nshke'ntuwunIn kokwansukumuk cI onInIpie'tot i nshke'ntuwun. **8** KishpIn iknIc, tanake' i

ksIt, ocImiashtotmIn kishkshIn, ipi nkoci pukiton, wusimI wunIt, kin pitike'n pmatsiwunuk knIce'n, ipi ksIt'e'n pnacak, icI i e'wi in nish knIce'n tanake' ksIt'e'n, icI e'wipuke'nukon kakuk shkote'k. **9** KishpIn ke'ikshkishuk ocImiashtotmIn kcIpiton nkoci pukiton; wusimI owunIt kin pitike'n shi pmatsowunuk; mtIno nkotuk kshkishuk, icI e'wi-ion nish kshkishkwe'n e'wipukicikasiIn namkumuk shkote'k. **10** Akwamsuk e'wipwa ianwe'nme'k otI nkot e'kacilt, OtI ktInum, IpI shpumuk mishInwe'mwan pIne' wapmawan shiw oshkishkonuk ni NosIn e'ciIt shpumuk kishkok. **11** O We'kwIsmukot NInwun kipie' e'wike'skonat ni kakiwanincIn, **12** TInicI e'shte'aie'k? KishpIn nInI iuwat nkotwak mantanshIn, icI nkot kiwaninIt, conI onukinasin ni shak tso mtInIshIshaka, icI e'shiat shi e'pmIkwtakiw onunuk, icI e'pantawapmat ni kakiwanincIn. **13** KishpIn cI mkuwat, we'we'nI ktInum, wusimI su mciwe'nmo ni nkot mantanshIn, icI ni shaktso mtInI shI shaka; kapwakiwanincIn. **14** Iw sI nasap; cowin otIne'nmasin; Koswa e'ilt shpumuk, notI nkot e'kacinIncIn e'wipnatsInut. **15** MinI kishpIn kikane' mIcitotakwiIn, shian, ipi witmo iw omIcshowe'psowun te'pnak kin, ipi win, nshukI kishpIn cI psItakwiIn; kikshkaase' kikane'. **16** KishpIn kI pwapsItakwiIn moice'o nkot tanake', nish, wusimI, icI winwa otukitowunawa ki nish, tanake' nswI, ke'ocI wishkIsuk i kitukitonuwan. **17** KishpIn cI ni pwaopsItwat witmoki e'cmaacIk, kishpIn cI pwapsItwat ni anmue'ancIn, ne'num ke'cwa me'mataosIt, ipi maocIcke' onInI. **18** We'we'nI ktInum, We'kwe'ntuk ke'tkoptoie'k shotI kik, shi ke'tkopte' shpumuk, ipi we'kwe'ntuk ke'iapskonme'k shotI kik, ke'iapskonkate' shi shpumuk. **19** MinI otI ktInum; KishpIn nish kinwa ie'ne'ntume'k shotI kik tshItme'ke'ko; winwa ntotmowat iw ke'nomkIt nuk Nos e'ilt, shpumuk kishkok. **20** KishpIn nish, tanake' nswI, ocI maoc'e'tiwat nin tnoswunuk shiw nkliI nawi iukwan e'ciiuwat. **21** IcI Pitu okipie'naskawan, otI cI okinan, Te'pe'nmin, TInicItsuk nikane' miashtotwut icI nin, e'wipone'nmuk? nashnI nouksuk? **22** Cisuus cI otI okinan, otIsI cokite'nse'non nash nouktsuk, otIsI nush nouktsomtInI tsuk nouk. **23** OtIsI she'nakwIt okumauwun shpumuk ke'cwa kcI-okuma, ne'twe'nmat opmitakaimIn e'witpukot. **24** Pic cI wawe'pktasot, nkot kipie'twa mtatsuk mtatswak kcIshoniaiIn me'snamakot. **25** CocI ke'ko okiilsin e'witpuwe'k, Te'pe'nmukwocIn, kishawe' win e'witawe'k ipi

niwiwun, ipi onicanse'iIn, ipi caye'k ka'tot icI e'witpukate'nuk iw, omIsInukIn. **26** NicI pmitakaimIn okiowucikwnItakon, otI cI okinan, Te'pe'nmin nocma pwishIn, icI caye'k kIshtpuon. **27** NicI te'pe'nmukwocIn, okishuwe'nmukon, ipi okipkIt nukon, icI e'kiwe'pne'makot i me'snamowat. **28** IcI o pmtaka e'kisakuk, icI nkot e'kimkawat wic pmitakaiIn kamsInamakot, nkotwak shomanke'In, icI e'kimackonat, e'ki kpe'ne'we'nat; otI cI okinan, tpuoshIn me'snumoiIn. **29** IcI ni wic pmitakaiIn kipukson osItik, e'kimatmat; otI cI okinan, PwishIn icI caye'k ke'cI tpu'onan. **30** Cocu papIsh, ikiwupitke'we'pnan shi kpakwotiwkomkok, i e'witpu ukot i me'sna'makot. **31** Pic cI ni wic pmitakaiIn kawaptumwat e'totwumIt cicIkisate'ntumwuk, icI e'kinaskawawat, ipi okiwit mowawan, ni te'pe'nmukwacIn caye'k katotwumIt, **32** IcI ni te'pe'nmukwcIn kakishntomkot otI okinan, O! ke'kie'patsin pmitaka kipone'ntumon caye'k me'snamoiIn, osam i kishIntawe'num, **33** ConukwnI ke'kin i ktakishIshuwe'nmasi, o kicpmitaka. nin kashIshuwe'nme'nan. **34** IcI ni te'pe'nmukwcIn kin shkatsin, ipi okipkIt numwan, ni ke'tmakawe'ncIn, pama kitpu'uk caye'k i kamsInamakwcIn. **35** Iwsuke' win nasap shpumuk Nos, ke'totakwie'k, kishpIn kte'iwak pwapone'ntumwe'k cak kikane'iwa me'ctotakwie'k.

19

1 Iw kashowe'puk pic Cibus kakishkitot, shi kiwcImaci Ke'ne'niuk, icI e'kishiat e'kokmukwe'anak Cwtie'uk e'shwIiokwan Catanuk. **2** Kicmaoce'tincIn cI okpmlnashkakon; shiwci okine'se'an. **3** KicI kI Pe'nisiuk kipie'naskakon, e'wikwci te'pe'nmawat, otI cI okinawan; Ta'wunItnl nInI we'pinat wiwun cak ke'ko? **4** Okinkwe'twe'ncI, otI okinan, conu wikakwaptusinawa, mIsInukInuk win kaoshaat ne'tum okiwshuan nInIwun ipi kwe'n. **5** OtI kakItot iw ie'i nInI ke'oci nkInat, osun ipi okie'iIn; icI ke'cI iuwat wiwun, ipi e'nishwawat kInkot nInI otIwiasmawa. **6** Iwci ie'i we'cpwanishwawat, mtIno nkotnInI otI wiasmawa; Iwci Kshe'mIne'to kanishostot coin ntoac nInI okupapkie'ptosin. **7** OtI cI okinawan, TacI Mosus kashukatokie't e'wiminkIt we'npie'kate'k mIsInukIn icI

e'wiwe'pnukIt. **8** Otl cI okinan, E'iwishkiaksIni kte' iwan, Mosus kaocI ne'nmukwie'k e'wiwe'pne'k kiwuwak; ke'iaie'k coi konomkIsnon. **9** NincI ktInum, We'kwe'ntuk ke'we'pnakwan wiwun, kishpIn pwa waonIshkawanIt okwe' ipi pe'kansIncIn wiwut waonIshkaiwI, ipi we'kwe'ntuk ke'owiwkwe'n niwe'pnukasnIt win waonIshkaiwI. **10** E'knomowacIn otl okikon, KishpIn wIil showe' psIt otl nInI ni wiwun; cota owunse'non e'wiwiwuk. **11** Otl cI okinan, Caye'k nInwuk co otaotapnIsinawa, otl kikitowun; mtIno ki ke'mincIk. **12** AnIt ionukuk kishI nikwuk, kashu nikukwat okie'owan, ipi anIt ionukuk kiwshiak ionukuk ni nInwun, ipi anIt ionukuk okiwshItonawa wiwuwa ionukuk, shpumukcI okumauwun, we'ctotatsowat, Win ke'kshkItot wiwtapnuk, nocma okaotapnan. **13** IcI e'kipie'twawat akacinIncIn pInoce'iIn e'wipkIt nuk, niw onIce'n wiwunuk, ipi e'winumat, icI ni ke'knomowacIn; okimiashknonawan. **14** Otl cI Cibus kikIt o, Nocma pkIt nuk ki pe'piwsicuk pInoce'iuk, ipi ke'ko knumoake'kon e'wipie'naskawat, iwkshe' e'shnakwuk okumauwun shpumuk kishkok. **15** IcI e'kipkIt nuk nione'ce'n wiwunuk, kinmamacicI. **16** PInI cI, nkot okipie'naskakon, ipi otl, okikon Manoshuwe'psin Ke'knomake'n; we'kwnicI ke'totman we'onuk e'wikshkItoian, kake'pmatsowun? **17** IcI otl okinan, TacI we'tshInkashiIn me'noshuwe'psin? Cosuwi wIil mnoshuwe'psusi, mtIno nkot, ocI Kshe'mIne'to: kishpIn, wiwikwelpitike'n shi pmatsonuk nakitowe'ntum ni okukie'kwe'wunun. **18** Otl cI okinan, TIninIncI ni? Cibus cI okikito, Ke'ko nshowe'kIn; Ke'ko, waonIshkaiwukIn, Ke'ko kmotkIn, Ke'ko wIil knoshkacimakIn; **19** KcIpite'num Kos ipi kie', ipi Tpush kic pmatsi, e'pic tpantIsiun. **20** OcI oshkInwe' otl okinan, Caye'ksI notI, kapie'shIcke'ian e'kopie'kishkiiian, We'kwnicI nowate'shIcke'ian. **21** Cibus cI otl okinan; KishpIn waowike'swune'n, shian, ipi tawe'n e'ton icI kuminak ke'tmakse'cuk; te'pe'nwe'osawun ke'iIn, ipI shpumuk, ipi pie'pmlnashkaoshIn. **22** Nish cI o oshkInwe' kanotuk; i kItwun; kin mamacicI kikisate'ntum, osam kicI tpe'nwe'osI. **23** IcI kanat Cibus ni e'knomowacIn, We'we'nI ktInum, ke'ctpe'nwe'osIt nshnI kawa okIshkiton e'wipitike't shi okumau wunuk shpumuk. **24** MinI otl ktInum, WusimI tawe'npInsI o kcIwe'si shipanote't e'wankoianuk, shapnukIn, icI ke'ctpe'nwe'osIt nInI e'wipitike't shiw otokumauwunuk Kshe'mIne'to. **25** IcI

ni kiknomowacIn, kanotmowat kikeImamkate'ntumwuk, otl kikItwuk, We'nicI ke'ke'skwit? **26** Cibus cI okiwapman, ipi otl okinan, NInwuk sI, co otl otakshkItosinawa, winie'k, Kshe'mIne'to cake'ko otakshkIton. **27** IcI e'kinkwe'twat Pitu ipi otl okinan PInI ninan nkinkItamIn caye'k, icI e'kipmnashkonkon: We'knicI ke'ie'iak? **28** Cibus cI otl okinan, We'we'nI ktInum Kinwa pie'pmnashkawie'k shi iacnikItiwnuk, pic We'kwIsmukot NInwun kicipitupIt, shiw ome'nwankocipitupwunuk; kinwa ke' kicipitupum mtatso shIntInish cipitupwukwuk tpakwne'k ki mtatso shIntInish e'tswe'nkIswat Isniuk. **29** E'tshuwat, ki kankItikuk e'tawacIn tanaka, wikae'iln, tanake' omIse'iln, tanake' osIn, tanake' okie'iln, tanaka wiwun, tanake' onicansIn, tanaka otukim, nin ocInkItmowat, ntInoswunuk, oke'ie'nawa nkotwak tso, ipi oke'ie'nawa ke'ciiuwat kake' pmatsowunuk. **30** NIsh cI kumane'k kie'ne'tumIscuk kiw kIshkwIshnok; ipi ki kIshkwIshkuk kne'tmIshnok.

20

1 OTI sI okumauwun shpumuk e'shnakwuk ke'cwa nInI katpe'ntuk wikwam, kasakuk kukishie'p e'winokanat wamice'witakwcIn, shiw siwnokamshu ktukanuk. **2** Pic cI kanat ni makicIwincIn, nkot shInIn e'kishkiwuk, okikatonan shi siwnokamshu ktukanuk. **3** IcI e'kimacit cI, e'iaptu naokwe'nuk icI e'kiwapmat pakansIncIn e'nipwunIt, ke'ko e'pwamiktumnIt shiw e'tshitatuk. **4** IcI otl okinan. Shiak ke' kinwa, shiw siwnokamshI ktukanuk, ipi we'kwe'ntuk ke'shI wunuk, i ke'shIminukon. IcI e'kimaciwat. **5** MinI Kimaci naokwe'nuk, ipi kaiaptosanuk icI nasap kishIcke'. **6** NkotupukIn e'pwamshu pkIshmok kishie'wak, ipi okimkawan anIt e'ni powe'nIt ke'ko e'pwamiktumnIt, icI otl okinan, We'kwnicI shotI we'cnipoie'k ne'ie'kIn ke'ko e'pwamiktme'k? **7** Otl cI okikon, osam cowliI nInI nokankosinan. IcI otl okinan, Shiak, ke'kinwa shi siwnokamshI ktukanuk; we'we'nIcI ke'pite'ntakwtokwe'n kuke'ie'nawa. **8** PamacI pic, e'nmupkonianuk, te'pe'ntuk, i siwnokamshu ktukan otl okinan, ni pmitakaimIn; Ntom ki makice'wicuk mish ke'shkitowat, shkwe'iak o kapiat tpa'o ne'tum icI o ne'tum kapiat shkwe'iak tpa'o. **9** Pic kapishiawat

kikanokancuk nkot tpukIn e'pwamshI pkIshmok, e'tshawat kiminak nkot shInIn. **10** Pic cI kapiIshawat ne'ptum, kanokancuk wusimI nkuminkomIn kine'ntum wuk. winwa ke' nasap kiminak e'tshawat nInI nkot shInIn. **11** IcI kakIshminowat, okimto' mawan me'noshuwe'psIncIn ni nInwun, we'tu wikwamnIncIn. **12** Otl kikitwuk, KotI shkwe'iak kimikce'wik, mtIno nkot tpukIn, icI kin kiie'i naoshiImIn ninancI, wi nkipi ke'ie'kwsImIn, shi e'wiskate'k e'kishkiwuk. **13** Okinkwe'twancI ninkit, otI okinan, Nikan, cosuwi kimiashtotosnon, conukwI kiwnwacisi e'witponan, nkot shInIn? **14** OtapnIn te'pe'ntumIn, ipi macin. Nkumina ote' shkwe'iak pie'mikce'wit kin kashuminan. **15** ConI owunse'non nin e'wi totman e'shte'aian te'pe'ntuman? InI kshkishuk we'cmiashu we'psinkuk, osam nin e'mnoshuwe'pse'an? **16** Kisu shkwe'iak kne'tmlswuk, ipi ki ne'tum shkwe'iak; anwu mce'shntomak nIshce' pke'ci we'napcIkaswuk, **17** Cibus cI e'nmapiskat e'ishat Cinose'numuk, okimacinan ni mtatso shItnish ke'knomowacIn, icI e'nmlnshIke'osawat e'nmlshiat, otI okinan. **18** PInI, ktIshamIn ipI Cinose'ne'muk, icI We'kwIsmukot NInwun kupkItna shi kcI me'matmocuk ipi ki we'npie'ke'ncIn, icI ke'cI pkIte'nmawat e'winsIckasnIt. **19** OkupkItnumwawancI, ni me'mataosIncIn e'winaptotwanIt, ipi e'wipsItie'wanIt, ipi e'wiskakwukasnIt, icI nso kishkuk minI kupsukwi. **20** IcI e'kipie'naskakot niw kie'iwan ni Se'piti nicansIn, okipie'wice'okon ni okwIsIn, e'pie' owuciwkwnItakot e'ntuwe'ntumakot ke'ko. **21** Otl cI okinan, We'kwnicI ne'twe'ntumIn? Otl cI okinan, Ne'num, kotI nish nkwlIsuk, e'wicipitupwat, nkot kte'pniwnak, ipi o nkot knumciwnak, shiw ktokumauwunuk. **22** Cibus cI okinkwe'twan, otI kikitto, CosI kuke'ntusinawa ne'totmoie'k, KtakshkItonawanI e'wimnukwe'ie'k shi mnukwackInuk, nin watshumnukwe'ian, ipi e'wi kcitapie'nkoie'k i kcitapie'nwe'wun, e'shIkcitapie'nkoian. Otl ci okinawan ntakshkItomInsl. **23** IcI otI okinan. We'we'nIsI kannukwe'nawa i nmlnkwackIn, ipi kukcitapie'nkom, i kcitapie'nwe'wun e'sh kcitapie'nkoian, icI ie'k e'wi cipitupie'k shi nte'pniwnak, ipi numciwnak coin nin i ntpen'tusin e'wimikwian, kisie'k kuminak e'twaknukwacIn Nos. **24** Pic cI ki mtatso kanotmoat, okinsItawe'nmawan, ni nish we'wikane'itIncIn. **25** Cibus cI okintoman e'cilt, otI kikitto, Kuke'nmawaksI ki okumak ki Me'mataose'cuk,

otI tpakwnukwan; ipi cIki ke'cne'ntakwse'cuk okIcnapne'nkwan. **26** Cocu wi kinwa a knomkIsnon; we'kwe'ntuk kinwa ke'kcine'ntakwsukwe'n, oie'o, nocma win kupmitakwa. **27** We'kwe'ntukI kinwa ke'okumaokwe'n; nocma win kupmitakwa. **28** Ie'inomkIt ke'cwa We'kwIsmukot NInwun e'ki pwapie' pmitwut; mtIno e'kipie' pmitake't, ipi e'wimikoe't, opmatsuwun e'witpuke't ni mane'ncIn. **29** Pic cI e'nmumaciwat Cunikoiuk; ke'cmaoce'tincIn, okipmInashkakon, **30** PInI, nish ke'kie' pikwancIn nInwun, e'cipitupnIt cikimie'w kanotake'wat, ni CisuusIn e'pmose'nIt kinotaksik, otI kikItwuk, Shuwe'nmIshInak O Te'pe'nmiak, We'kwIsmukwiIn Te'pIt. **31** KicI maoce'ticIk okiknumowawan, e'wi tokmupinIt; wusimIcI kinotaksik otI kikItwuk, Shuwe'nmIshInak O Te'pe'nmiak We'kwIsmukwiIn Te'pIt. **32** IcI Cisuus tokum, e'kinipwIt, ipi okintomat, otI okinan, We'kwnicI pe'kose'nmie'k, i watotonkon? **33** OtI cI okikon, Te'pe'nmiak, notI nshkishkonanIn e'winsakwnImIn. **34** IcI Cisuus okishuwe'nman, ipi okitaknumwan, niw shkishkonIn, icI papuk e'kintawapwat, ipi okipmInashkakon.

21

1 PIC cI pe'shoc e'nme'iawat Cinose'numuk shi kapiawat Pe'pe'ciuk, shi e'pkotniak AnIpiuk, icI Cisuus e'ki nokanat nish ke'knomowacIn; **2** OtI cI okinan, Shiak sI shi otane'suk wusoci iukwan e'ie'k kie'nup cI kumkuwawa me'makshe' e'tkopsot, ipi ne'makshe'sun, e'wickapwItwat, iapskopinuk, icI ke'cI pie'twe'ie'k. **3** KishpIn cI wIil nInI, ke'ko koie'k; otI knawa, Te'pe'nke't onItwe'nman, icI papuk kupkIte'ntumakwa. **4** Caye'ksI otI kitotam, e'wite'pwe'wunukuk kakitot Nakanacimot otI kItwak. **5** Witomouk otansun, Sayan, PInI kitokumam, kupie'naskak, kacwe'nmo e'pie'tomkot me'makshe'iln, ipi me'makshe'sIn, we'nicansumacIn me'makshe'. **6** Kimacik cI ni ke'knomawacIn, icI kiwIshIcke'k Cisuus kanat. **7** Okipie'nawancI ni me'makshe'iln, ipi ni me'makshe'sIn, okitonawancI paskumwacIn; icI kwuciukwan e'ki cipitupawat. **8** Ke'cmaoce'ticuk cI, okishuwe'ksItonawan opiskumwaknawan shi mie'wuk anItkI okikishktukwne'anawan ni mtukwe'n, icI e'kipukitowat shi mie'wuk. **9** IcI

ki maoce'ticIk kanmI nikanicIk, ipi kanmupme'nashkawacuk, kinmI wishkwe'we'ksik, otI kikItwuk, Ke'skonwe'n We'kwIsmukwiIn, Te'pIt Mnawankose' o, pie'iat otunoswunuk Kshe'mIne'ton, Nocma kinwusimI ke'skonwe'n! **10** Pic kapiat shi Cinose'numuk; caye'k shi kaicuk kcI otanuk kamacik, otI kikItwuk, We'nicI otI? **11** KicI maoce'ticuk kikItwuk, Cibus sI otI Nakanacimot we'cpiat, Ne'se'nut iukwanuk Ke'niniuk. **12** Cibus cI kipitike', Kshe'mIne'to okIcnume'okumkok, okisakicuwe'pnancI, caye'k e'tawe'n cIn, ipi kashpInItasnIncIn, shi kcI nume'okumkok ipi okikwe'npowe'pnanIn ni topwonIn, e'icuk iashtonkuk shonia, ipi ki otuptie'pwunwan, e'tawe'cuk, ni mIne'to mimin. **13** OtI cI okinan, OtI kikishnupie'kate' e'taian kshInkate' e'tshu nume'okumuk; kinwa cI kmotiwkumuk kiwshItonawa. **14** Ke'kie' pikwacuk, ipi me'akatacuk okipie'naskakon, shi kcInume'okumkok icI e'kine'se'at. **15** IcI ki kcI-me'matmocIk, ipi we'npie'ke'cIk kawapitumwawat, i kashumataocIke'nIt, ipi pInoce'iIn; e'wIshkwe'we'ksInIt shi kcI-nume'okumkok, ipi otI e'kItwat, Ke'skonwe'n We'kwIsmukwiIn o Te'pIt; icI kikcIn shke'ntumwuk. **16** OtI cI okikon, KnotwaknukotI e'kItowat, icI Cibus otI okinan; E'; Conu wikakwaptIsinawa e'shpie'kate'k misInukIn; Shiw otoniwak ki pInoce'ie'k, ipi nwancuk, kitockishton kwiuk winwate'ntumwun. **17** OkinknancI, kiw cI maci shi kcIlotanuk e'kishiat Pe'te'ne'iuk, icI shi e'kikIshIt. **18** IcI e'kishie'pwunuk, ne'iap e'nmupiskat, e'shiat shi kcIlotanuk kipkIte', **19** Pic cI e'wapmat kcI siwnokamIshen shiw kpumie'kIn, okinaskawan, cocI ke'ko okimkusin mtIno tukupukwe'n, otI cI okishitan, Cowi ka minI kumicImosi. IcI kie'nup kcI siwnokamIsh kinpopkIso. **20** IcI ki kiknomowacIn kawaptumwat, kimamkate'ntumwuk, otIcI kikItwuk, TInicI kie'nup otI kcI SiwnokamIsh e'sh npopkIsot. **21** Cibus cI okinkwe'twan otI ikinan, We'we'nI ktInum, KishpIn ie'ie'k i te'pwe'we'ntumwun, ipi pwaianwe'ntusie'k, cowi otI kashIcke'sin, katotwut otI kcIsiwno kamIsh ike' kishpIn ke'itume'k otI e'pkotniak, KikshkansI, ipi wupukson shi kcukumik, ike'nomkuk. **22** Ipi cak ke'ko we'kwe'ntuk ke'ntotmowe'kwe'n numaie'k, te'pwe'ie'ntume'k iwsu ke'shuminkoie'k. **23** Pic cI kapitike't shi kcI-nume'okumkok, ki kcI me'matmocIk ipi ki oke'ctaosunmwan kinIshInape'k, kipie'naskakon, me'kwa e'ie'kinomake't,

otl cl okinawan, Tinipi we'tnumIn, otl wishkIsyun otl e'shIcke'n? We'ni cl ke' kaminkon otl wishkIsyun?. **24** Ici Cisy okinkwe'twan otl cl okinan, Ninke' kInatonum nkot ke'ko; kishpIn cl witmoie'k, ninke' kuwitmonum we'tnuman otl wishkIsyun we'ctotman. **25** Iw kIctapie'nwe'wun o Can; Tinipi cl we'pamkuk, shpumukinI tanake' nInik? Ici e'kinatatwat otl kikitwuk, KishpIn otl kItie'kon, shpumuk sI otl kukonan, TacIshIna kapwao cl te'pwe'twe'k. **26** KishpIn cl kItie'kon; ni nInwun, kokwIsamIn ki nIshInape'k, osam caye'k ote'ne'nmawan ni CanIn ke'cwa nakanacimot. **27** Okinkwe'twawan cl ni CisyIn, otl okinawan, co nkuke'ntusimIn; icI otl okinan; Cosu ke'nin ku'witmosnonum, otl we'tnaman ot nwishkIsyun we'k totman otl. **28** TinicI e'ne'ntume'k? Nkot nInI kinish win, okwIsun icI e'kinaskawIt, ni ke'ctaosincIn, otl cl okinan, NkwIs, wumikice'win e'kom e'kishkiwuk, shi nsiwonokamshI ktukanuk. **29** Okinkwe'twan cl, otl okikon, Coin; icI shkIc kikisate'ntum, icI e'kishiat. **30** Okinaskawan cl ni e'kacinIncIn, icI nasapkinan, icI okinkwe'twan otl okikon, NkIshia sI Nos, cocI kishie'si. **31** We'nicI, ki nish kashIcke't osIn kashIntuwe'n mukot? Otl cl okinawan; Ke'ctaosItI. Cisy cl otl okinan, We'we'nI ktInum, kimaocIke'onInwuk, ipi kiwaonIshkaiuk, kupitike'k otokumauwunuk Kshe'mIne'to kinwa e'pwamshu pitike'ie'k. **32** Can kipie' kuke'nakakwa i, we'we'nI shiwe'psowun, co cl nIsh kite'pwe'twasiwa; kicI wi maocIshke'onInwuk, ipi ki waonIshkaiuk kite'pwe'twawan, icI kinwa kakish waptume'k, co kikisate'ntusinI i e'wite'pwe'twe'k. **33** PsItumok, minI nkot iacimowIn, Ke'iapI nkot we'towikwamIt kaktukatuk, siwnokamIsh ktukan, ipi okiwakaan, kiwtaiukwan, ipi okiwankatan watsho oshItot shomnapo, ipi kiwshIton wikwam e'shpianuk, okiwaancI ktukie'wunInwan, icI pe'noc e'ki shumacit, otanuk. **34** Cikiaukwan cl pic e'wikishkInuk i micum, okinokanan opmitakaimIn e'ci iInIt ni ktukie' onInwun e'wi wtapnumwat i micum. **35** KicI ktukie' onInwuk okimshunawan, niw opmitakaimIn, nkot cl ni okipsItie'wawan, icI nkot cl niw okinsawan, ipi nkot sInie'n okipkamawan. **36** MinI pe'kansIncIn, okinokanan opmitakaimIn wusimI ni kitshin, icI ni ne'tum nasap cl, ke' niw kitotwawan. **37** Shkwe'iak cl, okinokanan ni okwIsun, otl cl kikitto, Okupite'nmawan sI nkwlIsun. **38** Pic cl ki ktukie' onInwuk kawapmawat ni

okwIsnInIn otI kinItwuk, OtI sie'o shakwune't; aw nsatan, kinan cI ke'tpe'ntamIn i te'pe'ntukipIn. **39** IcI e'kimshInawat, ipi okisakcIwe'pInawan shi siwnokam shI ktukanuk, icI e'kinsawat. **40** Pic cI pie't te'pe'ntuk i siwnokamshI ktukan; tInicI ke'napInat notI ktukie' onInwun, **41** OtI cI okinawan, okukokwansukIne'nan sI ni mcInInwun pe'kansIncIn ni ktukie' onInwun okuwuan i siwnokamshI ktukan, ke'monkocIn i micum e'tso kishkInuk. **42** CIsus cI otI okinan, ConI wika otI kiwatusinawa mIsInukInuk, I sIn kiwe'shke'cuk kaianwe'ntumwat iw ie'i ke'ne'tmIsuk shi e'wikwe'iak. Kshe'mIne'to sliw otIshcIke'wun kumamkasaptamIn cI. **43** Iw sI otI we'cne'nkon otokumauwun, Kshe'mIne'to, kuotapnamakom icI kuminak ki nIshInape'k ke'pie'tocuk i micumowun. **44** We'kwe'ntuk cI ke'pmukocnokwe'n shi sInik, kupikwshIn, ipi we'kwe'ntuk cI ke'tsoskwe'n, kupisposo. **45** Pic cIki, kcI-me'matmocIk onInwuk, ipi Pe'nisiuk, kanotmoat ni iacmonIn, okikuke'ntanawa, winwa e'kowat. **46** Pic cI wamshInawat okikwsawan, ni maoce'tincIn Nakanacimot Osam winwa okine'nmawan.

22

1 CIsus cI okinkwe'twan, otI okinan, minI ni acimonIn otI kItwe'k; **2** Okumauwun i shpumuk, otI e'ne'ntakwuk ke'cwa nkot okuma kaoshInwiat okwIsIn, e'wi wiwunIt; **3** Okimace'nashkawan, ni opmitakaimIn, e'wintomanIt ni wakumIncIn; co cI kipie'sin. **4** MinI cI pe'kansIncIn ni opmitakaimIn, okimace'nashkawan, otI cI okinan, Wuwitmowuk kiwakmIcIk, PInI, shiI nkishwshuston i naokwe' wisnuwun, mpIshkimuk, ipi wanoukuk kishInsawak; ipi cake'ko nkishwshuston, pie'shiak sI nwikwke'wunuk. **5** Ke'koishukcI okine'ntanawa icI pape'kan e'kishishiawat; nkot otItshI ktukie'wunuk, kishiI ocI ke' nkot e'tshe'tawe't. **6** KicI kashkwicuk OkimshInawan niw OpmitakaimInIn, ipi na'okitotwawan, icI e'kinsawat. **7** Pic cI o kcI okuma kanotake't, i ki kcInshkatsI, okinInashkawan cI ni otI shumaknIshimIn, e'kiwnusanIt ni kanshowe'ncIn, ipi okicaksumwawan, iw ototanInIn. **8** IcI okinan, ni opmitakaimIn, shiI sI kishwsusIn, i wikwtowIn, kicI kawikmIcuk

copite'ntakwsIsik, **9** Shiak ntoac ipI mie'wuk; tsocI ke'mkowe'kwe'n, ku'wikmawak. **10** IcI ki pmitakaiuk e'kishiatwat shi mie'wuk, icI e'ki maote'nawat, caye'k tso kamkawawat, niw me'iashowe'psIncIn, ipi me'noshowe'psIncIn; icI kite'pse'k shi e'tshi wikwtuk. **11** Pic, cI okcI okuma kapitike't, e'pie'wapmat, ni kawikmacIn, okiwapman, nkot nInIwun shi e'iInIt kapwa piskumIt wikwtatikwowun. **12** OtI cI okinan, Nikan tacl kapie'shupitike'n, e'pwa piskumIn i wikwtatikwowun? CocI okIshkitosin e'wi kikitot. **13** Iwcl kanat, o kcI okuma ni opmitakaimIn, TkopInuk one'cik osItik, ipi maciwunuk, ipi wupukinuk, me'kwe' kiskupkonia, shi e'tnIte'mok ipi e'tnwe'iapte'shnuk. **14** Mce'sh ntomak; nIshcI puke'ci we'napmak. **15** IcI okiwutshItanawa ki Pe'nisiuk, washI nkwapnawat, shiw okikitonuk. **16** OkinInashkawawan cI e'ciilt ni ke'knomowacIn, ipi ni Knotiunun, otI e'wi nunanIt, Ke'knomakIn nkuke'ntamIn tpacl e'shuwe'psin ipi we'we'nI e'shknomake'n o Kshe'mIne'to otIshcIke'wun ipi co ke'wIiI kitupate'nmasi, **17** WitmoshInak e'ne'ntumIn? Ntamno shIcke'mInI minkIt Sisu i maocIcke'wun tanake' co? **18** Cibus cI okike'ntumwan iomIeshowe'psiwnInawa otI okinan, We'kwnicI we'ckwcltupe'nmie'k, e'nume'kasie'k? **19** WaptIshuk i tpaomatwun i shonia. Nkot shInIn cI kipie'twawan. **20** OtI cI okinan; We'nicI otI e'shnakwsIt; ipi we'npie'kasot? **21** OtI cI okikon, Sisu sI. IcI otI okinan, Minuk Sisu tso te'pe'ntuk Sisu; ipi minuk Kshe'mIne'to tso tpe'ntuk o Kshe'mIne'to. **22** IcI kanotmowawat i kakItInIt, kimamkate'ntumwuk, ipi okinknawan, icI e'kimaciwat. **23** MinI cI i e'kishkiwuk kipie'naskakon ni Se'cwsIn, ki e'kitocIk, cowIiI taiapsisi icI e'kinatawat. **24** OtI okinawan, Ke'knomake'n, Mosus kikito, KishpIn nInI npot, pwa onicansIt, wikane'iIn cI taowiwunIn ni wiwun; e'wiw cI onicansItmowat ni wi kane'ipIninIn. **25** Ki ipIninIn sI e'cIiliak, nouk ki shik we'wikane'ite'cuk, ocI ke'ctaosIt kauwiwut kinpo, icI e'pwanicansIt, okinkItmowan ni wiwun wikane'iIn. **26** IcI ke' winwa caye'k okiianke'owiwmawan caye'k nouk katshIcIk. **27** IcI mammo shkwe'iak o kwe' kinpo winke'? **28** Pic cI iapsishnowat, we'ninIncI ke'wiwmukocIn ni nouk, caye'k e'ki wiwmukot. **29** Cibus cI okinkwe'twan, otI okinan, KiwaonIshnomsI, e'pwakuke'ntume'k, i msInukIn, ipi i wishkIswun

Kshe'mIne'to. **30** Pic sI iapsishnuk, cowiwsik, ipi co mintusik wiwtowun nasap sI e'ne'ntakwsInIt ni omIshInuwe'mIn o Kshe'mIne'to shi shpumuk, iw se' e'ne'ntakwse'wat. **31** OtI cI wi iapsishkuk kanocuk, conI kiwaptusinawa i msInukInuk i kashu knonkoie'k o Kshe'mIne'to, otI e'kitot? **32** Nin sI Nto Kshe'mIne'to iumuk E'pIne'e'm, ipi Nto Kshe'mIne'to iumuk AysIk, ipi Nto Kshe'mIne'to iumuk Ce'kap, Cosu wi Kshe'mIne'to oto Kshe'mIne'to omukwsin ni ne'poncIn, mtIno ie'k pe'matsIncIn. **33** Pic cI kimaoce'ticuk kanotwawat Kimamkate'ntumwawan, iw okukie'kwe'wunInIn. **34** Pic cI ki Pe'nIsiuk kanotmoat, niw e'kiwaonmanIt ni Se'cwsIn, kimaoce'tik; e'ciInIt. **35** Ice' nkot ni tpakwnuke'onInI, okinatakon i natatwun, e'wikwcIte'pe'nmukot, otI cI okikon? **36** Ke'knomake'n, TInI cI ie'i kcI kie'kwe'wun shi tpakwnuke'wunuk. **37** Cisuus cI otI okinan, Tpush o Te'pe'nmukwiIn, Kshe'mIne'to, caye'k shi kte'ik, ipi caye'k shi kcipamuk, ipi caye'k shi ktIne'ntumwunuk. **38** OtI se' ie'i kie'kwe'wun ne'tmIsuk, ipi ke'c pite'ntakwuk. **39** IcI i e'nishuk ike'win e'ne'ntakwuk, Tpush kic pmatsi e'shtpantusiIn. **40** IwsI notI nish kie'kwe'wunIn e'clKote'k, caye'k tpakwnuke'wun, ipi i nakanacimonIn. **41** Me'kwace' e'maoce'tiwat ki Pe'nisiuk Cisuus okinatawan. **42** OtI Okinan; TInicI e'ne'nme'k o Knayst? We'ninIncI we'kwIsmukwocIn? otI cI okinawan, Te'pItsI, otokwIsnun. **43** OtI cI okinan, We'kwnicI Te'pIt kaoce'shInkanat shi KcI cipamuk Te'pe'nmlt, otI e'kikItot? **44** O Kshe'mIne'to otI okinan, Te'pe'nmlt, cipitupIn shi nte'pniwnak, nash kiwshukwa ki me'iane'nmukwie'nuk namiukwan ksItik. **45** KishpIn Te'pIt ishuwawinat Te'pe'nmin tInicI e'shaokwIsmat. **46** CocI wliI nInI okikshkItosin washIaishe'mat, icI i e'kikishkiwuk wliI nInI cominI ke'ko okishI natawasiwan.

23

1 ICI e'kiknonat Cisuus ni maocatincIn, ipi ni ke'knomoacIn; **2** OtI kikito, kisI We'npie'ke'cuk, ipi ki Pe'nisiuk cipitupwuk shi Mosus o cipitupwunuk, **3** Caye'k cI we'kwe'ntuk kie'shI kie'kumukuwe'kwe'n, iw ke'shI naktuwe'ntume'k ipi i ke'totme'k, ke'kowi i shIcke'ke'kon, i e'shcIke'wat

kItwuk sI mtIno cocowi i shIcke'sik. **4** NapItmake'k sI ni wiwsha'wunIn kwe'skonuk e'wipmotmuk, icI shi e'towawat otInmaknInuk ninInwun, winwa cowi co e'winmatnumwat tIna nkot onIciwan. **5** E'wiwipmukwat sI ni nInwun, i caye'k we'cnInkie'wat; ipi omukite'tonawan ke'ni wiasotkwe'psonawan ipi omukite'tonawan ni se'kacknIn shiw piskumwakInawak. **6** Ipi, ome'nwe'ntanawa e'shpI oshIckate'nuk, e'tshI wikwtowut, ipi ni nakansIncIn e'ci cipitupnIt, shi nume'okumkok. **7** Ipi e'numkotwa shiw e'tshutatak, ipi e'wikowat ni nInwun, Ke'knomake't, Ke'knomake't. **8** Ke'ko wi kinwa, Ke'knomake', ShInkaske'k, mtIno nkot we' Ke'knomakwie'k Knayst cI o kinwacI caye'k ktowikane'itum. **9** Ke'ko wi wIil nInI Nos shInkanake'k shotI kik nkotwe' mtIno Koswa shpumuk e'ilt, kishkok. **10** Ke'kowike' Te'pe'nke't, shInkaske'kon, nkot wI Te'pe'nmukwie'k o Knayst, **11** We'kwe'ntuk ke'cI pite'ntakwsIt kinwa, oie'o ke'pmitakaiwut. **12** We'kwe'ntuk ke' ke'kcI pite'ntuk wia'w, oie'o ke'niswe'ntakwsIt, ipi ke'o ke'psuwe'ntuk wia'w oie'o ke'kcI pite'ntakwsIt. **13** Kokwansukumuk kinwa we'npie'ke'ie'k, ipi kinwa Pe'nisiuk, e'nume'kasie'k! kikupakwumwawa kinInwuk shpumuk iw okumauwun, cocke' kinwa tpInwe' kpitike'sim, coke' kitine'nmasiwak wanmupitike'cuk e'wi pitike'wat. **14** Kokwansukumuk kinwa we'npie'ke'ie'k, ipi kinwa Pe'nisiuk e'nume'kasie'k; kcakitumwawak shakaocIk, otowikwamwam, ipi nIsh knoe'sh ktInankitonum, e'mumatumoie'k; iwcl i kotIskonawa wusimI mIcitotatwun. **15** Ko kwansukumuk sI kinwa we'npie'ke'ie'k, ipi kinwa Pe'nisiuk, e'nume'kasiuk! kiwtashkanawa i kcukum, ipi ikI, e'wimkowe'k nkot, wawitokwe'k, pic cI witokone'k, nishuk wusimI kitIshawa win, onicansumkot shi namkumuk, icI kinwa e'shwe'psie'k. **16** Kokwansukumuk kinwa ke'kie'pikwaie'k nakanwusie'k, otI e'kItie'k, We'kwe'ntuk ke'kie'tnamtakwsukwe'n, i kcI nume'okumuk, coke'ko nomkIsnon, we'kwe'ntuk cie'k ke'kie'tnamtakwsukwe'n i osawshonia kcInumie'okumkok, kawite'pwe'. **17** Kukie'patsIm, ipi kukie'pikwam, We'kwni cI wusimI e'pite'ntakwuk i osawshonia tanake' i kcInume'okumuk we'c te'pe'ntakwuk i osawshonia? **18** Ipi we'kwe'ntuk ke'kie'tnamtakwsukwe'n shi e'tshipitakwe'k, coke'ko nomkIsnon we'kwe'ntukie'k ke' kie'tnamtakwsukwe'n i kie'pitakwe'k, ka'wite'pwe'. **19**

Kukie'patsIm, ipi kukie'pikwam, We'kwni cI wusimI e'pite'ntakwuk,
ipatakwe'k, tanake' i e'tshI pitakwe'k, te'pe'ntuk i pitakwe'wun. **20**
Wikwe'ntuke' ke'kie'tnamtakwsukwe'n, shi e'tshi pitakwe'k,
ke'kie'tnamtakwsu shi ipi ni caye'k ke'ko kwIciukwan e'te'nuk. **21** Ipi
we'kwe'ntuk ke'kie'tnamtakwsukwe'n i kcI nume'okumuk
ke'kie'tnamtakwsu, ipi ni shi pituk e'inIncIn. **22** Ipi we'kwe'ntuk
ke'kie'tnamtakwsukwe'n, shi shpumuk kishkok, ke'kie'tnamtakwsu shi
Kshe'mIne'to Ocipitupwun, ipi ni shi capitupnIt. **23** Kokwansukumuk
kinwa we'npie'ke'ie'k, ipi kinwa, Pe'nisiuk, e'nume'kasie'k! me'tatsukIn
kitpumakIn, i mInIt ipi e'nIs, ipi kumIn, icI kiswe'tonawa ke'c
pite'ntakwukIn, i tpakwnuke'e'wun; shuwe'ntuwun, ipi te'pwe'ne'ntumwun;
notI sI i e'ni takitotme'k; cocI ktakinkItsinaawan i nomkukipIn. **24** Ke'
kie'pikwaie'k nakaniie'k! e'cikwakmIshkane'k, nIshpukos, icI wi e'kme'k
kco we'si. **25** Kokwansukumuk kinwa, we'npie'ke'ie'k, ipi, kinwa Pe'nisiuk
e'nume'kasie'k, kinwa kpintonawa Sakiciiukwan i mnukwackIn, ipi i
onakIn, shi cowi pic iukwan moshkine'mkIt wie'shke'wun, ipi me'anuk. **26**
Kin ke'kie'pikwan e' Pe'nisiwin! Pinakwton ne'tum, shi piciukwan i
mnukwackIn, ipi onakIn, icI shi sakici iukwan ke' kupinakwton. **27**
Kokwansukumuk kinwa, we'npie'ke'ie'k ipi kinwa Pe'nisiuk, e'nume'kasie'k!
ke'cwa kinwa e'shnakwse'ie'k i wapshkIckate'k cipe'okumkwe'n, we'we'nI
e'mnwapme'nakwuk sakici iukwan shi ca'wi pic iukwan moshkIne'ton
ne'pcuknInwuk otoknimwan, ipi caye'k wanakwuk. **28** IusukI kinwa; nasap
sakici iukwan kte'napme'nakwsum me'noshuwe'psukIn e'wi napmukwie'k
nInwuk, piciukwan ca'wi kmoshknIstonawa nume'kaswun, ipi
mIcIshuwe'psuwun. **29** Kokwansukumuk kinwa, we'npie'ke'ie'k, ipi kinwa,
Pe'nisiuk e'nume'kasie'k! kitoshtawawak maokiocipe'okumkom-wan, ki
nakanacimocuk ipi kiakume'tum-wawak, ni ocipe'okumkomwan ki
ne'pwaka pIninuk. **30** OtI e'kItie'k kishpIn ie'iakpIn e'ie'pmatuwat
nosnanuk, contakinatmoasimIn, pic ne'sawat ni nakanacimoncIn. **31** TInicI
kwawintusom sI kinwa, e'winicansumkoie'k kikansacuk nakanacimoncIn.
32 MoshkInitok sI i, otpukInwan kikoswak. **33** MIntoie'k; iaianke'
pmatsie'k pwatacke'ie'kme'ntoie'k tInicI ke'cI ktIski-ie'k shi pnatsowun
namkumuk: shkote'k? **34** PInI, kipukite'nmonum ki nakanacimocuk ipi

ne'pwakacuk nInwuk, ipi we'npie'ke'cuk, anIt cI kInsawak, ipi kIskakwawak, anIt ke' kupsItie'wawak shi kte'nume'okumkowak, ipi kukwtukawak onukmuk otanuk. **35** Kinwa cI ktakshkakwnawa piamkuk caye'k i maywakawun mskwI kasikwe'pnukate'k shotI kik, omuskwim E'pun, kanpwakat, nash mIskwim o Se'kinaye's kaokwIs mukot Pe'nukaye's, katpIne'k na'oiukwan shi kcI-nume'okumkok, ipi shi e'tshi pitakwe'k. **36** We'we'nI ktInum caye'k notI okupie'naskakwnawa kotI pe'matse'cuk. **37** O Cinose'nam! Cinose'nam! kin kansItwa ki nakanacimocuk ipi e'ki pmlsInwutwa, ki kapkItnumakon; tunitsuk taki maotInkwa knicansuk, ke'cwa pkuakwa e'maotoshmat opunsha ne'imIn, namiukwan onukwiknuk; co cI kine'ntusinawa? **38** PInI! ku wikwamwa kinukitumakom pe'pshukwu'te'. **39** OtI ktInum, Co wi minI kuwapmlsim, nash, pama otI kItie'k, MnawankosI o pie'iat shiw otunoswunuk Kshe'mIne'ton.

24

1 CISUS cI kisakum kiw cImaci shi kcInume'okumkok; nieI e'knomowacIn, okipie'naskakon e'wiwaptukot e'shcI kate'nuk i kcI nume'okumuk. **2** CIsus cI otI okinan, kuwaptanawa nI caye'k notI? We'we'nI ktInum, Co wi nkot sIn kwucie'kwan kte'snon, caye'k kniswe'pnukate'ton. **3** Ka cipitupIt shi e'pkotnianuk Anipik, e'knomowacIn cI kimoc okipie'naskakon, otI cI okikon, WitmoshInak tapicI otI ike'nomkuk? ipi E'ni cI ke'shu kInwa sapmnakwuk pic wipian? ipi i washu kInwasapmnakwuk pic wishkwakiwuk? **4** CIsus cI okinkwe'twan, otI okinan akwamsuk sI owlI nInI e'wipwawie'shmukwie'k. **5** Cumane'k sI ntunoswunuk ke'pie' shiacuk otI kukItwuk, Nin su Knayst; icI mce'sh ke'cowie'shmat. **6** Ipi Knotanawa i mikatwunun, ipi ianmukumukuk, i mikatwunIn, ikwamsuk kcI e'wipwa mkoshkate'ntume'k iwsI caye'k notI ke'showe'puk, icI wi e'wishkwakiwuk; comshI pie'mkIsnon. **7** Kupsukwik cI papukan e'shumcuk ke'cI mikatwat, ipi papukan okumawunIn, ipi kukicupikIte'kiwun ipi kukicI iakwnoke'kiwun, ipi knanImshke' onukmuk nkoci kI. **8** IwsI caye'k notI we'cmacimkuk mkoshkate'ntumwunIn. **9** Iwcl

pic ke'cipkItnukoie'k, shi watshI kwTukukoie'k, ipi kInsukom, ipi kshike'nmukwak caye'k e'tsoshumocuk nin ke'o te'nmukoie'k ntInoswunuk.

10 Iwcl pic mce'sh kInshke'ntik, ipi kawie'shtik, ipi onukumuk kIshI shi ke'ntik. **11** Ipi kumane'k ke'psukwicuk nakanacimokascuk mce'sh cl okawie'shmawan. **12** McI showe'psowun cl osam e'mane'k mce'sh cl tpantowun kItkIsnunI. **13** Wincl plne' ke'iakwamsIt oie'o ke'ke'skonIt, **14** Ipi otI okumauwun mnoacmowIn ke'iacIkate' caye'k shotI kik, ke'kI kukInwa te'ntumwat caye'k e'tso shumocuk, icI ke'cl piamkuk e'wishkwakiwuk. **15** Pic cl wapmie'k ki shake'ntakwse'cuk ke'pnactocuk, kashInikanacimot nakanacimot Te'niunIn, ni pwowat shi e'tshe'mno shIcke'wat (we'kwe'ntuk ke'waptumkwe'n shiw msInukInuk uocma okInsItan,) **16** IcI ki ke'ie'cuk Cwtie'uk, nocma knInshumwuk, shi e'cl pkotnianuk. **17** Winke' o kwItIpuk e'ilt co kupie'nisasisi e'wiwtapnuk ke'ko shi wikwamuk. **18** Winke' o ktIkanuk ke'ilt cocupie'kiwe'si e'wiwtapnuk otikwame'iIn. **19** Kukokwansuksik ki ke'ncukwcuk, ipi ki ke'nonaosocuk, shi niw e'kishkiwuk. **20** Numak e'wi pwapomkuk pic oshumie'k nainIta ke' e'wipwa nume'kishkuk. **21** Iwcl pic ke'cu keI ianmukiwuk, cowikakinomkIsnon e'kowe'pkiwuk, otI pic coke' minI i knomkIsnon. **22** KishpIn sI notI e'kishkiwuk pke'ci shIckate'k, co wliI pe'matsIt kuke'skonasi; kiw cie'k we'we'napcukascuk, e'kishkiwuk ke'ocl, pke'ciw shItok. **23** KishpIn sI wliI nInI otIkoie'k, PInI otukw'shI Knayst, Tanake' ako, ke'ko tpwe'twake'k. **24** Kupsukwik kwshI nIsh Knayst ke'shInkatsocIk, ipi nakanacimokascuk, ipi kuwaptuukowak kawimataonokie'k e'wimamkate'ntakwsIwat, kishpIn cl kshkItowat nike' otawie'shmawan ni kaowe'napcIkasnIncIn. **25** PInI kisha sI kowitmonum. **26** KipIn cl wliI otukoie'k, PInI, ipI sI iuwak na, wiukwan, ke'ko ipI shiake'k, PInI kimoc iawak shi wikwamuk ke'ko wi te'pwe'twake'k. **27** Ke'cwa pwawasmok e'wcipiamkuk we'cmokuk, ipi e'wawase'shkuk nash ipI we'cplshimok, iw sI ke'nomkuk pic piat We'kwIsmukot NInwun. **28** E'ciiukwe'n ne'pot, wiio'w, shiw ce'ci maocce'tiwat ki knowuk. **29** Kie'nup cl kikishianmukiwuk, ni kishkiwunIn, kisIs ke'o kukisupkoniawapmnakwsI; ipi tpuk kisIs co kawawase'shkmake'si, ipi ki nukok shpumuk kaotukocnok, ipi nishke'e'osawunIn ipI shpumuk

kInukshke'non. **30** IcI pic ke'cinakwte'nuk otI kinwaciawun o We'kwIsmukot NInwun shiw shpumuk, iwel ke'ki caye'k e'tsoshumowat, shotI kik kukitImake'nmok, ipi kowapmawan, ni We'kwIsmImcIn NInwun pie'tnIsnIt ankwotok, shi shpumuk, okupie'iIn cI okIshkle'wsowun, ipi okcImnowankoswun. **31** IcI ke'cI pie'mace'nashkawat omIshInIwe'mIn kupie' kcI notakwtonawa i notakwelkIn, icI ke'cI maotonawat, win kawe'napmacIn e'nkokwak otI kI. **32** Mpe' wi kuke'ntumok iaiacimowIn i cIsiwnokamIsh, pic saknumkwicIn shiw otukwasuk, ipi sakpuksicIn kukuke'ntanawa shiI ci kiukwan e'mnokumuk. **33** Iwsl kinwa pic waptme'k caye'k notI kukne'tmok e'cikiukwanwuk shishkwate'muk. **34** We'we'nI KtInum; Cowi kumacisik kotI pe'matse'cuk, pama caye'k notI kitpIsak. **35** Kishuk ipi cI, kupinaca, otIe'k ntuktowun co kupnacasnon. **36** Pic i e'kishkiwuk, ipi tupukIn, co wIil okuke'ntusin, nInI mocki co mIshInwe'k ipI shpumuk mtIno ie'k Nos. **37** Ka nomkItInuk Noe', okishkomIn, i sI ke'win nasap, ke'nomkItInuk piat o We'kwIsmukot NInwun. **38** Iw e'shkishkiwuk e'pwamshumoshkuk kiwisnik, ipi kimnukwe'k, kiwiwtik ipi kimamintik e'wi wiwtowat, nash i e'kishkuk, Noe' e'kiposIt shi napkwanuk. **39** Co cI okike'ntusinawa nash e'moshkInuk kapiamkItInuk icI caye'k e'ki we'pokwat, iwsI nasap ke'nomkItInuk pic piat o We'kwIsmukot NInwun. **40** Iw cI pic nish ke'ik ktukanuk nkot cI kaotapna, ocI nkot kInkIna. **41** Nish kwe'k kupispotaswuk, shi potakunuk, nkot cI kaotapna, ocI nkot kInkIna. **42** Kawapuk cI co ku ke'ntusinawa i tpukIn, pic ke'piat o Te'pe'nmukwie'k. **43** Kuke'ntumok cI otI, KishpIn nInI te'pe'ntuk wikwam kuke'ntuk pic ke'mockIncIn wipianIt, otakawapman coke' otakine'ntusin ie'tat e'wipikw ukate'nuk. **44** TInicI oshInwiksuke' kinwa, e'pwamshI shIte'aie'k kupie'wak We'kwIsmukot NInwun. **45** We'ni cI iakwamsIt, ipi ne'pwakat pmitaka kaokmaoukot ni te'pe'nmukocIn shi e'tat e'wiminat wisnuwun mno opi? **46** KIshuwe'ntakwsl su o pmitaka, pic pianIt ni te'pe'nmukwocIn mkumakot i shIcke't. **47** We'we'nI sI otI KtInum, okItIpIntumokon caye'k i otupunowe'wsowun. **48** KishpIn ke' o me'iashuwe'psIt pmitaka, ote'ik cI otI kitot, Te'pe'nmlt kcukinowe'sh e'pwamshupiat. **49** IcI ke'cI we'pwe'potwat wic pmitakailn, ipi witopmat, ipi mnukwe't, ni kawshkwe'pie'ncIn. **50** Te'pe'nmukwocIn o pmitaka

kupie'n e'kishkiwnunuk, e'pwam shI ntawapme't pic ke' i tpukInuk e'pwamshI pame'nmat. **51** Okukishkokon cI, ipi okupukinukon e'ciInIt ni e'nume'kasnIncIn, shi cI ke'tne'te'mok ipi ke'tnwe'iapte'shnuk.

25

1 OTI sI ke'ne'ntakwuk shpumuk okumawIn Ke'cwa mtatso, she'shksiuk, kaotapnumwat ni Wase'ncIkInumwan, icI e'ki wunkwe'shkwawat we'shkuwi winIncIn. **2** NianIn cI ki, kinpwakak, kicI nianIn kieke'patsik. **3** KicI kakie'patse'cuk pe"pshuk okimacitonawan wase'ncIknumwan, cocI i pmlte' okimacitosinawa. **4** Ne'pwakacuk ie'k okimacitonawa pmlte', pic iukwan otutaswunwak, ipi ni wase'ncIknumwan. **5** E'pwamshIpiant ni we'shkwi wunIncIn, caye'k ki note' npe'k, **6** IcI e'iapItipukuk okinotanawa otI e'kcI notakwtunuk, PInI, owe'shkwiwut shiI pie'wak; Shiak we'nkwe'shkwok. **7** IcI kotI caye'k she'shksiuk, e'kipsukwiwat e'kina' towat wase'ncIknumwan. **8** IcI ki ke'kie'patse'cuk, okinawan ni ne'pwakancIn mishInak i kpumte'mwa, osam ninan nwase'ncIk e'numnanIn iate'on. **9** KicI napwakacuk okin kwe'twawan, otI okinawan; Coin, cotanak tate'pse'snon kinwa, e'wi ie'ie'k, ipi ninan, kitashiam e'tshu tatuk, ipi kita kishpIne'tatsom. **10** IcI pic e'ie'shiawat e'wu kishpIne'towat, kipie'n owe'shkwiwinIncIn, ipi kapwiacuk okinmowice'wawan e'kipitke'nsht shi watshI owiwunIt icI i shkwate'm e'kikpakwukate'k. **11** Pama; ke'winwa nakIc kipie'k kianIt she'shksiuk; otI cI kikitwuk Te'pe'nmiak, Te'pe'nmiak, nsakwunumwushnak. **12** Okinkwe'twan cI, otI okinan; We'we'nI ktInum; Cokuke'nmlsnonum. **13** KuwapuksI co kuke'ntusinawa, i e'kishkiwuk, tankake', tpukIn, pic ke'piat We'kwIsmukot NInwun. **14** OtIsI e'ne'ntakwuk iw okumauwun shpumuk kishkok; ke'cwa nInI, e'wipamatsIt, pnoc e'shiatotanut; e'kintomat opmitakaimIn, icI e'kiswe'nmowat, otInkackIn. **15** Nkot cI okimiman, Nianuk mtatswak tso shonia; icI minI nkot, nishuk mtatswak tso shonia, icI minI nkot, nkotuk mtatswak tso shonia; e'ne'ntakwse'nIt sI okinu'onan icI papuk ki maci. **16** IcI ke'win kaminIt, Nianuk mtatswak tso shonia, kiwutawe'i, icI e'kiwtutuuk minI wusimI nianuk mtatswak tso shonia. **17** Winke' nishIk mtatswak kaminIt, winke'

nishIk mtatswak, wusimI okiIn. **18** IcI ke'wi o kaminIt nkotuk mtatswak kishie'wak icI e'kiwanke't ukik, e'kikItwat te'pe'nmukocIn oshoniaimInIn. **19** Pama cowika te'pe'nmat, notI pmitakaimIn kipie'; e'wike'nmat kanInkie'nIt, **20** IcI o kaminIt nianuk mtatswak tso shonia, kipie'wak, okipie'ton nianuk mtatswak tso shonia wusimI; otIcI kikito, Te'pe'nmin, kimishInapIn nianuk mtatswak tso shonia, pInI wusimI nianuk mtatswak tso shonia, nkikshkIton. **21** IcI ni te'pe'nmukocIn 'otI okikon, We'we'nI kitotum me'noshuwe'psin, ipi me'nototmIn pmitakIn, kimnototanIn; otI pke"cicoiIn mane'kIn kako kuminIn wakawakawaptumIn; Pitike'n e'tshI mnowankosIt te'pe'nmukwiIn. **22** Winke' o kaminIt nishuk mtatswak tso shonia, kipie', otIcI, okinan; Te'pe'nmin, kimish nishuk mtatswak tso shonia; pInI wusimI nishuk mtatswak tso shonia, nkikshkIton. **23** IcI ni te'pe'nmukocIn otI okikon We'we'nI kitotum me'noshuwe'psin, ipi me'nototmIn pmitakIn, kimnototanIn OtI pke"cikaiIn, mane'kIn ke'ko kuminIn wakawaptumIn; Pitike'n e'tshe' mnowankosIt, te'pe'nmukwiIn. **24** IcI ke'wi o e'kipiat kaminIt nkotuk mtatswak tso shonia, otI cI okinan, Te'pe'nmin kike'nmin, e'shsnuksiwnunwin, e'kishkIshke'n kacupwa swe'we'pnuke'n ipi e'maotInkIn kacupwa nisknukIn. **25** Nkikwtac icI e'ki shiaie'n, ipi e'ki wukIto ian ikshoniaium, ne'kwukik, pInI otI cI kte'iIn te'pe'ntumIn. **26** Te'pe'nmukocIn okinkwe'takon, otI cI, oki kon, E'ukie'patIs, ipi kiapie'tus, pmitaka, kike' num, e'kish kshkuke'ian kacupwa swe'we'pnuke'ian, ipi e'naotInke'ian kacupwa swe'we'pnuke'ian, ipi e'maotInke'ian kaucupwapmnisknIke'ian. **27** Kitakiwuton sli nshoniam ki iashtonke'cIk, piaiancI ntaki tkotapinan te'pe'ntuman ipi i takikshkIcke'mkukIpIn. **28** OtapInImak i nkotuk mtatswak tso shonia, icI minuk i e'ilt mtatsuk mtatswak tso shonia. **29** We'kwe'ntuksI e'ie'kwe'n kumina, icI mce'sh ke'ciIt, ocI ke'pwailt, kaotapnumwa ike'ian nwe'ilt. **30** Pukinuk cI o ke'ko pwanaptIsIt pmitaka me'kwe' kiskupkonia e'tshI tnIte'mok, ipi e'tnwe'iapitshe'nuk. **31** Pic cI We'kwIsmukot NInwun, kupie'wak okIcpite'ntakwsowunuk, ipi ni caye'k me'noshuwe'psIncIn omIshIne'we'mIn okupie'wice'okon, icI ke' cI cipitupIt okIcne'ntakwse'wunuk cipitupwunuk. **32** IcI e'nasmupIt kumaotInkaswun cak e'shumInIt nIshInape'n; icI ke'cI papke'pnat; ke'cwa e'shpapke'pnat nInI

omantanshImIn ipi nimotoiun. **33** IcI ke'cI cipitupat nimantanshIn ote'pniwnak, niCl motoiIn onumciwnak. **34** Otl cI okInan, KcI okuma niw e'inIt ote'pniwnak, Pie'macik she'winmukwie'k Nos, pitike'k okumauwunuk kaoshItakoie'k e'kowe'pkiwuk. **35** Npukite'napInsI, icI e'kishumie'k; nkikakas kIte"e's, icI e'ki mnlie'k conkikuke'ncukasi, icI e'kipitkIshie'k. **36** Nki shashakiti icI e'kikwe"ie'k, ipi nki iakwnoka, icI e'kipie'wapme'ie'k, nkikupakwukaske', icI e'ki pie'naskawie'k. **37** IcI ke'cInkwe't-wawat ki me'noshuwe'pse'cIk, otI cI kukItwuk, Te'pe'nmiak, TapicI, kawapmInkon e'pkIte'n, icI e'shumnukon tanake' e'kakaskIte'-e'siIn, icI e'kimne"nukon. **38** TapicI kawapme'nkon e'pwake'ncukasiIn, icI e'pitike'nkon tanake' e'shashakitin, icI e'kwe'inukoncl. **39** TapicI kawapme'nkon e'iakwnokan, tanake', e'kupakokon, icI e'kipie' shi iliak. **40** Iwcl KcI-okuma okinkwe'twan, otI cI okInan, We'we'nI, KtlInum, otI e'kitotwe'k nkot otI mamwI kacilIt kotI ni kane'iuk, isI nasap e'totwe'ie'k Nin. **41** OtI cI kie' win ni pic kie'nat e'inIncIn onumciwnak; Wus macik; e'pukicukasio'k kakuke' shkote'k, kaoshItwut mIcImIne'to, ipi niw omushIne'we'mIn. **42** NkipkIte' cocI kishumsim; nkikakaskite'e's, cocI kimnIsim. **43** Conkikike'ntakwsIsi, cocI kipitike'shsim, nkishashakiti, cocI kikwe"sim; nkiiakwnoka, ipi nkikpakwukas; cocI kimpoace'sim. **44** IcI ke' ke'winwa ke'cInkwe'twawat otI okInawan, te'pe'nmiak, tapicI kawapmInkon e'pkIte'n tanake', e'kakaskIte'-e'siIn, tanake' e'pwake'ntakwsin tanake', e'shashakitin, tanake' e'iakwnkan tanake', e'kupakwukasiIn; cocI nkipmitosnonmIn. **45** IcI ke' cInkwe'twat, otI cI okInan; We'we'nI KtlInum, KashI pwatotwe'k nkot otI mamwI kacilIt; coi kitotwusim. **46** KotIcI kishie'k kake' kwtuksonk; KotI cI ie'k me'noshuwe'pse'cuk kIshie'k kake' pmatsowunuk.

26

1 ICI Cibus kakishkitot caye'k note', kikitonIn, otI okinan e'knomowacIn. **2** Kuke'ntanawa kikish nish konkuk, ke'cI iashwe'sak wikwta'wun iwcl We'kwIsmukot NInwun kupkIte'ncikaso e'wiskakwukasot. **3** IcI e'kimaoce' tiwat, kcI-me'matmocuk onInimwan ipi ki we'npie'mowacuk, ipi oke'ctaosimwan, ki nIshInape'k, shi e'citanIt ni kcIme'matmot nInI

e'shnukasot Ke'ie'pus. **4** IcI e'kinatatwat, e'wiewie'shawat ni CisuusIn, ipi e'winsawat. **5** Otl cI kikItwuk, Coin nkom e'kishkiwuk e'wikwtuk, tanshonatkumkIswuk ki nIshIape'k. **6** Me'kwa Cisuus e'ie'iIt Pe'te'niuk shi e'tanIt Sayiman we'mkit. **7** Kipie'naskakon e'ciIt kwe'n okipie'iIn, SInmkukos ke'cwunIt nuk nmukwiwun, icI e'kisiknamakot otupik; me'kwa e'cipitupnIt e'ie'wisnInIt. **8** IcI ni ke'knomowacIn kawaptumwawat, kinshkatsiwe'n tumwuk otl cI kikItwuk; TInicI e'napciak otl e'nshonac cIkate'k. **9** Otl nmukwiwun tawe'kpIn mce'sh, takipite'ntakwut, icI takicI mintwa ke'tmakse'cuk, **10** Pic cI Cisuus kakwiuk kwe'nmat, otl okinan, We'kwnicI we'cmkoshkate'nme'k otl kwe'? Nme'nototak si i e'totwut. **11** PIne' kinwa kie'tmakse'cuk kpumiuwawak, nin ca' wi co pIne' nte'isi. **12** IwsI i e'kisiknuk otl nmukwiwun shi niwukwe'ctotuk i e'winkokasian. **13** We'we'nI KtInum; ke'pashiamkuk, i otl mInwacimowun, ke'iacukate', caye'k shotI kik; otlke', ke'iapI kwe' ke'iacIkate'ne' katotuk; e'wipwawaone'nciasot. **14** IcI nkot kimtaso shItInish kashInkasot Cwte's Iske'niut, kishie'wak e'ciiInIt ni kcI me'matmocuk onInwun. **15** Otl cI okinan, We'kwnicI tamishie'k ktapkItnumonum. IcI e'ki wawitmowawat nswapituk tso shonia. **16** IcI iwpi e'ki kwinnwune'ntuk washIpataat. **17** IcI i e'ne'tmukishkuk iw wikwtowun opwaopuce'te'k pkwe'shkIn, ni ke'knomowacIn kipie'naskawawan CisuusIn, otl cI okinawan TInipi cI ke'cI wa'wshustoiak; i e'wimiciIn iashwe'saki wikwtowun. **18** Otl cI okinan, Shiak kcI otanuk, nInI otl cI; knawa; Ke'knomake't kIto, Pe'shoc pie'mkIt, e'wimacian iashwe'sak wikwtowun shiw nke'iIn, i shi e'tan, ipi ki ke'knomokwa. **19** IcI ni ke'knomowacIn kitotmok kakowat ni CisuusIn; icI e'ki oshInwitowat, i iashwe'sak wikwtowun. **20** IcI wanmupkonianuk okiwitpaman ni mtatso shItInish. **21** IcI e'il wisnawat otl kikito; We'we'nI KtInum, Nkote'il kinwa kupataum. **22** IcI kikcI kisate'ntumwuk icI e'we'p cacipnowe' otl e'nawat, Te'pe'nke'n nin nI'? **23** E'kinkwe'twanI otl cI okinan, WinsI wacpmukamIt niw onIce'n shiw onakunuk, owiie'o ke'patamIt. **24** We'kwIsmukot NInwun maciwok e'shpie'kasot; kokwan sukukumuk o nInI, pataat, ni We'kwIsmukot NInwun; wusimI takiwunIt o nInI wika pwanikpIt. **25** IcI Cwte's kapataat okinkwe'twan otl cI okinan,

Ke'knomakIn nin nI? IcI otl okinan KikishkItsI. **26** IcI me'kwa e'Il wisne'wat Cibus okiw tapnan pkwe'shkIn, ipi kinume'; icI e'kipikupitot; icI e'kiminat, ni ke'knomowacIn, otl cI kikito, Otapne'mok micuk, otl ie'i niia'w. **27** Ipi okiwtapnan i mnukwackIn, ipi kiwawiiwe' icI e'kiminat otl okinan; Mnukwe'k i e'tshie'k. **28** Otl ie'i nmIskwim oshkawawitmake'wnuk we'csikwe'pnukate'k mce'sh e'wi we'pnukate'nuk ome'iashuwe'psiwnawan. **29** Otl cI ktInum, Cowi minI nkumnukwe'sin, e'micmowuk iw siwnokamIsh, pama i e'kishkiwuk, ke'cI oshku wic mnukwe'nmukon shi Nos otokumauwunuk. **30** IcI kakish nkumwat i nkumwun; kisakumwuk, kishie'k shi e'pkotniak AnipIk. **31** IcI Cibus otl okinan, Caye'k kinwa kInshke'nmlm nin, nkom e'pkoniak, otl e'shpie'kate'k; Nkuwe'potwa mantanshIn e'kwapmat, icI ki mantanshuk pe'msokapwucuk onukmuk ke'shI sowe'ptowat. **32** IcI ki kish onIshkaian nkInmI' nikani, ipI Ke'ne'niuk. **33** Pitu cI okinkwe'twan, Otl okinan, KishpIn msote' kaye'k nInwuk, nshke'nmukwiIn, coin nin nash ktanshke'nmlsnon. **34** Cibus cI otl okinan; We'we'nI KtInum, nkom e'pkoniak e'pwamshI notakwsIt pkaukwa nsuk conkuke'nmasi kIshI. **35** Pitu cI otl, okinan wic npotonan konkuke'nmasi coi ntakItsI, Nasap ke'ni caye'k okikon, nike'knomowacIn. **36** IcI e'ki pie'wice'wat Cibus, e'kipie'shiawat shi Ke't-se'mInI e'shnukate'k otl cI okinan, ni ke'knomowacIn; Cipitupuk shotI e'ie' shiaian e'shi e'winumaian. **37** OtlInI macinan cI PituiIn ipi ni nish okwIsun Se'pe'ti, icI e'we'pme' nshonate'ntuk, ipi ki kcl kwsukwe'ntum. **38** IcI otl okinan, Nin cipam kcl nshonate'ntum, ke'cwa npowIn; shotliuk, ipi wic kawapmie'k. **39** Pe'shoc cI wusimI kishiI; ipi kicicikwe'se', ipi kinume', otl cI kikito, O! Nose' kishpIn sI e'ne'ntumwune'n, nocma nkukwe'pмосankon otl mnukwackIn; Coin Nin e'ne'ntuman' kin sI e'ne'ntumIn. **40** Kipie' shie' cI ni ke'knomowacIn, okimakawan e'npanIt, otl cI okinan, ni PituiIn, TInI conukwnI ktanu kawapsim nkot tupkIn. **41** Kuwapuk, ipi numak, e'wikwe'ctpe'nmukosie'k, onwaciwak cipam, wiasma cI ninwusimkIt. **42** IcI minI e'ki macit, iw nishuk, ipi kinume' otl kikito, O! Nose', kishpIn otl mnukwackIn wipwakwe'pмосankoian mnukwe'ian ie'k, kin e'shte'an knomkIt. **43** IcI minI e'kipie'shiat okimkawan e'npanIt minI', osam e'kikipkoshwat. **44** Okinknan cI e'kishiat minI e'kiwunumat, iw otl nsuk,

nasap cI minI kiwukIt. **45** IcI e'kiptat ni ke'knomowacIn otI cI okinan npak, ipi nwashmok, pInI, pe'shoc pie'mkIt, tpukIn icI We'kwIsmukot NInwun e'wiwie'shIt one'cinuk me'iashowe'psIncIn. **46** Psukwik kInmamacimIn; pe'shoc iuwak wapataIt. **47** Me'kwa cI e'ilt nankitok, pInI, Cwte's nkot ki mtatso shItInish e'tshIcIk, kipie' okipie'wice'okon ke'cmaoce'tinIt, e'pie' ionIt kishkonIn, ipi iaptuwunIn e'ocIpiawat kcIme'matmocuk onInimwan, ipi oke'ctaosimwan ki nIshInape'k. **48** IcI o wawie'shat okiwitmowan washI kInwatInmawat, otI cI okinan. Osu ke'oce'muk, oie'o mackonuk. **49** IcI win e'kipie'shiat e'ciInIt ni CibusIn, icI otI okinan, KtInmukon Ke'knomakIn; icI e'kiwce'mat. **50** Cibus cI otI okinan, Nikan, We'kwnicI pie'ocIshian? Kipie'shie'k cI ki kipie'm mackonawan ni CibusIn. **51** IcI pInI, nkot kapmlwice'wakIn ni CibusIn, kishipnuke'no, icI, e'kiwtapnuk okishkowun, icI e'kiwe'potwat opmitakaimInIn ni kcI-me'matmot; icI e'kikishkitoke'shwat. **52** OtI cI Cibus okinan, minI shiton i kishkowun kacIte'k ki caye'k ke'otapnukuk kishkowun; okupnacukwunawa i kishkowun. **53** KtIshte'anI co ntakshkItosin e'wi nume'kituwuk Nos, kie'nup e'wi mishpI mtatso wusimI shItInish iaianke' maoce'tincIn mIshInwe'n? **54** KishpIn otI oshIcke'ian, tInicI ke'ocI te'pwe'mkukipIn notI we'npie'kate'k? otI cI knomkIt. **55** Iwpic cI Cibus okiknonan, ni maoce'tincIn kupie'otIsumnI, ke'cwa ke'mockIt e'pie'ioie'k kishkomwan, ipi kiaptuwInwIn e'wiwtapne'ie'k. Nkicipitup ca'wi, pIne' e'kInomonkon shi kcI-nume'okumkok cocI kimackonsim. **56** Caye'k otI kishIckate'pIn e'te'pwe'mkuk nakanacimocuk kashupie'ke'wat. IcI ni caye'k ke'knomowacIn e'ki nkItInIshmukot; **57** IcI ki kamackonawat ni CibusIn, okishonawan e'ciInIt, Ke'ie'pusIn ni kcI- me'matmot onInI we'npie'ke'ncIn, ipi ke'ctaosIncIn e'she'maoce'tinIt. **58** Pitu cI shkwe'iak okipmInashkawan, shi kcI-me'matmot onInI e'tanIt; icI e'kipitike't okiwitpuman pmitakaiIn e'wiwaptuk wakosanuk. **59** Kiwcl kcI-me'matmocuk o nInwuk ipi ke'ctaose'cuk, ipi caye'k kikitowun okipantawapmawan waknaoshke'mawacIn ni CibusIn e'wiwcInsawat cI. **60** CocI wIil okimkawasiwan, e'ki ianwI mane'nIt waknoshkImawacIn kipie'n, cocI okimkawasiwan, ici shkwe'iak kipie'k nish waknoshkImawacIn. **61** OtI cI kikItwuk, OtIsI otI kikIt, NtakshkIton e'wipnactoian okIc

nume'okumuk Kshe'mIne'to, icI ntakishton nsokwnukuk. **62** IcI
 kcI-me'matot onInI, kipsukwi, otl cI okinan; ConI ke'ko kitIshnkwe'take'si?
 we'kwnicI, kotI e'shmukon. **63** CIsus cI coke'ko kikiItsi. OcI
 kcI-me'matwot onInI okinkwe'twan otl okinan: OsI pe'matsIt
 Ke'she'mIne'to, ntInap e'wiwitmoie'k, tanak kin Knayst We'kwIsmukwiIn
 Kshe'mIne'to. **64** CIsus cI otl okinan, KikishkItsu. Otl win Nin KtInum;
 pama kuwapmawa We'kwIsmukot NInwun e'cipitupIt ote'pniwnak, iw
 okIshke'wsowun, ipi e'piat shi ankwotok shpumuk. **65** IcI o
 kcI-me'matmot onInI, e'kinanisikpe'tot paskukIn: otl cI kikito, Pukon
 we'takwsI; we'kwnicI wusimI ke'ocI ntotwukon ki waiacimocuk pInI nawa
 kinotwawa e'pkonwutakwsIt. **66** TInicI e'shte'aie'k? okinkwe'twawancI otl
 cI kikItwuk? Ne'ntakwse' sI e'winpot. **67** IcI e'kiskowanawat
 w'shkishkonuk, ipi okipkwakwnIcitwawan, ipi anIt okiwe'potwawan,
 onIciwan. **68** Otl cI okinawan, nakanacimotwushnak, kin Knayst; We'nicI
 kawe'potakwiIn? **69** OcI Pitu kicipitupI nkoci shi wikwamuk, icI
 she'shksiIn kipie'naskakon, otl cI okikon; Kinsuke' kipmI wice'wa CIsus o
 Ke'nInI onInI. **70** Caye'k cI e'nasmukapwunIt kiakwne'tum, otl cI, okinan;
 Cokuke'nmlsnon e'kiton. **71** IcI kanmusakuk, icI kanmilt te'skanuk,
 pe'kansIncIn she'shksiIn okiwapmukon, otl cI okinan, shiw e'inIncIn, otl sI
 ke'win okipmI wice'wan ni CIsusIn; Ne'sInI onInI. **72** IcI minI e'ki
 iakwne'take't e'ki kie'tnamtakwsIt, CosI nkuke'nmasi onInI. **73** IcI minI
 shkIc okipie'naskakon pe'mkapowIncIn, ipi okinawan ni PutuiIn, We'we'nI
 sI ke'kin, kapme'nashkuwut kuke'ntakwIs e'shumiIn knIstotakwIs. **74** IcI
 e'we'p mIci kikitot, otl cI kikito, Cosu nkuke'nmasi onInI; IcI pic
 e'notakwsIt pkuakwa. **75** Okimikwe'ntancI Pitu kakot, ni CIsusIn, e'kikot
 e'pwamshinotakwsIt pku'akwa, nsuk, coin nin nkuke'nmasi, kIshI. IcI
 e'kisakuk e'kiwukcumwut.

27

1 PIC cI kawapuk, caye'k ki kcI-me'matmocIk onInwuk, ipi
 oke'ctaosiwmawan ki nIshInape'k, okItshImawan ni CIsusIn e'winsawat. **2**
 IcI katkopnawat okimacinawan, okipkItnumwawan, ni Pantus Payne'tun

okuma. **3** Oci Cwte's kapkIt e'nmat, kawapmat ci e'winsIckasIt;
kikisate'ntum, ici e'kipie'tot ne'iap i nswapituk tswapuk shonia okopie'twan
ni keIme'matmocuk onInwun, ipi ke'ctaosIncIn. **4** Oti ci okinan,
Nkukie'patIs e'ki pkIte'ntuman pwamiashtotumomkuk mskwI. Oti ci
kItwuk, We'kwnicI ninan i? Kin si i mtIno. **5** Ici mcliukwan e'kipukitot, i
shonia shi keIe'nume'okumkok, ici e'ki macit e'ki wukontIsot. **6** Ici ki
keI-me'matmocIk onInwuk okiwtapnumwat i shonia, oti ci kItwuk,
CotawunsInon, e'witoikon maocIcke'wunuk, osam oti kakshkIcke'k
mskwI. **7** Ki kikitokci ici kitawe'keI ni shoniaIn kikishpIne'twawanci
wapukIn naknuki onInI okshtkan, e'winkowawat me'mataosIncIn. **8** Ie'i
we'tshInkate'k MskwI ktukan, oti e'kishkiwuk. **9** Ie'i te'pwe'wunukuk
kakitot CinImayi Nakanacimot oti kItwak, okiwtapnanawa i nswapituk
nswapuk shonia, kapite'ntakwsIt o kipInoce'iuk Isniuk kapite'nmawat. **10**
Okominawanci i onaknuki onInI ashklot ce'i okItkanI kanakwnIt
Kshe'mIne'to. **11** Ici Cibus e'kinipwIt e'nasmupnIt niw okuma, ici o okuma
e'natowat oti ci otInan, Kin, ni kitokumaomukok ki Cwiuk? Ici Cibus, oti
otInan kitukItsI. **12** Pic ci kianmikakot ni keI-me'matmocuk onInwun, ipi
ke'ctaosIncIn; coke' ki okishInkwe'twasin. **13** Oti ci Payne't, okinan, conI
kinotsin me'kwe'tso ke'ko e'shIi miane'nmukon? **14** ConI tIna nkotuk
okiknonasin; kikeI mamkate'ntum ci o okuma. **15** Iwci e'wikwtuk, okume'
kakuk okipkIte'man nkote'ie' ke'pakwukasnIt ke'wawinanIt ni nshInape'n.
16 Oki iu wawanci ke'ke'ntakwse'nIt kie'pakwukasnIt Pane'pe's
shInkaswun. **17** Ici pic kamaoce'tiwat Payne't, oti okinan We'nicI
ne'twe'nme'k e'wipkItnumon kon; Pe'ne'pe's tanake' Cibus e'shnukasot
Knayst? **18** E'ke'nmat ni e'kakiawe'nmanIt kaoci pkItnumakot. **19** Pic ci
kacipitupIt shi tupaknuki pltie'pwunuk, wiwun kipie' mIcimokie'n oti ci
kikItwun; Ke'ko nkot totwakIn one'pwakatnInI; keImce'sh ke'ko win
we'cwitaiapituman nkom e'kishkiwuk. **20** Kici keI-me'matmocuk onInwuk,
ipi ke'ctaose'cuk okiwishte'pmawan ni maoce'tincIn e'wi ntotma ke'nIt
Pane'pe'sIn; nicI e'winshonacumIt CibusIn. **21** Ici okuma okinkwe'twan, oti
ci okinan, We'nicI nkote'ie' ki kilpkItnumonkon; Oti ci kikItwuk, Pane'pe's.
22 Payne't ci oti okinan. TInicI ke'totwuk Cibus e'shnukasot Knayst. Oti ci
caye'k okikon nocma win KIskakwukaso. **23** Ici okuma kikItto, Taci?

We'konicI kamcItotuk? WusimI cI kiwishkowe'k, otI cI kikItwuk, Nocma win KIskakwukaso. **24** Pic cI Payne't e'waptuk ke'ko e'wipwakshkItot, wusimI na'wuc e'nshkatsInIt, okiwtapinan mpish, icI e'ki ksincat e'nasmukapwunIt maoce'tincIn, otI cI kikIto, Coin nin nsikwe'pnumwasi ne'pwakat omuskwim; Kinwa wi ke'shuwe'psowe'kwe'n. **25** Caye'k cI ki nIshInape'k okinkwe'twawan, otI cI kikItwuk, Nocma ninan nkupukitakomIn iw mIskwim kIte'nI, ipi nicanse'nanuk. **26** IcI e'kipkItnumwat ni Pane'pe'sIn, icI ni CisuusIn, kapsItie'wat okipkItnan e'wiskakwukasnIt. **27** IcI ni otI shumakunIshimIn okuma, okimacinawan ni CisuusIn kikitokumkok, icI e'kipie'naskakot caye'k shumakunIshIn e'tshInIt. **28** OkiskotnawancI icI e'kipiskotnawat mskwe'kIn kwawun. **29** Pic cI kakate'nmowat sisokwe'psowun, cukunukaoshisun okitawawan otupik, ipi nasaknIshk okitawan ote'pne'cik, icI e'kiw wucik kwuItwawat e'nasmupkapwunIt, icI okinapitotwawan, otI cI okinawan, We'we'nI' we'kuma omukwiIn Cwiuk. **30** IcI e'ki skowanawat, ipi kiw tapnanawa i nasakunIshk, icI e'kiwe'potwawat otupik. **31** KashkIc napitotwawat okikiskotnawan, icI win kapiskuk kipiskotnawan, icI e'kishonawat e'wiskakwawat. **32** Kapie'sakumwat cI ikiwapmawan, Se'nini nInwun Sayiman e'shInkaswun; niw cI kitwe' okinawan e'wipmotonIt ni iashte'iatkomnIn. **33** Pic ci kanmupiatwat e'shnukate'k, KanIkate', i e'tmuk O Knatup e'cite'k. **34** Okimanawan Siwapo, ipi wisup, katkostowat e'wiminukwe'nIt; icI kakwucupituk, co ki mnukwe'sin. **35** IcI e'kiskakwawat, ipi okiswe'nmowawan kapiskumnIt icI e'kitatiwat e'wite'pwe'wunukuk kakitot Nakanacimot, okiswe'nawan paskamInIn e'tshawat, ipi npiskumwakIn kaocI tatiwat. **36** Kicipitupwuk cI otukwapmawan cIshi. **37** IcI e'kitowawat shiw otupik we'npie'kate'nuk we'cawat, OTI CISUS OTOKUMAMWAN KI CWIUK. **38** Ipi cI nish kie'motshke'cuk, kitko Skakwukaswuk; nkot ote'pniwnak, nkot cI o onumciwnak. **39** KicI kapmose'cuk ikikuke'cawan e'mumukwe'twawat. **40** OtI cI otInawan, Kin, pe'nactin kcInume'okumuk, ipi kashIton e'nsokwnukuk ke'skontIson. KishpIn okwIsmukwiIn Kshe'mIne'to, pie'nisasin shi kiashte'iakwukinuk. **41** Winwa ke'ki kcIme'matmocIk onInwuk okinatkoawan, kike' onupie'ke' onInwuk, ipi ke'ctaose'cuk

okinawan. **42** Pe'kansIncIn cI okike'skonan, win cI co ke'skontusi. KishpIn sI we'tokmaomukwe'n IsniIn, nocma win Kom kupie'nisasi shi ashte'atkok icI ke'cI te'pwe'twukon. **43** Okipe'nmonIn Kshe'mIne'ton, nocma win oka'tapne'kin, kishpIn waiakokwe'n, otl kakItot Nin NtokwIsmuk Kshe'mIne'to. **44** KicI ke'mockicuk katukwakwukascuk win wa ke'i kanawat. **45** Nawkwe'k cI kikiskupkonia, e'nkokwukumkiak ukI; nash nsotupukIn e'pite'ntakwuk. **46** Pic cI nso tupukInuk Cibus kicInotakwse'wak, otl cI kItwak, Inay, Inay, ne'me' se'pe'kte'nay? otl e'kitok, Nkische'mIne'tom Nkische'mIne'tom, We'kwnicI we'c nkIshiun? **47** KicI anIt shikanipwoe'cuk pic i kanotmowat, kikItwuk; Otl nInI onItuman Inaisun. **48** Kie'nup cI nkot kimace'pto, icI e'kiw tapnuk Skuapowan, kiwumoshkIne'tot siwapo, icI e'kitot, e'kinapsItot shi nasakunIshkok okiminancI, e'wimmukwe'nIt. **49** KicI anIt otl kikItwuk, Ponuk, nocma wapmatan kI'nwa ok'pie'skonkon ni Inaisun. **50** Cibus cI kanotakwsIt minI e'pic kotakuk, okipkItnan ocipamIn. **51** PInI iwel kaiakwukote'k, pic iukwan kcInume'okumkok, shpumuk kipie'ocIpikw'shke' nashcI mtukumuk; ipi kI' kimacke'mkIt ipi ni sInie'n kipaskukie'ton. **52** Ipi kinsakshke'ton ni cipe'okumkwe'n, mce'sh cI kanpacuk kanumawakupIne'n, kiwnIshke'mkItInI wiwuwan; **53** Kipie' ocI sakumwuk shi cipe'okumkok, kakishiapsinIt, kipitike'kcI kcI-otanuk mce'sh cI okiwaptuawan wiwuwan. **54** Pic cI Kapte'n, ipi ni kapmI wice'okocIn, kakowapmacIk CibusIn, e'waptumwat kI e'nanimshkanuk, ipi kanomkItInuk kicIse'ksik; otl cI kikItwuk, We'we'ne'sI otl okiwkwIsmukon Kshe'mIne'ton. **55** Kimane'k ke'shi kwe'k, pnoc e'wsapmawat kapie'pmnashkawacuk CibusIn kiw cupie'k Ke'nInluk, e'wipmitwawat. **56** Winke' shi kitkoie' Me'ni Me'kte'ne'n, ipi Me'niIn, kaokie'macIn Ce'ms, ipi Cosus, ipi okie'iwan Se'piti onicansIn. **57** Pic cI e'nmupkonianuk kipie' ocupie' E'nIme'tiuk ke'c tpe'nwe'osIt nInI, Cosip kishInkaso, win kie' Cibus kaknomakot. **58** IcI tkishiat Paye'ntIn, e'kiwuntotmowat Cibus wiwuwan. IcI Paye'nt cI kikito, e'wipkItumwut i wiia'w. **59** IcI Cosip kaotapnuk i wiia'w okiwikwe'ie'kinan wapshkie'kIn pukwoian, panakwtInuk. **60** OkiwusanI tpInwe' otoshkicipe'okumkok kawe'napkaumatsokupIne'n, shi sInik; icI e'ki tupce'nuk kcI-sIn, e'shkwate'mwunuk, icipe'okumkok, icI e'kinke'tuk. **61**

Kiie' cI shi Me'ni Me'kte'ne'n, ipi o pe'kansIt Me'ni, kicipitukwuk cI ashowe'iukwan shi cipe'okumkok. **62** Ka WiiapukcI kakish oshIstowat i mkoshe'wun; ki kcI me'matmocIk onInwuk, ipi Pe'nisiuk kipie' wice'twuk, Payne'tIn kipie' shie'k; **63** Otl cI ikinawan Okuma, nmikwe'ntamIn kakItpIt okawie'shke'mot me'kwa e'ie' pmatsIt; Kinsokwnukuk nkaonIshka minI. **64** KIton e'wikawapcikate'k nash i nsokishuk i cipe'oknmuk; tanupie'n ke'knomowacIn e'ie'pko nianuk e'wikimocwunkot; otl cI Otanawan ni nIshInape'n, KipsukwiwaksI e'npopI iwcl i ne'tum. **65** Paye'nt cI otl okinan, anwusI KtIiwawak e'kwapicuk; ktashiamsI wawishkItok tso ke'kshkItoie'k. **66** IcI e'ki shiawat e'ki wa'wishkItowat i cipe'okumuk, e'ki tkwapkIstowat i sIn, ipi okisawan e'kwapInIt.

28

1 KAPONUM e'kishkuk e'pie'wasapuk i ne'tum e'kishkiwuk wik, kipie'shiI Me'ni Me'ktIne'n, ipi o pe'kansIt Me'ni, e'pie'waptumwat cipe'okumuk. **2** IcI pInI, e'ki kcImackanuk kI; Kshe'mIne'to omIshIne'we'mIn shpumuk kipie' ocupie'n, icI e'kipiat nkoci cI okine'nan i sIn kakpakwuke'k shi shkwate'muk icI e'ki kwuctiie'pIt. **3** E'shnakwsItcI ke'cwa e'wawasmok, ipi paskuk kiwapshkianI ke'cwakon. **4** E'pic kwsawat cI kikakowapcuk kinukshke'k, ipi ne'pkIn kishowe'psik. **5** OcI mshInwe' okinkwe'twan, otl okinan nikwe'n ke'ko kwtacke'k; kuke'nme'num Cibus e'ntuwapme'k, kaskakukwasot. **6** Cowi shotI ie'si; kiw nIshke'wak, kakItpIt, Piak pie'waptumok kacIshkIshuk, Te'pe'nke't. **7** Kie'nup shiak ipi kuitmowawak, ke'knomowacIn e'kiwnIshkanIt e'npopIt; pInI, nmInikani cawin ipI Ke'ne'niuk shiw ie'shi ke'cI wapme'k, pInI, kikiwitmonum. **8** IcI e'kin mamaciwat e'ki nkItmowat kie'nup, i cipe'okumuk kikwtacwuk, ipi kinciwe'n- mok; icI kipmupitok e'wiwitmowawat ke'knomowancIn. **9** IcI e'nmamaciwat e'wuwitmowawat ni ke'knomowancIn pInI, Cibus okinkwe'shkwan otl cI okinan; MnIwankosuk kinwa. IcI e'ki pmumackonawat osItinuk, ipi okiwucikwnItwawan. **10** Cibus cI otl okinan; Ke'ko kwtacke'k wuwitmowuk nikane'iuk e'wishiawat Ke'nIniuik shiw ke'cI wapmowat. **11** Me'kwacI e'nmpiskawat, pInI anIt e'kwapcIkipie'shie'k kcI

otanuk, icI e'kiwitmowawat kcI.me'matmocIk onInwun, cake'ko kashowe'puk. **12** Pic cI kamaoce'tiwat, ipi niw ke'ctaose'cIk ki-kikitot okiminawan mce'sh shonia ni shumaknushIn; **13** OtI cI okinawan, otI kItok, ke'knomowacIn kipie'nme'kwa e'pkoniaiuk kipie'kimocwunkon, e'ie' npaiak. **14** KishpIn cI otI, notuk okuma, nkuwishte'pmamIn, icI ke'cI pkIte'nmukwie'k. **15** Okwtapnanawa cI i shonia kitotmokcI kanItwa; icI ie'i ke'iapI e'kitowat ki Cwiuk nash otI e'kishciwuk. **16** IcI ki mtatso shItnkot ke'knomowacIn kishumacin shi Ke'ne'niuk kishie'k e'shpItnianuk kacI wawitmakwat ni CisuusIn. **17** IcI kawapmawat okiw wucikwnItwawan, anIt cI kiianwe'ntumwuk. **18** Cisuus cI okipie' knonan otIcI okinan, Caye'k kshke' e' osuwun nminko, ipI shpumuk kishkok, ipi shotI kik. **19** WimaciksI knomouk caye'k e'tso ikIswat nIshInape'k; kcItapie'nuk otInoswunuk o We'osmIt, ipi o We'kwIsmIt ipi o KcI Ocipam. **20** Ke'nomouk e'wi te'pwe'tmowat cak ke'ko kashI ke'kmInkon; PInI kakuksI kowice'wInum nash wishkwakiwuk. E'me'n.